

—**କ୍ଷୀ**—
ବିଷ୍ଣୁପ୍ରିୟା

ଭାବସାୟକ ମଞ୍ଚାଙ୍କ ନାଟକ

ଶ୍ରୀଯୋଗେଶଚନ୍ଦ୍ର ଚୌଧୁରୀ ପ୍ରଣୀତ

“ରଞ୍ଜିତ”ର ଉଦ୍ଘୋଷଣ-ରଞ୍ଜନୀତେ

ପ୍ରଥମ ଅଭିନୟ

ଶୁକ୍ରବାର, ୧୨ଶେ ଆଷାଢ଼ ୧୯୭୮ ସାଲ

প্রকাশক :
শ্রীশুরেশচন্দ্র সাংখ্য-বেদান্ততীর্থ
৫০১২, রাজা রাজবল্লভ ষ্ট্রীট
কলিকাতা ।

মুদ্রাকর :
শ্রীকমলেন্দু নাহিড়ী, এম এ
দি ব্রিটেনিয়া প্রিণ্টিং ওয়ার্কস্
১, বিবি রোজিও লেন, কলিকাতা

নিবেদন

শ্রীশ্রীচৈতন্য-মহাপ্রভুর জীবনী প্রাচীন বাংলা সাহিত্যের যে কত বড় সম্পদ, তাহা এককণাও বলিবার বা বুঝাইবার উপায় নাই। তাঁহার জীবনী ও ধর্মকে অবলম্বন করিয়া যে কত সাহিত্য, কাব্য, দর্শন, সঙ্গীত ও নাটক রচিত হইয়াছে, তাহার ইয়ত্তা নাই। এতবড় জাতীয় আন্দোলন বাংলায় আব হয় নাই। সেইদিন হইতে আবস্ত কবিগণ, চারি শতাব্দী ধরিয়া বাংলা সাহিত্যে যে ভাবসম্পদ সঞ্চিত হইয়াছে, তাহা হইতেই বাঙালীচরিত্রের বৈশিষ্ট্য গড়িয়া উঠিয়াছে। তাই বাঙালীজাতিকে জানিতে হইলে নবদ্বীপের দিকে একবার তাকাইয়া দেখিতে হয়। কবি সত্যেন্দ্রনাথ সত্যই বর্ণিয়াছেন—“বাঙালীর চিত্ত-অমিয় মণিমা নিগাই ধরেছে কায়া!”

এই নবদ্বীপচন্দ্রকে তাঁহার সমসাময়িক কবিগণ কি প্রচণ্ড বিশ্বাসের সহিত দেবতা বলিয়া স্বীকার করিয়াছেন, পাঠ করিলে আশ্চর্য হইতে হয়! কবি কর্ণপূর্ব তাঁহার বচিত শ্রীচৈতন্যচরিতামৃত মহাকাব্যের প্রাবল্যে কি অপূর্ণ শ্লোক রচনা করিয়াছেন! তাহাতে যে বিশ্বাস, ভক্তি, বস ও কল্পনার প্রসার আছে, তাহা দেখিলে মনে হয়, সত্যই একদিন ভক্তিবাসের বচায় “শান্তিপুত্র ডুবু ডুবু” হইয়াছিল এবং নবদ্বীপ ভাসিয়া গিয়াছিল! শ্লোকটি এই,—

যঃ শ্রীবৃন্দাবন ভূবি পুবা সচ্চিদানন্দসাক্ষো

গৌবান্ধীভিঃ সদৃশরুচিভিঃ শ্যামধামা ননর্ত্ত ।

তাসাং শব্দদ্রুতর-পরীরন্তসন্তোদতঃ কিং

গৌবান্ধঃ সন্ জয়তি স নবদ্বীপমালম্বমানঃ ॥

সেই শ্রীগৌবান্ধের পারিবারিক জীবনের রস ও কারুণ্য আশ্রয় করিয়া তাঁহার সহধর্মিণী শ্রীমতী বিষ্ণুপ্রিয়া-দেবীর নামে এই নাটক রচিত হইল। মহাপ্রভুর ধর্মজীবন সম্বন্ধে আমি এই নাটকে কিছু বলিবার চেষ্টা করি

নাই ; তাঁহার পারিবারিক ও সামাজিক জীবন এবং তিনি গোড়দেশকে যে ভাবের প্রেরণা দিয়াছেন, তাহাই এই নাটকে ফুটাইতে যত্ন কবিয়াছি । কত দূর কৃতকার্য্য হইয়াছি, তাহা পাঠক ও দর্শকবৃন্দ বলিতে পারিবেন ।

বিরহের ভিতর দিয়া যে মিলন, সেই মিলনকেই বৈষ্ণব কবিগণ শ্রেষ্ঠ মিলন বলিয়া ইঙ্গিত করিয়াছেন । ভাবের দিক দিয়া এই নাটকে শ্রীগোরাঙ্গদেবের এবং শ্রীমতী বিষ্ণুপ্রিয়াদেবীর জীবনে সেই সাংঘিক বিরহই একমাত্র অবলম্বন । ইহা মিলনের চেয়েও বড় । যে কথা বিষ্ণুপ্রিয়া-দেবী মুখে কোন দিন বলিতে পারেন নাই, অথচ যে অন্তর্গত বেদনা তাঁহার জীবনের ক্ষণিক মিলন ও দীর্ঘ বিবাহক একমুহুর্ত বাধিয়া তাঁহার জীবনকে পবিত্র, শুভ ও সুন্দর কবিয়া তাঁহার জগৎবেণা দেবতা স্বামীব পাশে তাঁহার যথাযোগ্য আসন নিদেশ করিয়া দিয়াছে, সেই কথা এবং সেই বেদনাই এই নাটকের প্রাণ ।

অভিনয়ের সুবিধার জন্য নাটকের কোন কোন অংশ নাট্যাভিনয়ে পরিভাস্ত হইতেছে । পবিপূর্ণ রসানুভূতির জন্য পাঠকেব সেই অংশগুলিও পড়া উচিত মনে করি, এজন্য পুঁবা নাটকখানিই প্রকাশ করিলাম ।

আমার অন্য দুইখানি নাটকের মত এখানিবও প্রয়োজন্য ভাব বন্ধুবর শ্রীযুক্ত শিশিব কুমার ভাট্টী মহাশয় স্বেচ্ছায় গ্রহণ কবিয়াছেন । “রঙমহলের” কড়পক্ষগণ তাঁহাদের নূতন রঙ্গভবন-উদ্বোধনে যে এই নাটকখানি নির্বাচন কবিয়াছেন, সেইজন্য তাঁহাদের এবং শিশিবকুমারের নিকট আমি কৃতজ্ঞ । ইতি

৫০।২ রাজা রাজবল্লভ ষ্ট্রীট,

কলিকাতা ;

শ্রীশ্রীকৃষ্ণের বুলনযাত্রা

রবিবার, মন ১৩৫৮ সাল ।

শ্রীযোগেশচন্দ্র চৌধুরা

চরিত্রপরিচয়

পুরুষ

শ্রীগোরাঙ্গ	... ভক্তাবতাব (নিমাই পণ্ডিত, সাধারণ পরিচয়)
নিত্যানন্দ	... ঐ লালাসহচর অবদূত, সাধারণ পরিচয়)
অদ্বৈত আচার্য	... তংকানন শ্রেষ্ঠ পণ্ডিত (গোবান্দপার্ষদ)
শ্রীবাস	... গৃহস্থ-ভাস্করণপণ্ডিত, ভক্ত (গোবান্দপার্ষদ)
সঙ্গদাস	... নিমাইয়েব বাল্যকালের আচার্য
কামদেব নাগব ও শঙ্কর	} ... অদ্বৈতের শিষ্যদ্বয়
হরিদাস	
বাসুদেব	... স্বপ্রসিক্ত পদকর্তা ও গায়ক
গোপাল চাপাল ও রামকপ	} ... নবদ্বীপবাসী ভাস্করণদ্বয় (গোবান্দবিবোধী)
মুকুন্দ, সঞ্জয় প্রভৃতি	
দামোদর, ভবত প্রভৃতি	নবদ্বীপের অন্যান্য ছাত্র
জনৈক পাগল	(নবীন সন্ন্যাসী শ্রীগোরাঙ্গের কপ দেখিগা ইনি পাগল হইয়াছেন)

ভক্তগণ, বন্ধুগণ, পার্ষদগণ, কীর্তনীয়াগণ, প্রতিবাসীগণ
নবদ্বীপের জনমণ্ডলী ।

নারী

শ্রীশ্রীবিষ্ণুপ্রিয়া	...	শ্রীবাসুদেবের সহবর্ষিণী
শচীমাতা	...	ঐ মাতা
সর্বভয়া	...	শচীমাতার ভগিনী
যালিনী	...	শ্রীবাসের পত্নী
নারায়ণী	...	শ্রীবাসের ভ্রাতৃপুত্রী
সাতাদেবী	...	অষ্টম-গৃহিণী

সঙ্গীতগানী, প্রতিবেশিনীগণ ইত্যাদি ।

শ্রীশ্রীগৌরচন্দ্রিকা

নট ও নটী কড়ক গীত

আজু কে গো মুরলী বাজায়,
এতো কভু নহে শ্যামরায় !
ইহার বরণ নহে তো কালো,
চূড়াটা বাঁধিয়া কে বা দিল !
কে বনাইল হেন রূপখানি—
ইহার বামে দেখি চিকণ-বরণী !

শ্রীশ্রীবিষ্ণুপ্রিয়া

প্রথম অঙ্ক

। পশুপতীর বাড়ীর ভিতর। ঘরের দাওয়া ও উঠানের কিয়ৎকাল দেখা
নাই-৩২০। নিমাই ঘরের ছয়টি বুজিয়া উঠানে আঁসরা কাঁড়াইলেন।
বিষ্ণুপ্রিয়া পিড় পিড় আসিলেন। রাত্রি বিপ্রহর—আকাশ
নন্দ-৩২১। একপাশে দশমীর কীটকর। নিমাই
উঠানে নাথিয়া হির হটরা আকাশের
দিকে চাহিলেন।]

বিষ্ণুপ্রিয়া। আকাশের দিকে চেয়ে কি দেখেছ ? একটু ঘুমিয়েছিলাম—
একটু মতো কখন উঠে এলে ?

নিমাই। তুমি ঘুমোও নন্দী, আমার ঘুম আসছে না। আমি
এখানেই আছি।

বিষ্ণুপ্রিয়া। তুমি না ঘুমলে আমারও ঘুম আসবে না।

নিমাই। তুমি কি আমার জন্য সমস্ত রাত ভোগে থাক ?

—বিষ্ণুপ্রিয়া—

- বিষ্ণুপ্রিয়া । ষাক্, তবু ভাল ! আমি ঘুগুই কি ভেগে থাকি একথা
জিজ্ঞাসা ক'বাব অবকাশ পেয়েছ ।
- নিমাই । কেন, কেন, একথা ব'লুছ কেন ? আচ্ছা, আমার এ কি
হ'ল ?
- বিষ্ণুপ্রিয়া । কেন, তোমাব কি হ'বে ?
- নিমাই । আমি ঠিক বুঝতে পারি নে । কে যেন আমায় ডাকে—
কত গোক আসে ষাষ—কথা কয় ! আমার আশে পাশে
যেন অসংখ্য আত্মা ।
- বিষ্ণুপ্রিয়া । আচ্ছা, তুমি বাওদিন কি ভাব ?
- নিমাই । কত বি—ভাবনাব আদি নেই, অস্ত নেই । আচ্ছা, মা
জানুতে পেবেছেন ?
- বিষ্ণুপ্রিয়া । কি ?
- নিমাই । আমার এই মনের ভাব । মাঝে মাঝে আমি বুঝতে পারি
এ ঠিক নয়—আবাব কি বকম গোলমাল হ'বে ষাষ ।
- বিষ্ণুপ্রিয়া । তুমি এস, শোবে এস । কবিবাজ ব'লে গেছে, ভাল ঘুম
হ'লে সেবে বাবে ।
- নিমাই । কবিরাজ এসেছিল নাকি ?
- বিষ্ণুপ্রিয়া । আসবে না ? তুমি মাঝে মাঝে ঝাঁদ—মাঝে মাঝে
হাস—কাল রাত্রেও মূৰ্চ্ছা পেছ । এ ক'দিন কি তোমাব
মুখে কথা ছিল ! আজ আমার কি ভাগ্য যে তুমি কথা
ব'লেছ !
- নিমাই । কবিরাজ কি ব'লেছে জান ?

—প্রথম অঙ্ক—

- বিকুপ্ৰিয়া । বায়ুবাগ ।
 নিমাই । বায়ুবাগ ?
 বিকুপ্ৰিয়া । আচ্ছা তিন দিন তোমার শিবাদি ঘুত মাখানো হ'চ্ছে ।
 নিমাই । বায়ুবাগ ? হাব, আচ্ছা কি ।
 বিকুপ্ৰিয়া । বসিবার বেলে, ছেমেবেলায় ছিল—এই গা বাতাসতে
 পাপ কষ্টে আনাব দেখা গিয়েছে ।
 নিমাই । কেন চন্দ্রমাঠীতে যাঠিন ?
 বিকুপ্ৰিয়া । তোমার কি কিছুই মনে নেই ?
 নিমাই । আর হায়া আচ্ছা । মনে কিছুই মনে করতে পারি
 নে । আমার মতি খুঁজি সব মনে এই শীতল বাতের
 চেয়ে আর মত কুমাৰজয় । তুমি আচ্ছা—তোমার আতাস
 পাচ্ছি, কিন্তু সম্পূর্ণত মনে তোমার ধনুতে পাচ্ছি নে ।
 বিকুপ্ৰিয়া । কেন এমন চল ?
 নিমাই । আমারও তো ঠিক ঐ একই প্রস্ন—কেন এমন চল ।
 চায়েবা এসেছিল ?
 বিকুপ্ৰিয়া । কাল তামের আসতে ব'লেছ, তারা এখানেই আসবে ।
 নিমাই । আমি পড়াব ব'লেছি ?
 বিকুপ্ৰিয়া । হ্যাঁ, ব'লেছ । যদি না পার, না হয় তারা চল বাবে কিংবা
 মত কাৰো কাছে প'ড়বে । আগে তোমার পৰীষ, তাৎপর
 তো পড়ানো ।
 নিমাই । আচ্ছা, দাদা এসেছিলেন ?
 বিকুপ্ৰিয়া । কোন্ দাদা ?

—বিষ্ণুপ্রিয়া—

- নিমাই । আমার দাদা—অবধূতের মত চেহারা, মাথায় ডটা ।
- বিষ্ণুপ্রিয়া । আমি তো কোনদিন তাঁকে দেখিনি । শুনিছি, তিনি তো অনেকদিন হ'ল সন্ন্যাস নিয়ে চলে গেছেন ।
- নিমাই । আমার যেন মনে হ'ল দাদা এসেছেন । শুধু দাদা নয়, অনেক লোক—আসছে, যাচ্ছে, উৎসব করছে ।
- বিষ্ণুপ্রিয়া । তুমি ওসব কথা ভেবোনা । ঘরে চল ।
- নিমাই । কেন ? এই জ্যোৎস্নাবাতে ঘাবর বাইবে—তোমার ভাল লাগছে না ?
- বিষ্ণুপ্রিয়া । ভাল লাগবে না কেন,—তুমি সঙ্গ আছে ।
- নিমাই । আমার সঙ্গ তোমার ভাল লাগে, লক্ষ্মী ?—আমি তো বায়ু-রোগগ্রস্ত—পাগল বলেই হয় । কি, হাসছে যে ?—আমায় পাগল মনে করে ?
- বিষ্ণুপ্রিয়া । না—একটা কথা মনে হ'ল ।
- নিমাই । কি কথা ?
- বিষ্ণুপ্রিয়া । সতীনের কথা । আমায় তুমি সতীনের নাম ধ'বে ডাক কেন ?
- নিমাই । তোমার সতীন আর তুমি যে এক । কেননা, লক্ষ্মীই বিষ্ণুপ্রিয়া, আর বিষ্ণুপ্রিয়াই লক্ষ্মী ।
- বিষ্ণুপ্রিয়া । বিষ্ণুপ্রিয়া তো সরস্বতীকেও বলা চলে ।
- নিমাই । তা'হলে আজ থেকে তোমায় সরস্বতী ব'লে ডাকব ।
- বিষ্ণুপ্রিয়া । ওমা—আমি সরস্বতী !—আমার নাকি বিদেব অন্ত নেই ।
- না গো—তোমার যা খুশী তুমি আমায় তাই ব'লে ডেকে ।
- নিমাই । তাই ডাকব ।

—প্রথম অঙ্ক—

(ছিব হইয়া কি যেন শুনিতে লাগিলেন)

বিষ্ণুপ্রিয়া । ওকি, উৎকর্ণ হ'য়ে কি শুনুছো ?

নিমাই । আমায় শুনুত দাও, পরে তোমায় বলছি । প্রকৃতি নীবদ,
কিন্তু প্রকৃতির অন্তরে যে প্রকৃতি আছে, তার ভিতর থেকে
স্ববেব গুণধ্বনি উঠে সমস্ত সৃষ্টিকে প্রাবিত করছে—সে
স্বর এক অপরূপ রূপেব অনুভূতি !

গ্রামঃ হিরণ্যপবিধিঃ বনমাল্যবর্হ-

পাতুপ্রবালনটবেশমনুব্রতাংসে ।

বিষ্ণুশ্রুতমিতবেণ ধুনানমজঃ

কর্ণোৎপলালক কপোলমুখাজহাসম্ ॥

বিষ্ণুপ্রিয়া । একি, কথা বলতে বলতে নীরব হ'লে কেন ?

নিমাই । এ বৃন্দাবনের রূপ, বৃন্দাবনের বেশ—গোপীরা দেখেছিলেন ।
আকাশেব মত তাঁর বর্ণ চিরশ্রাম—তার উপর প্রাতঃসূর্য্যকি
তাঁর পীতবাস !

বিষ্ণুপ্রিয়া । তাই তুমি আকাশ দেখছিলে ?

নিমাই । আচ্ছা, মা বড় ভাবিত হ'য়েছেন ?—না ?

বিষ্ণুপ্রিয়া । তাঁর আহার-নিদ্রা নেই ।

নিমাই । আর তুমি ?—তুমিও খুব ভাব ?

বিষ্ণুপ্রিয়া । এমনি ঠাকুর-দেবতার কথা বললে তো কোন ভাবনা হয়
না । কিন্তু তুমি যে মাঝে মাঝে মূর্ছা যাও, কাঁদ—তাতেই
তো আমরা ভয় পাই । তুমি যত কাঁদ, মাও তত কাঁদেন ।

নিমাই । আর তুমি ?

—বিষ্ণুপ্রিয়া—

বিষ্ণুপ্রিয়া । আমি কান্না রোধ ক'ববাব চেষ্টা করি, কিন্তু ছ'ডনকে ঝাঁপতে দেখলে আর স্থির থাকতে পারি নে—আমি ও কাঁদি ।

নিমাই । কি ডানি—আমাব মনে হ'ল, বুঝি' বা কান্নাও ভীতানব সাব, নিগুট মর্গবেদনাই জীবনের বস—সবচেলে মধু'র বস ।

বিষ্ণুপ্রিয়া । চল আমবা ঘবের ভিত্তব যাই । মা স্ট্রাব ঘবের দোর খুললেন—এখনি এদিকে আসবেন ।

নিমাই । বেশ তো, আসুন না ।

বিষ্ণুপ্রিয়া । তবে তুমি থাক—আমি ঘবে যাই ।

প্রস্থান ।

(শচী মাতাব প্রবেশ)

শচী । ওখানে দাড়িয়ে কে ?

নিমাই । আমি, আমার চিন্তে পাবছ না মা ।

শচী । কে, নিমাই ? তুমি উঠছ বাবা !

নিমাই । হাঁ মা, ঘুম হ'চ্ছে না—তাই এই ঠাণ্ডাব একটু বেড়াচ্ছি ।

শচী । বোমা—আমার বোমা কোথায় ?

নিমাই । এখানেই ছিলেন—তুমি আসছ দেখে বোধ হয় একটু লজ্জা হ'য়েছে ।

শচী । আমার আবার কিসের লজ্জা । বোমা, ও বোমা—

বিষ্ণুপ্রিয়া । ষাই মা ।

(বিষ্ণুপ্রিয়ার প্রবেশ)

শচী । এস, আমরা এই দাওয়ার বসি । আমার লজ্জা কিসের মা—তুমি তো আমার বো নও মা, তুমি আমার মেয়ে ।

—প্রথম অঙ্ক—

- নিমাই । তা'গলে আমার সঙ্গে ঔঁব সম্পর্কটা কি দাঁড়াল মা ?
- বিকুপ্রিয়া । আঃ, কি যে বল ।
- শচী । নিমাই, তুই যে জানান এ বকম ঠাট্টা ক'রবি, কাল সন্ধ্যা
বেলাও তা মনে করিনি ।
- নিমাই । কেন, জানাব কি জানা'ছন ?
- শচী । কি ভয়েছিল তা তুমিই জান না।। । ঈশানের কাছে গুলাম,
গয়া গেল আস্তে বাস্তায় তুঁমি নাকি অমন অজ্ঞান হয়ে
প'ড়তে ।
- নিমাই । আচ্ছা মা, ছেলেনেলায় কি আ'ম পাগল ছিলাম ?
- শচী । শুন'ছে। বোঁমা—আমাব ছেলের কথা ।
- নিমাই । আচ্ছা, বাবাবও বোধ হন মাথা খাবাপ ছিল ।
- শচী । কিসে বুঝলে ?
- নিমাই । হঁ, ছিল বইকি । তোমারও মাথা খাবাপ—তোমার বাবা
নালায়ব চক্রবর্তীরও মাথা খাবাপ ছিল—দাদার মাথা
খাবাপ । আমবা দস্তুরমত একটা পাগলের বংশ—পিতৃকুল
মাতৃকুল দুইই ।
- শচী । তোমাব পিতৃকুল হ'তে পারে, কিন্তু মাতৃকুল নয় ।
- নিমাই । মাতৃকুল আরও বেশী । তবে, দস্তুরকুলের মাথা খুব
পরিষ্কার—বিশেষ তোমার বধুর ; উনি বুদ্ধিতে একেবারে
সান্নাং সরস্বতী ।

(একদল গাখী ডাকিয়া বেল)

—বিষ্ণুপ্রিয়া—

শচী । বাবা, তুমি যদি এই রকম কথাবার্তা কও, আমার আর কোন
ভাবনা থাকে না ।

নিমাই । এখন থেকে রাতদিন কেবলই কথা কইব । ওকি !—
ওকি !—ওকি !

শচী । কি বাবা !

নিমাই । কে গান গায় ?

শচী । বাত প্রায় শেষ হ'য়ে এসেছে—পথে লোক-চলাচল আরম্ভ
হ'য়েছে । কে গাইতে গাইতে বোধ হয় গঙ্গাস্নানে যাচ্ছে ।

(নেপথ্যে গান পরে নিতাই প্রবেশ কবিলেন)

গান ।

শ্যাম কি আমার এল নদীয়ায় ?

আমি খুঁজে মরি, চিন্তে নারি,

এবার নাকি গোরকায় ।

বৃন্দাবনে বাঁজিয়েছিল মোহন বাঁশরী,

ওই তো কুলে থাকলো নাকো নবান কিশোরী ।

অকুলে কে ভাসবে এবার সেই কিশোরীর প্রেমের দায় ।

(নিতাই নিমাইয়ের নিকট আসিলেন)

নিতাই । তুমি—তুমি—সেই তুমি !

নিমাই । তুমি কি দাদা ?

—প্রথম অঙ্ক—

- শচী । কাকে দাদা বলছ নিমাই ?
- নিমাই । আমার দাদা—চিন্তে পারছনা মা ?
- নিমাই । মা, আমি এসেছি—আবার এসেছি ।
- শচী । তুমি কি আমাব—
- নিমাই । তোমার ছেলে ।
- শচী । তোমাব নাম কি বাবা ?
- নিমাই । আমি যে অদৃষ্ট মা—আমার তো নাম নেই । আমার নাম নেই, গোত্র নেই—কুল-শীল কিছু নেই । আমি শুধু তোমাব ছেলে । এই যে, নোঁমাও আছেন ।
- নিমাই । দাদা, তুমি এসেছ—আমাব আশা হ'চ্ছে । এতদিন আমি বড় একা ছিলাম, বড় একা—বড় একা !
- নিমাই । আব ভয় নেই । আমি এসেছি, এখন কত লোক আসবে—নিভি নতুন লোক আসবে ।
- নিমাই । তাবা কারা ?
- নিমাই । জন্ম-জন্মান্তরের পবিচিত আত্মীয়-বন্ধু-স্বজন । মা, আমি আসছি—পাড়ায় পাড়ায় সুখবর দিয়ে আসি । আমার জন্ম ভেবোনা । আমি আবার আসবো—অনেক লোক নিয়ে আসবো ।
- নিমাই । তুমি কি সুখবর দেবে ?
- নিমাই । সে তো আমি এখন বলবো না—যখন সবাই আসবে, তখন বলবো ।
- শচী । কারা আসবে বাবা ?

—বিষ্ণুপ্রিয়া—

নিতাই । রাজা, প্রজা, জমিদার, লোক, লঙ্কর, পণ্ডিত, অধ্যাপক,
কাজি, হাজি, জোলা, তাঁতি, শুঁড়ি, হাড়ি —কত, কত লোক ;
কত অজানা, অচেনা জাত-হারানো কাণ্ডপ !

(যাইতে যাউতে নিতাই ফিরিয়া আসিলেন)

নিতাই । আসল কথাই ভুলেছি !

নিমাই । আসল কথা কি ?

নিতাই । আমার পথের পাথেয় ।

নিমাই । তোমার পাথেয় কি ?

নিতাই । তোমার মুখে হরি নাম । একবার বল, আমি শুনি ; তবে তো
তাদের ডাকবো—নৈলে, তাবা আমার কথা শুনবে কেন ?

নিমাই । হরেনাম হরেনাম হরেনামেব কেবলম্ ।

কলৌ নাস্ত্যেব নাস্ত্যেব নাস্ত্যেব গতিরন্থথা ॥

নিতাই । আর ভয় নেই—আমি পেয়েছি !

গান ।

এ কোন্ পাগল এল নদীয়ায় !

বুঝিবে আকাশের চাঁদ

ধূলায় গড়াগড়ি যায় ।

না জানি তার একি ধরণ,

অঙ্গ কাঁচা সোনার বরণ,

দেখলে করে হৃদয়হরণ,

হরি বলে প্রাণ মাতায় ।

(আমি) হরি কেমন জানিনে ভাই—

আমার হরি গৌর রায় ।

আমার হরি গৌরকায় ।

[নিতাইয়ের প্রস্থান ।

শচী । না, এক পাগলে রক্ষে নেই, আর এক পাগল এসে হাজির !
নিমাই । তার উপর, যা ব'লে তাই যদি করে, তা'হলে তো পাগলের
মেলা বসাবে ।

শচী । তা বটে । তুমি ওকে বেশী উৎসাহ দিয়ে না বাবা ।
নিমাই । ওঁব নিজের যে রকম উৎসাহ দেখা গেল, তাতে মনে হ'চ্ছে
উনি একাই একসহস্র !

শচী । না বাবা—তুমি ওসব লোকের সঙ্গে বেশী মিশো না । ও
পাগল তো বটেই—তার উপর নেশা করে ব'লে মনে হ'ল ।
তুমি মন স্থির কর—সকাল হয়েছে, এখনি তোমার ছাত্তেরা
আসবে—আজ বেশ মনোযোগ দিবে তাদের পড়াও । আমি
যাই, ঘরের কাজকর্ম সেবে নি ।

[প্রস্থান ।

বিষ্ণুপ্রিয়া । উনি তোমার দাদা ?

নিমাই । হ্যাঁ, উনি আমার দাদা । আমার দাদাকে কেমন মনে হ'ল ?

—বিষ্ণুপ্রিয়া—

বিষ্ণুপ্রিয়া । তোমারই দাদা হবার উপযুক্ত বটে । আমার কিন্তু বেশ ভাল লাগলো । কেমন আলাপ করলেন—যেন কতদিনের পরিচয় !

নিমাই । কিন্তু উনি যা বলে গেলেন, যদি সত্যিই তাই ক'রে বসেন ?

বিষ্ণুপ্রিয়া । কি ?

নিমাই । বাড়ীতে হাট বসাবেন ! যে রকম উৎসাহ দেখলাম—
ইচ্ছা করলেই পারেন ।

বিষ্ণুপ্রিয়া । এখন তোমার ছাত্তেরা আসবে । তুমি সন্ধ্যাহিক
ক'রে নাও—আর দেবী করা ঠিক হবে না । আমি
তারে স্থানটা মার্জনা করে দিই ।

[নিমাই পরিকল্পনা করিতে করিতে বাড়ীর ভিতরে গেলেন ।

বিষ্ণুপ্রিয়া গৃহমার্জনা করিতেছেন । শ্রীবাস ও

শচীঠাকুরাণী এবেশ করিলেন ।]

শ্রীবাস । কই গো মিশ্রগৃহিণী, তোমার নিমাই কোথায় ?

শচী । এই যে এখানেই ছিল—এস ঠাকুরপো বস ।

শ্রীবাস । কাল ব্রাহ্মণীর মুখে শুনলাম—গুলাবরও বললে—তোমরা
কবিরাজী চিকিৎসা করাচ্ছ !

শচী । কি করি ভাই, আমার ওই শিবরাত্রির সন্ডে !—এ ক'দিন
যা গেছে, তুমি যদি দেখতে ঠাকুরপো ! এই আড যা
একটু ভাল আছে । বোমা, ও বোমা ! ঠাকুরপো, তুমি
এই দাঙরায় বস ।

—প্রথম অঙ্ক—

(বিহুপ্রিয়ায় প্রবেশ)

বৌমা, কোথায় নিমু ?

(বিহুপ্রিয়া বাড়ি বাড়ি গেলেন)

শচী .

জাননা ? না মা, ওকে চোখের আড় ক'রো না । আমি তো আব সদা সর্বক্ষণ চোখে চোখে রাখতে পারিনে— তুমি সোমন্ত বৌ, একটু খুঁজে দেখ । আমি ঠাকুরপোর সঙ্গে কথা কইছি, এখানে পাঠিয়ে দিও—ব'লো, তোমার ও পাড়ার বডখুড়ো এসেছেন ।

(বিহুপ্রিয়া ঘোড়ার ভিতর হইতে কি ভিজাসা করিলেন)

শচী ।

পায়ের ধুলো নেবে বৈকি মা । বাপের বাড়ীর সম্পর্কে জোঠা, আর এখানকার সম্পর্কে খুড়খুড় ।

(বিহুপ্রিয়া পায়ের ধুলো লইলেন)

আশীর্বাদ করো ঠাকুরপো, মা আমার অন্য-এয়োত্তী হয়ে পাকা চূলে সিঁদুর পুরুক ।

শ্রীবাস ।

আশীর্বাদ করবো বৈকি বৌ ; তোমার ছেলেবৌ কি আমাদের পর ?—কল্যাণ কামনা না ক'রে অলগ্রহণ করিনে । বাও মা, নিমুকে এখানে পাঠিয়ে দাও ।

[বিহুপ্রিয়ায় প্রস্থান ।

আচ্ছা, তোমার কি রকম মনে হয় বল দেখি ?

-- বিষ্ণুপ্রয়া--

- শচী আমার প্রাণ কেঁপে ওঠে আজ ভোর বেলা কে একজন
এসেছিল।
- শ্রীবাস কে সে ?
- শচী। কি কবে বলবে ভাই!—হাসলে, কাঁদলে, নাচলে, গান
গাইলে—লোকজন ঢেকে নিয়ে আসি বলে চলে গেল।
- শ্রীবাস অবধূত ?
- শচী। হবে—আমাব তো পাগল বলে মনে হ'ল।
- শ্রীবাস। কি বকম চেহার। ?
- শচী। আমি কি তার দিকে চাইতে পেবেছি ঠাকুরপো। আমায়
মা বলে ডাকলো,—নিমু তাকে দাদা ব'ললো—আমাব
বিশ্বরূপের কথা মনে প'ড়লো!—সঙ্গে সঙ্গে সমস্ত বুক
তোলপাড় হ'য়ে গেল—বুঝি বা বিশ্বরূপই নিমাইকে নিতে
এসেছে !
- শ্রীবাস বো, তুমি পাগল হ'য়ে গেছ।
- শচী। সে কি তুমি একবার বলবে। আমি চন্দ্রশেখরকে ব'লেছি,
তোমায় ব'লছি, মুরারিকে ব'লেছি, গঙ্গাদাস পণ্ডিতকে খবর
দিছি—তোমরা সবাই মিলে বাবাকে আমার ঘরবাসী কর।
আমি ছেলে তোমাদের হাতে স'পে দিলাম। আমি হয়তো
পারবো না—সব গেছে—ওই একটা। ঠাকুরপো, আমার
বুকের ভিতর কেঁপে কেঁপে ওঠে ! মাঝে মাঝে বেশ থাকে
—আজ শেষরাত্রে খাসা সহজ কথাবার্তা ক'ছিল।... এই যে
আসছে, তুমি গোপনে সব কথা জিজ্ঞাসা কর। ও যদি

—প্রথম অঙ্ক—

আবার লেখাপড়ায় মন দিতে পারে, তা'হলে আমি আর ভাবিনে ।

(নিমাই প্রবেশ করিলেন)

নিমাই, দেখ কে এসেছেন !

নিমাই ।

হাঁ, ওঁকে আমি জানি বৈকি, অনেক দিনের পরিচয় !

শচী ।

ঐ শোন ঠাকুরপো ! ওকি নিমু, তোমার ও পাড়ার বড়খুড়ো—ওঁর সঙ্গে কি ঐ রকম কথা কয় ?

নিমাই ।

সে আর এক কথা—উনি জানেন আর আমি জানি । আর কেউ জানে না । মুরাবিকে ব'লেছি—আজ ওঁকেও ব'লবো ।

শচী ।

ঠাকুরপো, তুমি নিমুর সঙ্গে কথা কও । আমি একবার বাড়ীর ভিতর দেখে আসি, বোমা কি করছেন—একে ছেলে-মানুষ, তাব উপর সংসারের খাটুনি, রাতজাগা—হাউ হাউ করে আমিও যত কাঁদি 'ও-ও' তত কাঁদে—হাজার হোক, বয়স তো হচ্ছে ।

[প্রস্থান ।

শ্রীবাস ।

আমার কি কথা বলবে ?

নিমাই ।

অনেকদিন আগেকার কথা ।

শ্রীবাস ।

আমি ভুলিনি । তুমি বলেছিলে—

“এমন বৈষ্ণব আমি হইব সংসারে,

অজ-ভব আসিবেক দেখিতে আমারে !”

আমি বুঝেছি, আজ সে শুভদিন এসেছে ।

— বিষ্ণুপ্রিয়া—

- নিমাই । তুমিও তো বৈকব ?
- শ্রীবাস । আমি বৈকবের দাস !
- নিমাই । দাস কেন গো, তুমি বৈকবের বাপের ঠাকুর—কৃষ্ণ তোমার হাতের মুঠোর মধ্যে। আমার একটু আশীর্বাদ কর-না পণ্ডিত, আমার কৃষ্ণপ্রেম হোক ! তুমি আশীর্বাদ না ক'রলে তো হবে না ।
- শ্রীবাস । আমি আশীর্বাদ ক'রবো তোমাকে !
- নিমাই । কেন, দোষ কি ? তুমি যে আমার বাপের বয়সী ।
- শ্রীবাস । তুমি আমার অনেকদিন অনেকবার ভুলিয়েছ—তাই কি মনে কর, আমি বারবার ভুল ক'রবো !
- নিমাই । তুমি বুঝতে পেরেছ ?
- শ্রীবাস । তোমারই কৃপায় তোমাকে বোঝা যায় ।
- নিমাই । স্পষ্ট করে বল, বুঝতে পেরেছ কিনা ?
- শ্রীবাস । এত বড় দস্তুর কথা মুখে বলতে পারি, এমন শক্তি যে তুমি দাও নি ।
- নিমাই । তিনি এসেছিলেন ।
- শ্রীবাস । তিনি ? কে তিনি ?
- নিমাই । ঐগাদ অবধূত—আমার দাদা ।
- শ্রীবাস । তিনি না এলে তো হবে না—উদ্বোধন ক'রবে কে ? তাঁর বে আসা চাই ।
- নিমাই । তিনিই তো উদ্বোধন করে গেলেন, তাই তো আজ আমি আমাকে জানতে পেরেছি । কিন্তু যে আমার নাড়া দিলে

—প্রথম অঙ্ক—

- টেনে মিয়ে এল, সে কই ? সে কি খবর পায়নি ?
- শ্রীবাস । শ্রীপাদ যখন বেরিয়েছেন, তখন জানতে তো কেউ বাকী থাকবে না ।
- নিমাই । পণ্ডিত, আমি তোমার বাড়ী যাব ; তুমি আমায় আশ্রয় দাও—তোমার বাড়ীতে হরিবাসর হবে । তোমার বাড়ী না গেলে আমার হরিসাধন হবে না । বাড়ীতে বিষ্ণুপ্রিয়া— তাঁকে ছেড়ে যে হরির দিকে মন দিতে পারি না !

(শচী ঠাকুরাণীর প্রবেশ)

- নিমাই । মা, পণ্ডিত ব'লছেন, আমি একেবারে উন্মাদ—কামার-বাড়ী শিকল গড়াতে না দিলে আমায় ধ'রে রাখা দায় হবে ।
- শচী । পণ্ডিত, নিমাইয়ের মুখের দিকে চেয়ে কি দেখ্ছ ? তোমার কি মনে হ'ল ?
- নিমাই । তোমার পায়ে ধরি পণ্ডিত—সত্যি ক'রে বল, আমি কি পাগল ? আমার নিজের মনের সংশয় যায় না ।
- শ্রীবাস । তুমি পাগল ? (শচীদেবীর প্রতি) আমি তোমার মুখে কি ব'লবো মিশ্রগৃহিণী, তোমার তুল্য ভাগ্যবতী নবদ্বীপে কেন, গোড়দেশে নেই—ভারতে নেই ।
- নিমাই । না পণ্ডিত, মাঝে মাঝে মনে হয়, বুঝি সত্যিই আমি পাগল ! মাঝে মাঝে মনে হয়, হয়তো হরি কৃপা ক'রেছেন ! তবে গয়া থেকে যখন আসি, তখন কানাই-নাটশালা ব'লে একখানা গায়ের তিতর এসে দেখি—

—বিষ্ণুপ্রিয়া—

বনমালাধারী নব-নটবর বেশে এক কিশোর বাঁশী বাজাতে বাজাতে আমার সামনে দিয়ে চ'লে গেল। সে কি রূপ!— ভাগবতের শ্লোকের সঙ্গে একেবারে অবিকল মিল! আচ্ছা পণ্ডিত, তুমি কি মনে কর, সত্যি কৃষ্ণ এসেছিলেন? ঈশেন দেখল না, মেসো দেখতে পেলেন না—আমাকেই বা কৃষ্ণ দেখা দিতে গেলেন কেন? আমি কি?—আমিও তো কলির ব্রাহ্মণ, আমার এমন ভাগ্য কি ক'রে হবে? তাই আমার মাঝে মাঝে মনে হয়, বোধ হয় পাগলামি!

শ্রীবাস। এষদি পাগলামি হয়, তা'হলে জন্ম-জন্ম ধ'রে ঐ পাগলামিই আমি কামনা করি। তুমি আমার সঙ্গে গঙ্গা-স্নানে এস। নিমাইয়ের মা, আমি তোমার বিশ্বস্তরকে গঙ্গা নাইয়ে আনি। তুমি ভেব না—তোমার ছেলেকে আমি দিনরাত সঙ্গে ক'রে রাখ'বো।

নিমাই। অর্থাৎ, একা যদি ঠিক পাগলটী না হ'তে পারি, ওঁরা পাঁচজনে মিলে আমায় পাগল ক'রে তুল'বেন।

[শ্রীবাস নিমাইকে দিকে অর্ধপূর্ণ দৃষ্টিতে চাহিলেন। নিমাইয়ের কথা'র অর্থ বুঝিতে না পারিয়া শচীদেবী হির হইয়া দাঁড়াইয়া রহিলেন। শ্রীবাস নিমাইকে লইয়া চলিয়া গেলেন।
পরে বিষ্ণুপ্রিয়া প্রবেশ করিলেন।]

শচী। ছেলের কথা শুনে বোমা?

—প্রথম অঙ্ক—

বিষ্ণুপ্রিয়া । আমার মনে হয়, ঠিকই ব'লেছেন । মা, তুমি ওঁকে কোথাও যেতে দিয়ো না । পাঁচজনেই ওঁকে পাগল ক'রবে । তোমার আমার কাছে তো উনি ঠিক থাকেন !

শচী । অমন কথা ব'লতে নেই মা !

বিষ্ণুপ্রিয়া । না, ব'লতে নেই ! সত্যি ব'লছি মা, আমার রাগ হ'য়েছে । বুড়ো ব্রাহ্মণ, বাপ-পিতামহের বয়সী—আমি ঘর থেকে দেখ লাম কি না, হাত জোড় করে সামনে দাঁড়িয়ে ! এ কি রকম কথা বল দেখি মা ! বেশী বাড়াবাড়ি করেন তো আমি কাউকে ছেড়ে কথা ক'ব না—তা তোমায় ব'লে দিচ্ছি ।

শচী । নিমুব ছাত্ররা আসছে বোমা, তুমি তাদের বসবার জায়গাটা ঠিক ক'রে দাও ।

[বিষ্ণুপ্রিয়ার প্রস্থান ।

(সঞ্জয়, মুকুন্দ প্রকৃতি ছাত্রগণের পুঁথি লইয়া প্রবেশ)

মুকুন্দ । আচার্য্য আজ এখানেই পাঠ নেবেন ব'লেছিলেন । কোথায় তিনি ?—কেমন আছেন ?

শচী । তোমরা এইখানেই ব'স । নিমাই আমার গঙ্গাঙ্গানে গেছে । তোমাদের কল্যাণে আজ একটু ভাল আছে ।

[শচীসত্তার প্রস্থান ।

তৃতীয় ছাত্র । আচ্ছা মুকুন্দ, তুমি তো অনেক খবর রাখ—আচার্য্যের অসুখটা কি বল দেখি ?

—বিষুপ্রিয়া—

সঞ্জয় । শুনেছি বায়ুরোগ !

চতুর্থ ছাত্র । আগে বৈষ্ণবদের কত ঠাট্টা ক'রতেন—লোকে তো ওঁকে এক রকম নাস্তিক ব'লেই মনে ক'রতেন !

তৃতীয় ছাত্র । আর আজ কি না একেবারে হরি ব'লুতে অজ্ঞান !

চতুর্থ ছাত্র । আজ আচার্য্যের সঙ্গে আমি তর্ক ক'রবো—শুধু তাই নয়, তাঁকে তর্কে হারিয়ে দেব !

মুকুন্দ । আজ গঙ্গাদাস পণ্ডিতও আসবেন শুনেছি, তিনিও আচার্য্যের সঙ্গে তর্ক ক'রবেন ।

সঞ্জয় । শুধু তর্ক করলে কি হবে বল ?—তর্ক যুক্তিমূল, আব শুদ্ধা ভক্তি অন্তরের কথা ।

তৃতীয় ছাত্র । মোটে কথা, আমাদের দিক দিয়ে সুবিধা কিছু নেই । ঘর-বাড়ী বাপ মা ছেড়ে বিদেশে এসে প'ড়ে আছি বিদ্যালানাভের জন্ত । কৃষ্ণকথা তো দেশে আমার নবীন কথকও জানে, তার জন্ত নবদ্বীপ আসার তো কোন দরকার ছিল না !

চতুর্থ ছাত্র । ঠিকই তো । আজ আমরা স্পষ্ট জিজ্ঞাসা ক'রবো । উনি মনোযোগ দিয়ে পড়ান তো ভাল, নইলে আমরা অন্যত্র চেষ্টা দেখি ।

(নিমাইয়ের প্রবেশ)

নিমাই । তাই সব, আমার তো ইচ্ছা মনোযোগ দিয়ে তোমাদের পড়াই, কিন্তু মন যে আমার বশ নয় । আজ আমি চেষ্টা ক'রবো—শেষ চেষ্টা । যদি মন স্থির ক'রতে না পারি, অধ্যাপনা ছেড়ে দেব ।

—প্রথম অঙ্ক—

সঞ্জয় । আপনি স্থির হ'য়ে বসুন, তারপর আমরা পাঠ নেবো ।
নিমাই । আমাদের আজকার পাঠ্য কি ?
সঞ্জয় । ধাতুসংজ্ঞা ।
নিমাই । বেশ, ভাল কথা—ধাতুসংজ্ঞা বুঝবার চেষ্টা করা যাক । ধাতু
কাকে বলে ? বৈয়াকরণ ব'লছেন, “ভূবাদয়ো ধাতবঃ” ;
অর্থাৎ—ভূ-ধাতোর্ভবতীতি ক্রিয়ারূপঃ—বা কিছু কার্য
হয়, ধাতুই তার মূল—ধাতু ব্যতিরেকে কার্য সূচিত হয় না ।
তারপরে ধাতু যেমন ক্রিয়ারূপ, ক্রিয়া তেমনি প্রাণ-রূপা ।
ক্রিয়া অর্থাৎ গতি, আর গতি হ'ল প্রাণের লক্ষণ ।
তা'হলে ধাতু হ'ল সর্বজীবের প্রাণ—জীবের প্রাণ
অর্থাৎ আত্মা । আত্মা কে ? দেহ আত্মা নয়, হস্তপদ
আত্মা নয়, চক্ষু আত্মা নয়—এমন কি, মন পর্য্যন্তও
আত্মা নয় ; তবে আত্মা কে ? আত্মারাম শ্রীহরি—
সেই নন্দনন্দন শ্রীহরি ! জীবের আত্মজ্ঞানরূপে প্রতি
নরনারীর অন্তঃকরণে তিনিই ধাতু—তদ্ব্যগেণ সংজ্ঞা—
অভাবে বিলোপ । কৃষ্ণ ধাতু, কৃষ্ণ সংজ্ঞা—কৃষ্ণ আছেন তাই
জীব আছে, জগৎ আছে, আমি আছি, তুমি আছ । কৃষ্ণের
সংসার—কৃষ্ণ শত্রু, কৃষ্ণ মিত্র । তাই সব ! সেই কৃষ্ণ, সেই
শ্রীহরি, সেই নন্দনন্দন ! তাঁর উৎপত্তি আনন্দে—তিনি হাড়া
আর কেউ নাই, কিছু নাই । কৃষ্ণ হাড়া জীবের জ্ঞান নাই,
জ্ঞেয় নাই, ভজনা নাই, পূজা নাই, পূজ্য নাই । সেই কৃষ্ণ—
যিনি ষাপরে দেবকীর গর্ভে জন্মেছিলেন, যিনি গোপীজন-

—বিষ্ণুপ্রয়া—

বল্লভ—তোমরা তাঁকে চিন্তা কর, তাঁকে দেখ, তাঁকে
জান, তাঁর ভজনা কর—কেন না, ভবান্নবে তিনিই নোকা,
তিনি কর্ণধার । তিনিই সর্বরসের মূলধার ! কলিযুগ সর্ব-
যুগের সার—কলিতে তিনি এসেছেন নামরূপে, কলিযুগেব
সাধনা নামসাধন—

হরেনাম হরেনাম হরেনামৈব কেবলম্ ।

কলৌ নাস্ত্যেব নাস্ত্যেব নাস্ত্যেব গতিরন্থথা ॥

(গঙ্গাদাস পণ্ডিত ব্যাখ্যার মধ্যে ধীরে ধীরে প্রবেশ করিলেন)

গঙ্গা । আমি তোমার সঙ্গে তর্ক করুবো নিমাই !

নিমাই । কলিযুগে কৃষ্ণ, কৃষ্ণ—

গঙ্গা । কৃষ্ণের কথা নয়—আমি তোমার আচার্য্য ।

নিমাই । ও—হাঁ—তাই, আচার্য্য—আমুন, আমুন ! আজ আমার
গৃহ পবিত্র হ'ল ।...বলুন প্রভু, আপনার কি বক্তব্য ।

(পদধূলি লইলেন)

গঙ্গা । আমি তোমার সঙ্গে তর্ক করুবো । আমাকে বুঝিয়ে দিতে
হবে ।

নিমাই । আপনি আমাকে প্রশ্ন করুন ।

গঙ্গা । তুমি এই মাত্র বললে—কলিযুগ সর্বযুগের সার । এ কথা
কোন শাস্ত্রে আছে ?

নিমাই । এ আমার নিজের কথা । এ কথা শাস্ত্রে নেই ।

—প্রথম অঙ্ক—

গঙ্গা । শাস্ত্রে কলিযুগ নিন্দিত । কলিযুগে ধর্ম একপাদ—জীব
আচারভ্রষ্ট । একালকে তুমি কোন্ যুক্তিতে সর্বকালের শ্রেষ্ঠ
কাল ব'লতে চাও ?

নিমাই । কলিতে ভগবান এসেছেন নামরূপে ।

গঙ্গা । এও তোমার মনগড়া কথা । কোন শাস্ত্রে নেই । শাস্ত্রে তাঁর
নাম নেই, রূপ নেই, উপাধি নেই । আমি বলি, কলির
লোকের পক্ষে ভগবান অনাবশ্যক । সূত্রাং তিনি আছেন
কি না আছেন, তা নিয়ে চিন্তা ক'রবার প্রয়োজন নেই ।

নিমাই । প্রভু, আগে আমি আপনারই মত ঐ কথাই মনে ক'র্তাম ।
ভাবতাম, ঈশ্বর নেই—কিংবা যদি থাকেন, মানুষের কার্য্যা-
কার্য্যের উপর তাঁর কোন হাত নেই । মানুষের সব চেয়ে
বড় আশ্রয় ক'র্ম ।

গঙ্গা । নিশ্চয়—নিঃসন্দেহ । ক'র্ম ছাড়া গতি নেই—যুক্তি নেই ।
কত ভাগ্যবলে লোকে ব্রাহ্মণবংশে জন্মায় ; তারপর পণ্ডিত
হওয়া আরও ছল্লভ সৌভাগ্য ! এই পরম সৌভাগ্যকে
তুমি অবহেলা ক'চ্ছ' ? তোমার মাতামহ নীলাধর চক্রবর্তী --
মহামহোপাধ্যায়—দেশবিখ্যাত লোক । পরম পণ্ডিত তোমার
পিতা । সেই বংশে জন্মে তুমি কি না হরিভক্ত হয়ে
প'ড়লে ! ঐ ওপাড়ার শ্যামা বাগ্‌দী—সেও তো মাঝে
মাঝে হরিবোল হরিবোল বলে—তা'হলে তাতে আর
তোমাতে প্রভেদ কি হল ?

নিমাই । কিন্তু প্রভু, আমার মত পরিবর্তন হ'য়েছে ।

—বিষ্ণুধারা—

- গঙ্গা । হঠাৎ মত পরিবর্তনের হেতু ?
- নিমাই । প্রভু, গয়াধাম—আশ্চর্য্য অদ্ভুত !—আমি কল্পনা করিনি !
- গঙ্গা । গয়াধামে তুমি কি প্রত্যক্ষ ক'রেছ ?
- নিমাই । বিষ্ণুপাদপদ্ম ।
- গঙ্গা । বিষ্ণুপাদপদ্মের কি বিশেষত্ব ?
- নিমাই । ভূঙ্গ যেমন স্মৃট কুম্ভমগন্ধে চারিদিক হ'তে ফুলের কাছে ধেয়ে আসে, তেমনি দেব আমি প্রত্যক্ষ দেখেছি—অসংখ্য অশরীরী আত্মা ঐ পাদপদ্ম বেষ্টন ক'রে মুক্তির আশায় ।
- গঙ্গা । নিমাই, এমন অযৌক্তিক কথা তোমার মত পণ্ডিতের মুখে শুন্বো তা আমি ভাবিনি । তুমি পুরাণ প'ড়েছ । প্রাচীন পুরাণকাহিনী তোমার কল্পনাকে জাগ্রত ক'রেছে—এ প্রত্যক্ষ নয়, অনুমানও নয় ।
- নিমাই । প্রভু, আমি তো প্রমাণ ক'রতে পারবো না—আমি প্রত্যক্ষ দেখেছি আমার চোখের সামনে, যেমন আপনাকে দেখছি । জগতের শ্রেষ্ঠ জ্ঞান অনুভূতিসাপেক্ষ । প্রমাণ দিয়ে তাকে ধরা যায় না ; গুরুদেব, তার কাছে আত্মসমর্পণ ক'রতে হয় ।
- গঙ্গা । আচ্ছা বেশ, আমি তোমার অনুভূতির বিষয় নিয়ে কোন তর্ক ক'রতে চাই নে । কিন্তু ব্যাকরণের ধাতুসংজ্ঞা পড়াতে গিয়ে তুমি কৃষ্ণপ্রসঙ্গ কেন আন ? সৃষ্টিতত্ত্ব বা ধর্ম্মতত্ত্বের ব্যাখ্যা শুন্বতে ছাত্তেরা তো আসিনি ।
- নিমাই । আপনার কথায় আমি লজ্জিত হচ্ছি । আমার আশঙ্কা হ'চ্ছে আর আমি অধ্যাপনা ক'রতে পারবো না ।

—প্রথম অঙ্ক—

গঙ্গা ।

অমন কথা ব'লো না নিমাই ! সমগ্র নব্বীপের মধ্যে তুমি
শ্রেষ্ঠ পণ্ডিত, বহুশাস্ত্রবিৎ । দিগ্বিজয়ী পণ্ডিত কেশব
কাশ্মীরীকে তর্কবুদ্ধে পরাস্ত ক'রে তুমি শুধু আমার নয়,
নব্বীপের—গোড়দেশের মর্যাদা অক্ষুণ্ণ রেখেছ । এ কথা
তোমার মুখে শোভা পায় না ।

নিমাই ।

প্রভু, আপনি আমার অপরাধ নেনেন না । ভাই সব,
তোমরা আমার আশা ছাড় । আমার মন এদিকে নেই,
আমি শাস্ত্রে মন দিতে পারছি নে ; আমার মন শুকিয়ে
উঠছে । যদি আমায় ভালবাসেন, আশীর্বাদ করুন দেব !
আমাব রুক্ষভক্তি হোক । রুক্ষ ছাড়া অন্য চিন্তা ক'রতে আমি
অক্ষম । রুক্ষ রুক্ষ রুক্ষ রুক্ষ রুক্ষ রুক্ষ রুক্ষ রুক্ষ
রুক্ষ রুক্ষ ॥

(ভাবাবেশ)

অশরীরী সঙ্গীত-বাণী

এ আমার সই কেমন হ'ল

প্রাণের কথা কব কারে,

আমি জানি—মন জানে মোর

আর তো কেউ সই জানে না রে ।

গোপনে প্রেম করা সই

ভেবেছিলাম সহজ কথা,

—বিষ্ণুপ্রিয়া—

প্রাণে প্রাণে দেখা শোনা

জান্বে না কেউ গোপন ব্যথা ।

সাধ-সাগরে ডুবেলো যে মন

ভাস্বেলো নয়ন অশ্রুধারে,

কুলহারানো প্রেম যে আমার

কূলে কে আর থাকতে পারে ।

গঙ্গা । নিমাই !

নিমাই । কেন আচার্য্যদেব ।

গঙ্গা । তোমার কি হয়েছিল ?

নিমাই । কিছুই তো হয়নি ।

গঙ্গা । শোন আশ্চর্য্য কথা—এইমাত্র এইস্থানে আমি যেন কাব
আবির্ভাব অনুভব ক'রেছি । ক্ষুট কমলগন্ধ, বংশীধ্বনি,
ভ্রমরগুঞ্জন, নুপুরনিক্কণ—সে কি শুধু কল্পনা ? আচ্ছা,
তোমরা কিছু অনুভব ক'রেছ ? আমি তো কখনও কল্পনাকে
প্রশ্রয় দিই নে !

নিমাই । হয় তো তিনি এসেছিলেন !

গঙ্গা । তিনি কে ?

নিমাই । কৃষ্ণনাম—কৃষ্ণপ্রেম ! আমি তাঁকে অনুভব করি সুরের
ভিতর দিয়ে—আমার কাছে তিনি হ্লাদিনী সঙ্গীতরূপিণী !

গঙ্গা । শোন বিশ্বস্তর, অধ্যাত্ম জ্ঞান হয় তো থাকতে পারে । আমি

—প্রথম অঙ্ক—

সাংখ্যবাদী, সংসারে এর চেয়ে বড় জ্ঞান দরকার নেই।
আমি জানি দুঃখনিবৃত্তিই মানুষের পুরুষার্থ। কিন্তু তোমার
এ মনোভাব—এতো দুঃখকে বরণ ক'রে নেওয়া!

নিমাই। সত্য প্রভু, আমার সাধনা দুঃখের সাধনা—দুঃখই আমার
সুখ। বেদনার ভিতর দিয়েই তাঁর আত্মপ্রকাশ—দেবকী,
যশোমতী, বসুদেব, নন্দ, গোপ-বালক, শ্রীরাধা—তাঁর আত্ম-
গোষ্ঠী সবাই তো দুঃখেরই সাধনা ক'রেছেন!

গঙ্গা। আমি তোমার কথা বুঝবার চেষ্টা ক'রবো।

নিমাই। আমার প্রতি বড় দয়া কবা হয়, যদি আপনি আমার এই
সব ছাত্রদের অধ্যয়নের ব্যবস্থা করেন। আমি পারছি নে,
আমি চেষ্টা ক'বেছি—এখন দেখছি আমার সাধ্যাতীত।
অথচ এদের প্রতি আমার দায়িত্ব আছে। আমার হয়ে
আপনি এদের ভার নিন।

গঙ্গা। আচ্ছা, আমি তোমায় কথা দিচ্ছি, এদের অধ্যয়নের ব্যবস্থা
হবে। আজ আমি তোমায় কিছু ব'লতে চাই নে, আমি
আরও কিছুদিন অপেক্ষা ক'রতে প্রস্তুত আছি। আমি
এখন আসি।

[প্রস্থান।]

নিমাই। ভাই সব, তোমরা আমায় বিদায় নাও। গুরু-শিষ্যসংসর্গ
আমাদের দূর হোক। পাণ্ডিত্যের গুরুত্ব আর আমি সইতে
পাচ্ছি না! তোমরা আমার ভাই, আমরা সবাই শ্রীহরির
পুত্র—তাঁর আশ্রিত। তোমরা সবাই আমায় আলিঙ্গন কর।

—বিষ্ণুপ্রিয়া—

না—না—প্রণাম চাই নে। আমি সত্য বলছি ভাই, আমি
প্রণম্য নই। তোমরা আমার হয়ে শুভকামনা কর—আমি
যেন কৃষ্ণপ্রেম অনুভব করতে পারি।

[সকলের ধীরে ধীরে প্রস্থান। নিমাই স্থিরভাবে দাঁড়াইয়া
রহিলেন। বিষ্ণুপ্রিয়া প্রবেশ করিলেন।]

বিষ্ণুপ্রিয়া। ওরা সবাই চ'লে গেল যে ?

নিমাই। ওদের বিদায় দিলাম লক্ষ্মী !

বিষ্ণুপ্রিয়া। বিদায় দিলে—কেন ?

নিমাই। বিদায়-বেদনা অনুভব করবো বলে।

বিষ্ণুপ্রিয়া। তার মানে ?

নিমাই। তার মানে তুমি বুঝতে পাচ্ছ না ?

বিষ্ণুপ্রিয়া। না।

নিমাই। তবে তোমায় আমি বোঝাতে পারবনা।

বিষ্ণুপ্রিয়া। কেন ?

নিমাই। আমার মাঝে মাঝে মনে হয় লক্ষ্মী, আমি এক মহাসমুদ্রের
তীরে দাঁড়িয়ে—লোকালয়ের অসংখ্য মানুষ আমায় ডাকছে ;
আবার অসীম রহস্যময় সিকুগর্ভ হ'তে কে যেন আমার
বাণরী-স্বরলহরীতে আহ্বান করছে ! এই দুই আহ্বানের
ব্যথাই সমান ভাবে আমার অন্তরকে আঘাত করছে—আমি
কুলের জন্তুও কাঁদছি, অনুলের জন্তুও কাঁদছি !

—প্রথম অঙ্ক—

বিষ্ণুপ্রিয়া । তুমি অমন কথা ব'লো না । তোমার মুখে ওকথা শুনলে আমার প্রাণ কেঁপে ওঠে ! আমার সুখের সংসার, খাশুড়ী আমায় মায়ের মত বদ্ব করেন । এর চেয়ে বড় সুখ আর কোথায় আছে ?

নিমাই । এর চেয়েও বড় সুখ আছে লক্ষ্মী ! কিন্তু সে সুখ কি দুঃখ—তা জানিনে ; সে লীলারস—রাধাকৃষ্ণের লীলামৃত রস ! সে রসের এক কণায় যে আনন্দ আছে লক্ষ্মী, সংসারের সমস্ত সুখ এক ক'রলেও তার তুলনা হয় না ।

বিষ্ণুপ্রিয়া । আমি তো সে রস জানিনে—তুমি আমায় বল, আমি শুনি ।

নিমাই । রাধাকৃষ্ণের কোন্ ভাব তোমার ভাল লাগে লক্ষ্মী ?

বিষ্ণুপ্রিয়া । আগে বল, তোমার কোন্ ভাব ভাল লাগে ?

নিমাই । আমি আগে ব'লবো না—আগে তোমার কথা শুনুবো ।

বিষ্ণুপ্রিয়া । সবচেয়ে আমার ভাল লাগে অভিসার ! রাত্রি অঙ্ককার—সকলকে গোপন ক'রে রাই চ'লেছেন কৃষ্ণের উদ্দেশে কুঞ্জ । পথে কোথাও কাদা, কোথাও কাঁটাবন—ক্রম্প নেই—আমার বড় ভাল লাগে ! তার চেয়েও ভাল লাগে—

নিমাই । সেই অঙ্ককারে রাই আমার চ'লেছেন ! কিন্তু অঙ্ককার তো ক্ষণিক, পরক্ষণেই তো কৃষ্ণচন্দ্রের উদয় ; তখন অঙ্ককার—পথের কষ্ট—শুধু স্মৃতি !

মন্দির ভেদি সব পদচারি আশুভু

নিশি হেরি কল্লিত অঙ্গ ।

—বিষ্ণুপ্রিয়া—

তিমির ছরস্ত পথ

লখই না পারবে

পদযুগে বেতল ভুজঙ্গ ॥

বিষ্ণুপ্রিয়া । এব চেয়েও ভাল লাগে শ্রীমতী যখন রঞ্য়ের কাছে যুরলী শিখ্ছেন । সে দিন তুমি গাইছিলে আমার বড় ভাল লেগেছিল !

কোনু রঞ্জে বাজে বাঁশী অতি অনুপম ।

কোনু রঞ্জে রাধা ব'লে ডাকে আমার নাম ॥

নিমাই । রাধারঞ্য়ের এই নিত্য বসবিলাস—এই অনুবাগ, পূর্বরাগ, রূপরাগ—মধুব মধুর, অতি মধুর ! কিন্তু আমি পাগল হ'য়ে যাই লক্ষ্মী, এই মিলনের পরিণতি যখন দেখি—রাধার মহাভাব রস যখন অনুভব করি ।

বিষ্ণুপ্রিয়া । তুমি রাসলীলার কথা ব'ল্ছো ?

নিমাই । না, রাসলীলা নয় । মহাছঃখ ছাড়া কে অনুভব ক'রবে প্রেমের মহিমা লক্ষ্মী ? আমি বলছি মহাবিরহের কথা ।

বিষ্ণুপ্রিয়া । মহাবিরহ !

নিমাই । হাঁ লক্ষ্মী, সেই সাংস্কিক বিরহ—চণ্ডীদাস যাব গান গেয়েছেন ! রাত্রির মিলন—প্রাত্তনের বিরহ ; সে তো কতবার এলো—কতবার গেলো । তারপর অক্রুর এসে রামকৃষ্ণকে যমুনার পারে নিয়ে গেলেন—কৃষ্ণ সেই যে গেলেন আর ফিরলেন না ! এ কথা কে তখন ভেবেছিল ? তারপর—তারপর মনে কর লক্ষ্মী, সেই শূন্য কুণ্ডকাননে—ধূলিধুসরিতা আমার শ্রীমতী ! পল গণনা ক'রে দিন

—প্রথম অঙ্ক—

কেটে গেল—দিন গণনা ক'রে মাস চ'লে যায়—মাসের
পব মাস, বৎসরের পর বৎসর—যুগযুগান্ত ! আমি আমার
চোখের সামনে দেখছি, শ্রীমতী শ্রীমতী শ্রীমতী রাধার
নয়নে ধারা—

অশবীরী সঙ্গীত-বাণী

রাধার নয়নে ধারা !

কৃষ্ণবিরহে মরি

শ্যাম শ্যাম সোঙরি

মানিনী একাকিনী

তন্দ্রাহারা ।

শ্রাবণ নিশি কত

কাঁদিয়া কাটিল তার—

শারদ পূর্ণিমা

এল গেল কতবার,

তবু সে নিচুর শ্যাম

আসে না যে ব্রজধাম

শ্রীমতী শ্রীপতি বিনা

হায়রে পাগল পারা ।

— বিষ্ণুপ্রিয়া—

রাধাকৃষ্ণ মাঝে

শুধু রে যমুনা! নদা,

আসিতে পারিত শ্যাম

আসিতে চাহিত যদি—

ধূলায় ধুসর রাই

নয়নে পলক নাই,

বিজুলী বরণী গোরা

আজিরে জ্যোতিহারা ।

দ্বিতীয় অঙ্ক ।

প্রথম দৃশ্য

[বেলা একপ্রহর অতীত হইয়াছে । অম্বৈতাচার্যের বাড়ী—চতুঙ্গাঙ্গী-
গৃহের উচ্চ বেদিকার আচার্য্য অম্বৈত । নিম্নে কামদেব-নাগর
ও শঙ্কর তদীয় শিষ্যদ্বয় । অম্বৈত বেদান্তের আলোচনা
করিতে করিতে কখন যে গৌর-নিত্যানন্দ এসঙ্গে
আসিয়া পড়িয়াছেন, তাহা তিনি
জানিতেও পারেন নাই ।]

কাম । দেখুন, আপনি ওদের অমন ক'রে প্রশ্ন দেবেন না ।
কালকের ছেলে বিশ্বস্তর—আপনার নাতির বরসী ; আপনি
কিনা অবলীলাক্রমে ওদের সঙ্গে নাচতে লাগলেন !

শঙ্কর । ওরা সবাই অত্যন্ত তরলমতি । আপনার যত জ্ঞানবৃদ্ধির
পক্ষে ওদের সঙ্গে মেশাই অশুচিত । আপনি অম্বৈতবাদী,
মহামহোপাধ্যায় জ্ঞানী—গৌড়দেশের বাবতীর ধর্ম-
সম্প্রদায়ের মুকুটমণি । আপনি—আপনি যদি এই সমস্ত
ছেলেমানুষী প্রশ্ন দেন, পণ্ডিতসমাজে আমাদের মুখ-
দেখানো ভার !

অম্বৈত । তোমরা মহাতারত প'ড়েছ নিশ্চয় ?

—বিষ্ণুপ্রিয়া—

- শঙ্কর । প'ড়েছি, কেন ?
- অশ্বৈত । আচ্ছা, কুরুক্ষেত্রের যুদ্ধ যখন হয়—ভীষ্মের বয়স কত ? তিনি যথেষ্ট প্রবীণ হয়েছিলেন, তাতে তো আর সন্দেহ নেই ?
- কাম । না—তা নেই ।
- অশ্বৈত । কৃষ্ণের বয়স তখন কত ?
- শঙ্কর । কৃষ্ণ তখন যুবক—ধরুন, তিনি অর্জুনের সমবয়স্ক ।
- অশ্বৈত । ভীষ্ম যখন শরশয্যায়—আসন্ন মৃত্যুকে চোখের সামনে দেখে ধ্যানযোগে যেই আপন ইষ্টকে স্মরণ ক'রলেন, অমনি দেখেন, তাঁর সম্মুখে সেই নবজলধর-শ্যামসুন্দর-মূর্তি ! কুরুক্ষেত্রের সমরক্ষেত্রে জীবন-মরণের সন্ধিক্ষণে সখা অর্জুনের জীবনরক্ষার্থে যিনি আপন প্রতিজ্ঞা ভুলে রথচক্র ধ'রেছিলেন ভীষ্মেব প্রাণবিনাশের জগু, সেই বালক কৃষ্ণের পায মাধানত ক'রতে তিনি ইতস্ততঃ করেন নি !
- শঙ্কর । আপনি ব'লতে চান, কৃষ্ণ যে স্বয়ং ভগবান ভীষ্মদেব তা' বুঝেছিলেন ?
- অশ্বৈত । শুধু ভীষ্মদেব নয়, সে সময়ের অনেকেই বুঝেছিলেন কৃষ্ণ স্বয়ং ভগবান ।
- কাম । আপনি কি ব'লতে চান, জগন্নাথ মিশ্রের পুত্র বিখম্বর কৃষ্ণের অবতার ?
- অশ্বৈত । নিশ্চয় ক'রে কোন কথা ব'লবার মত বিশ্বাসের জোর আমার নেই । ভক্তির পথ—বিশ্বাসের পথ তো আমার

—দ্বিতীয় অঙ্ক—

নয়। আমি আজন্ম কঠোর সাধনা ক'রেছি—চলেছি শুধু
যুক্তির পথে জ্ঞানের চর্চায়। কোন কিছুকে সহজে স্বীকার
আমি করি নে!

শঙ্কর। কিন্তু এই নিমাইয়ের সম্বন্ধে আপনার যথেষ্ট দুর্বলতা
আছে, একথা আমি জোর গলায় ব'লবো; আর শুধু কি
নিমাইয়ের? নিমাই নিতাই—ওদের সবায়ের প্রতি
আপনার দুর্বলতা।

অদ্বৈত। তা' মিথ্যা ব'লনি শঙ্কর। ওদের উপর একটু স্নেহ আমার
আছে, আমি অস্বীকার করি নে।

কাম। স্নেহ নয়, আপনি ওদের প্রাধান্য স্বীকার করেন।
ওদের দলে গেলে আপনি নিজের বিশিষ্টতা রক্ষা ক'রতে
পারেন না।

অদ্বৈত। শিঙ-ভেঙে বাছুরের দলে বেশ মিলে মিশে যাই! সেদিন
যাত্রা শুনেছিলে চন্দ্রশেখরের বাড়ীতে? কি কাণ্ডই
ক'রলে! আমি বুড়ো মানুষ, ছিন্নান্তর বছর বয়স—
আমাকে শ্রীবৃষ্ণ সাজালে! শুধু তাই নয়, আসরে দাঁড়িয়ে
আমাকে নাচ'তে হ'ল—গাইতে হ'ল! আচ্ছা, আমার কি
বায়ান্তুরে ধ'রেছে! শেষ পর্য্যন্ত বোধ হয় ভীমরতি
হ'ল!

(সীতাদেশীর প্রবেশ)

সীতা। তাতে আর সন্দেহ আছে!

—বিষ্ণুপ্রিয়া—

- অধৈত । সন্দেহ নেই ? তাই বটে, কি বল বড়গিন্নি ? আচ্ছা, তুমি তো যাত্রা শুন্তে গিয়েছিলে—কি রকম মানিয়েছিল বল দেখি ? একেবারে নবীনকিশোর শ্যামনটবর !
- সীতা । তা' কিন্তু মানিয়েছিল—বড় চমৎকার মানিয়েছিল !
- অধৈত । সেইদিন থেকেই তো মাথা ঘুরিয়ে দিলে !
- শঙ্কর । না, আপনি ওদের মানতে পাবেন না—কেন, আপনি কম কিসে ? বিষ্ণুর অধৈতবাদই একমাত্র সত্য । গান ক'রতে ক'রতে বে মূর্ছা যায়, বিষ্ণুর জ্ঞান তার কি ক'রে সম্ভব ! উচ্চ তত্ত্ব জানুবাব অধিকারীই সে নয় ।
- অধৈত । হাঁ তুমি ঠিক ব'লেছ । ষথার্থ কথা, নাচন গাওন আবার কিসের ধর্ম বটে ? কিন্তু কি জ্ঞান ? কি রকম গণ্ডগোল ক'রে দেয় !
- কাম । আপনি প্রতিজ্ঞা করুন ওদের দলে আর মিশবেন না । নিমাইটে পাগল, শ্রীবাস পণ্ডিতের হ'য়েছে ভীমরতি ! হরিদাসেব কথা তো ছেড়েই দিন, আর নিতাই তো যেমন গৌয়ার তেমনি পাগল ।
- অধৈত । মিথ্যে বলনি কামদেব, লক্ষ্মীছাড়া ঐ নিতাই ; কি কাণ্ড ক'রলে সেদিন আমার সঙ্গে, জলে ডুবিয়ে আমায় মেরে ফেলবার যোগাড় ! আরে ! সে যোয়ান ছোঁড়া, তার সঙ্গে আমি বড়ো মানুষ পেরে উঠবো কেন ?
- সীতা । যেমন গৌয়ারের সঙ্গে মিশতে যাও—আজকাল তো মার ধ'রেছে শুন্লাম !

—দ্বিতীয় অঙ্ক—

শঙ্কর । খবরদার ব'লছি—আপনি মিশতে পাবেন না । আপনার কতবড় মানসম্মত, দেশস্বত্ব লোক আপনাকে মানে চেনে—কত বড় বড় বাজাবাজড়া আপনাকে সম্মান সম্মত করে ; এবসে আপনাব কেন যে এরকম মতিগতি হ'ল তা' ব'লতে পাবিনে !

কাম । আপনি গ্যায় কাজ যখন করেন, তখন আমরা কিছু বলি ? হবিদাসকে যখন বাড়ীতে বাধেন, লোকে যে কত কথা ব'লেছিল—একঘরে পর্যন্ত ক'রেছিল ; একথা তো তখন কেউ আমবা বলিনি যে, মুসলমানকে বাড়ীতে রাখবেন না । আপনি অদ্বৈতবাদী—হিন্দু-মুসলমানের ভেদ আপনার জন্ত নয়, সে আমবা মানি ; কিন্তু একি ! কতকগুলি অকাঙ্ক-পক ছোকরা—আপনাকে তারা মানবে না ?

অদ্বৈত । হাঁ—হাঁ—তোমরা ঠিক ব'লেছ, খাটী কথা । ওদের—বিশেষ ঐ নিতাই ছোকরাকে—

শঙ্কর । ও তো আপনাকে এরকম নাকে দড়ি দিয়ে ঘোরায় !

অদ্বৈত । হাঁ—তা' ঘোরায় বইকি ! আমি ওর সঙ্গে পারুবো কেন ? একে ঘোয়ান—তার উপর প্রচণ্ড মাতাল । আমার দুর্দশাটা একবার দেখ—আমি শ্রীঅদ্বৈত আচার্য্য, দুটো ছোঁড়া আমায় নাকের জলে চোখের জলে ক'রে তুললে ! আমায় যেন পাগল পেয়ে ব'সেছে ! তোমরা ঠিক ব'লেছ—কি বল বড়গিন্নি, আমি দিনকতক শান্তিপুরের বাড়ীতেই গা-ঢাকা দিই ?

-বিষ্ণুপ্রিয়া—

- সীতা ।** অবিশ্বি মানিয়েছিল চমৎকার—কিন্তু তুমি কি ব'লে ওদের সঙ্গে যাত্রায় নাচলে !
- অশ্বৈত ।** আরে বড়গিন্নি, নাচি কি আর ইচ্ছে ক'রে ? আমায় নাচালে যে । যত নষ্টের মূল হচ্ছে ঐ নিতাই ! ওষে কি না ক'রতে পারে, তা' ব'লতে পারি নে । আরে আমি তো আমি, যদি ইচ্ছে ক'রে ও—তোমাকেও নাচাতে পারে ! ওর কি লজ্জা সরম আছে ! সমস্ত রাত ধ'রে পায়ে মাথা খুঁড়বে, খাবে না—সে কাণ্ডই আলাদা ! গঙ্গায় কুমীরের সঙ্গেই কুস্তী ক'রলে—ভারি ডাং-পিটে ! আচ্ছা যাও তুমি, রান্নাবাড়নার ষোগাড় দেখ । আর ভয় নেই, আমি খুব শক্ত হব । ও ভক্তিটক্তি নয়—দিনকতক জ্ঞানচর্চায় মন দিই । হাঁ, আমাদের আলোচনা হ'চ্ছিল কি ?
- কাম ।** বিদ্যা আর ব্রহ্মের স্বরূপ ।
- শঙ্কর ।** আপনি ব'লেছিলেন, স্বয়ম্ভু ব্রহ্মা প্রথমে এই আয়ুজ্ঞান লাভ করেন । তারপর তিনি তাঁর জ্যেষ্ঠপুত্র অথর্ষাকে এই বিদ্যা ব'লেছিলেন ।
- কাম ।** তারপর অথর্ষা ব'লেছিলেন অঙ্গিরকে, অঙ্গির বলেন ভরদ্বাজ-গোত্রীয় সত্যবাহকে—সত্যবাহ বলেন অঙ্গিরসকে । মহা-গৃহস্থ শৌনক অঙ্গিরসের সামনে এসে একদিন ব'ললেন—এই পর্য্যন্ত আপনি বলেছিলেন ।
- অশ্বৈত ।** এমন সময় বুঝি গৌর-নিতাইয়ের কথা ওঠে ! আচ্ছা ষাক্, এটা হচ্ছে যথুক উপনিষদের অঙ্গিরস-শৌনকসংবাদ ।

—দ্বিতীয় অঙ্ক—

শৌনক প্রশ্ন ক'রলেন অঙ্গিরসকে—কি প্রশ্ন? “কশ্মিন্ন্
ভগবো বিজ্ঞাতে সৰ্ব্বমিদং বিজ্ঞাতং ভবতীতি” হে ভগবন্,
কি জানিলে এই সমস্ত অর্থাৎ এই পরিদৃশ্যমান জগৎব্রহ্মাণ্ডের
সকল কথাই জানা যায়। অঙ্গিরস ব'ললেন “ষে বিদ্যে
বেদিতব্য ইতিহ স্ম যদব্রহ্মবিদো বদন্তি পরা চৈবা পরা চ”
ব্রহ্মবিদরা বলেন, ছ'রকম বিদ্যা জানা দরকার—পরা বিদ্যা
ও অপরা বিদ্যা।

(নিত্যানন্দ ও হরিদাসের পরস্পর গলা-ধরাধরি করিয়া প্রবেশ ও নৃত্য-গীত)

উভয়ে । (সুরে) ভজ গৌরঙ্গ কহ গৌরঙ্গ
লহ গৌরঙ্গের নাম রে ।
যেজন গৌরঙ্গ ভজে—
সে আমার প্রাণরে ।

(অষ্টম সেদিকে দৃষ্টিপাত না করিয়া বলিয়া চলিলেন)

অষ্টম । “তত্রাপরা ঋগেদে। যজুর্বেদঃ সামবেদোহথর্ষবেদঃ শিক্ষা কয়ে।
ব্যাকরণং নিকৃষ্টং ছন্দো জ্যোতিষমিতি । অথ পরা যয়া
তদক্ষরমধিগম্যতে ॥”

নিতাই । (সুরে) ধন্ত ন'দে বৃন্দাবন ন'দের পথের মাটিরে,
ষে গৌর ছেড়ে শাস্ত্র পড়ে তার মাথায় মার টাটিরে !

(নিতাই অষ্টমের মাথায় টাটি ঝারিলেন)

—বিষ্ণুপ্রিয়া—

- কাম। আঃ, কি মাত্ লামো করেন মশায় ! যান্ !
- নিতাই । থাকবো ব'লে এসেছি, যাবার জন্তু আসিনি ।
- শঙ্কর । থাকতে চাও থাক—বারণ কেউ ক'রছে না । ওরকম মাত্ লামো ক'রবেন না ।
- নিতাই । মাত্ লামো ক'রবো না ? বেশ তো ! পয়সা খরচ ক'রে মদ খেলাম—মাত্ লামো ক'রবো না, তার মানে !
- কাম । উনি আমাদের আচার্য্য—ওঁর সঙ্গে ওরকম ব্যবহার ক'রো না ব'লছি !
- নিতাই । তোমাদের আচার্য্য আমাব ইয়ার । তোমাদের লজ্জা হয়, তোমরা স'রে পড় না বাবা !
- কাম । আমরা স'রে প'ড়বো ! আমরা ওঁর কাছে বিদ্যা শিখ্ছি—যাও, আমাদের পাঠের ব্যাঘাত ক'রো না ।
- নিতাই । তোমরা বাপু আর কারো কাছে গিয়ে পড়গে—শাস্ত্রালোচনা ওঁকে ক'রতে দেওয়া হবে না ।
- কাম । কি, গায়ের জোর নাকি ?
- নিতাই । হাঁ, মন্দ কি—চলে এস ? দেখি, কে ওঁর মুখ দিয়ে অং বং বার করে ? চালাকি ! খবরদার ভট্ চাজ, একটা সংস্কৃত কথা মুখ দিয়ে বার ক'রেছ কি, এখানে আজ ব্রহ্মহত্যে হয়ে যাবে ! হরিদাস চাচা, মুখপাতটা তারে ধরে ফেল । আমি এই ছোকরা-ছটীর সঙ্গে একটু বোঝাপড়া ক'রে নিই ।

[হরিদাস অশেষের পারের ধূলি লইলেন । কামদেব

ও শঙ্করের হাত ধরিয়৷ নিত্যানন্দ]

—দ্বিতীয় অঙ্ক—

নিতাই । বাপধন—একটু অন্ত্র যাওনা বাবা ! আমরা একটু ইয়ার্কি আড্ডা দেব । লেখাপড়া তো অনেক শিখেছ বাবা, আর কেন ? ব্রহ্মবিদ্যাটা না হয় নাই শিখলে—খুব বেশী ক্ষতি হবে কি বাবা ? ক’রতে হবে তো শেষ পর্যন্ত দশকর্ম ! এই বিদ্যেতেই হবে ।

অষ্টেত । ওহে নিতাই, শোন—শোন !

নিতাই । তুমি থাম ভট চাঙ্গ, তোমায় মধ্যস্থ ক’রতে হবে না ।

শঙ্কর । একটা ছোকরা মাতাল এসে আপনাকে বলে ‘ইয়ার’ ! আপনাকে মাথায় টাটি মারলে—আপনার অপমান করলে, আর আপনি চুপ কবে আছেন ? ওরা আপনাকে গুণ ক’রেছে । চল হে কামদেব, এখানে আমরা থাকবো না ।

নিতাই । এই এতক্ষণে একটা বুদ্ধিমানের মত কথা ব’ললে ! তোমাদের আচার্য্যকে নিয়ে আমরা একটু মদ খাব—একটু আনন্দ ক’রবো । তোমাদের তো আর চ’লবে না ? আর যদি চলে তো না হয় গৌর ব’লে বসেই পড় ।

কামদেব }
শঙ্কর } আবে রাম ! রাম ! ছিঃ ছিঃ !—ষত বেঙ্গিক অর্কাচীন !

[কামদেব ও শঙ্করের প্রস্থান ।

অষ্টেত । তোর সঙ্গে আমি আর কথা কব না ।

নিতাই । কেন—আমি কি ক’রলাম বাবাঠাকুর ?

অষ্টেত । আমি তোর উপর রাগ ক’রেছি । আজ সকাল থেকেই ভাবছি কথা কবনা । তার উপর—

—বিষ্ণুপ্রিয়া—

নিতাই । তার উপর কি ?
অশ্বৈত । তার উপর, আমার ছাত্রদের সামনে তুই আমায় মাতাল
ব'ল্‌লি ।
নিতাই । তাতে হ'য়েছে কি ? সত্যি কথাই ব'লেছি ।
অশ্বৈত । সত্যি কথা ? আমি মদ খাই ?
নিতাই । খাওনা ? সেই সেদিন, আমি তোমার হাতে দিলাম আর
তুমি ঢুক করে গিলে ফেললে ? আমার নিজের তৈরি মদ—
ইয়াকি ! তাতেই তো তোমার ব্রহ্মজ্ঞান গোল্লায় গেল ।

গান ।

আমি নিতাই শুঁড়ি চোলাই করি
গোর নামের সুধারস,
খেলে এ মদ টলে না পদ
উধলে ওঠে মনের হরষ ।
দেবাসুরে তুললে সুধা
অগাধ সাগর মখন ক'রে
গৌরহরি নামের সুধা
আকাশ থেকে প'ড়লো ঝ'রে
প্রেমের নেশা একনিমিষে
জমে গেল সকল দেশে

—দ্বিতীয় অঙ্ক—

কত লোহা সোনা হ'ল
পরশমণির পেয়ে পরশ !

নিতাই । বট্ঠাক্কণ, বট্ঠাক্কণ, বট্ঠাক্কণ ! বলি, কি ক'রুছো ঘরের
কোণে—বেরিয়ে পড় না ?

অধৈত । ওবে ও নিতাই, শোন্—শোন্ !

নিতাই । পেছ ডেকোনা বলছি ভট্ঠাজ, আমি অন্নপূর্ণার কাছে
চ'লেছি—তার ভাণ্ডার দেখতে । খিদেয় পেট জলে
যাচ্ছে !

(সীতা দেবীর প্রবেশ)

নিতাই । এই যে দেবী ভক্তের শ্রবণ মাত্রেই এসে হাজির !

সীতা । যে রকম জুলুমদার ভক্ত, না এসে কি নিস্তার
আছে ! দরকার হলে দেবীর পা ধ'রে টেনে নিয়ে
আসবে ।

নিতাই । নিশ্চয়ই—পা-ছোটো জোর ক'রে ধ'রতে পারলে বশ না
মানেন, এমন তো কাউকে দেখি নে ! যাক, এখন তোমার
কি আছে বার কর—চিঁড়ে, মুড়কি, কলা, দই, দুধ—দোহাই
জননি, বড় ক্ষিদে !

অধৈত । আরে নিতাই, শোন্—শোন্ ।

নিতাই । কি আর শুনবে ! ?

—বিষ্ণুপ্রিয়া—

অষ্টেত । তুই না অবধূত ? উনি সন্নিসী ! রাতদিন কুটুর কাটুর মুখ
চ'লছে—অতো খেলে তা'র সন্ন্যাস হয় ? সন্ন্যাসীর খাণ্ড
হ'চ্ছে সপ্তাহ অন্তে একটী ফল কি তগুলকণা ! .

নিতাই । শোন কথা বট্ঠাকরুণ, “চালুনি বলেন সূঁচ তুমি নাকি
ছাঁদা” ! উনি অষ্টেত আচার্য্য—ব্রহ্মবিদ্যা, ব্রহ্মজ্ঞান,
ব্রহ্মচর্য্য,—মুখে ব্রহ্ম ছাড়া কথা নেই ! আর বরে দুটী
গৃহিণী—তার উপর ব্রহ্মবিদের বয়স ছিয়াত্তর ।

[মুখে কাপড় দিয়া লজ্জায় সীতাদেবীর প্রস্থান ।

অষ্টেত । তো'র মুখ বড় আলুগা—অসভ্য কোণাকাব !

নিতাই । টিলটি মারলেই পাটকেলটি খেতে হয়—আমায় ক্ষেপাতে
গেলে কেন ? নাও এখন ওঠ, আমাব অনেক কাজ—আড্ডা
দেবার সময় নেই । শ্রীবাস পণ্ডিতের বাড়ী আজ অষ্টপ্রহরা,
দেবী ক'র না—চল ।

অষ্টেত । আমি যাব না ।

নিতাই । যাবে না কি রকম ?

অষ্টেত । না, যাব না । তোমাদের সঙ্গে আমার মতের মিল নেই ।
নাচন-গাওন আবার ধর্ম্ম কি ?

নিতাই । ধর্ম্ম তা'হলে কি রকম অপূর্ব বস্তু ?

অষ্টেত । এখানে ধর্ম্ম অর্থে মুক্তিপ্রদ ধর্ম্ম । ব্রহ্মকে না জানা পর্য্যন্ত
মানুষের কোন ধর্ম্মই তাকে মুক্তি দিতে পারে না । ব্রহ্মবিৎ
তাঁকে ধ্যানে দেখেছেন । তিনি কেমন—

—দ্বিতীয় অঙ্ক—

অপানিপাদো জ্বনো গ্রহীতা
পশুত্যচক্ষুঃ স শৃণোত্যকর্ণঃ ।
স বেত্তি বেদ্যং ন চ তস্মাস্তি বেত্তা
তমাহরগ্র্যং পুরুষং মহাস্তম্ ॥

নিতাই । একেবারে তরলং জলমিব—ব্রহ্মজ্ঞান একেবারে নগদ হাতে হাতে পাওয়া গেল ! ওসব বুজরুকি ছাড় ভট্টচাঁক, তোমার আগে অনেক আচার্য্যচর্য্য অংবংসং ক'রে গেছে ! অনেক ত্রিশূল, অনেক চক্র, বীজ, হঙ্কার, হ্রীঙ্কার—যথেষ্ট হয়ে গেছে ! আর কেন ? চোখে দেখ—কানে শোন, কি বল চাচা ?

হরিদাস । আমাকে আবার ওর মধ্যে টান কেন বাবাজি, আমি সবারই পায়ের ধুলো ! তোমাদের বাদানুবাদে কি আমি যোগ দিতে পারি ?

নিতাই । তুমি ভারি চালাক—তা' আর জানিনে ! আমরা তর্ক ঝগড়া করি, আর তুমি সেই অবকাশে গৌরচিন্তা ক'রবে মৌনী হয়ে ?

অধৈত । আমি গৌরান্নকে অবতার ব'লে মানিনে, তোমায় স্পষ্ট কথা ব'লে দিচ্ছি ; তা' তুমি রাগই কর আর ষাই কর ।

নিতাই । মান না ?

অধৈত । না—মানি নে ।

নিতাই । সত্যি ব'লছো—মান না ?

অধৈত । হ'ঁ, সত্যি ব'লছি—মানি নে !

—বিষ্ণুপ্রিয়া—

নিতাই । তোমার ঘাড় যে সে-ই মানবে ! মানিনে—মানিনে, কেন তুমি মানবে না ? তুমি জ্ঞানী, তুমি ভক্ত, তুমি আজীবন হরিকে ডেকেছ । তোমার ডাকে তাঁর বৈকুণ্ঠের আসন টলেছিল, তাই ঠাকুর আমার মহাবিরহের অনুভূতি নিয়ে মাটিতে নেমে এলেন—আর তুমি এখন বল মানি নে ! যদি না মান, তোমার হাড় ক'খানা আমি এক জায়গায় রাখবো না—এ কথা যেন মনে থাকে ।

অষ্টেত । আরে, তুই আমায় মারবি না কি ?

নিতাই । না মারব না, তোমায় ক্ষীরমুড়কি খেতে দেব ? এতক্ষণ মারিনি, এই তোমার ভাগ্য ! এদেশের উপর দিয়ে কি বিপ্লব ব'য়ে গেছে তা জান । বৌদ্ধতান্ত্রিকের কত অনাচার, শূন্য উপাসনা, নিরীশ্বরবাদ ! ন'দের পণ্ডিতরা আজ যে নাস্তিক হ'য়ে শুধু সংসারধর্ম ছাড়া অণু কোন ধর্মের অস্তিত্বই স্বীকার করে না, যে মনোভাব দেখে—চাচার দৃখে শুনুতে পাই, তুমি নিজেই কত কেঁদেছ ! আর আজ—গুভদিন যখন এল, তখন তুমিই কি না ব'লে ব'সলে আমি মানি নে !

অষ্টেত । আমি কেমন করে মানবো নিতাই, আমার যে তোমার মত বিশ্বাস নেই !

নিতাই । বিশ্বাস নেই !

অষ্টেত । না নিতাই, আমি ঘোর সংশয়বাদী ! এ কথা সত্য, একদিন আমিই আশা ক'রেছিলাম—তিনি আসবেন ! আবার

—দ্বিতীয় অঙ্ক—

একথাও সত্য, আজ তোমরা সবাই যখন ব'লছ তিনি এসেছেন—আমার মনে সংশয়ের আর অন্ত নেই !

নিতাই : আচ্ছা, এক কাজ কর না কেন বাবাঠাকুর ?

অধৈত । কি ?

নিতাই । তুমি তাঁকে বাজিয়ে নাও-না ? একবার পরীক্ষা করে দেখ ।
তুমি তো শাস্ত্রজ্ঞ, পরম পণ্ডিত,—তুমি তো আর নাস্তিক
নও । শ্রীভগবান মানুষ হ'য়ে পৃথিবীতে আসেন, একথা
মান তো ?

অধৈত । মানি আবার মানি নে !

নিতাই । ঠাকুর, তোমার এসব চালাকি ! আচ্ছা, তুমি যে ব'ললে
নাচন-গাওন আবার ধর্ম কি ? তোমার ভগবান কি
ব'লছেন—

নাহং বসামি বৈকুণ্ঠে যোগিনাং হৃদয়ে ন চ ।

মদভক্তা যত্র গায়ন্তি তত্র তিষ্ঠামি নারদ ॥

অধৈত । তাতেও কিছু প্রমাণ হয় না নিতাই !

নিতাই । তা' প্রমাণের দরকারই বা কি ? বলি, তুমি নিমাইকে
ভালবাস তো ? নাই বা হ'লো সে ভগবান—ভালবাস তো ?

অধৈত । তা বোধ হয় বাসি ।

নিতাই । তবে তার কীর্তন শুনতে যাবে না কেন ? তাতে যদি ধর্ম না
হয়, নাই হ'ল ! ঐ যে তোমাদের কাগভট্ট, শুনতে পাই
প্রকাণ্ড পণ্ডিত ! তাঁর টোলে একদিন ঞ্চারের বিচার শুনতে
গেলাম । একজন ব'লে ঈশ্বর আছেন, একজন ব'লে ঈশ্বর

—বিষ্ণুপ্রিয়া—

নেই—তারপর তর্ক ! আরে বাপরে, কি সে তর্ক ! দেখে মনে
হ'ল, ঈশ্বর যদি বা থাকেন পণ্ডিত মশায়রা তাঁকে তাড়াবেন !
ওরকম তর্কের চেয়ে তো কীর্তন ভাল ? উপনিষদে তাঁকে
পাওয়া যাবে না অদ্বৈত ঠাকুর, ওখানে নেই—ওখানে
নেই ! যদি দেখতে চাও, আমার সঙ্গে এস ।

গান

ভাবছ যেথায় নাইকো সেথায়
কোথায় কারে খোঁজরে মন !
বেদে কিংবা দরশনে
মেলেনা তার দরশন ।
যেখানে পাবেনা তারে
সেথায় খোঁজ বারে বারে
যেথায় দেখা মিলতে পারে
রইলে মুদে ছ'নয়ন !
শত তীর্থ পর্যটনে
পাইনি কানী বৃন্দাবনে
শ্রীবাসের শ্রীঅঙ্গনে
সে যে ধুমায় অচেতন !

—দ্বিতীয় অঙ্ক—

অধৈর্য । নিতাই, তোর সত্যি বিশ্বাস—আজ শ্রীবাসের অঙ্গনে যে
নাচ্ছে, সে-ই একদিন ব্রজগোপীদের সঙ্গে রাসলীলা
ক'রেছিল ?

নিতাই । ঠাকুর, সন্দেহ জীবের ধর্ম । গোপালনন্দনকে দেখে স্বয়ং
ব্রহ্মাবও একদিন সন্দেহ হ'য়েছিল—ইনিই সেই পরম পুরুষ
কি না ?

অধৈর্য । তাইই বটে ! ভাল, বিশ্বাস যখন নেই—বিশ্বাসের প্রয়োজন
নেই ; তবু আব একবার দেখব তোমার গৌরচাঁদকে ।
আমি আমার পথ ছাড়বো না । চিরদিন প্রমাণ মেনেছি—
অস্তুরকে বিশ্বাস করিনি, চোখের জলকে বিশ্বাস করিনি ।
যিনি বাক্য-মন-ইন্দ্রিয়ের অগোচর, তাঁকে বুঝবো কি
দিয়ে ! চল যাই ।

(সীতাদেবীর পুনঃ প্রবেশ)

নিতাই । বট্ঠাকরুণ, বুড়োকে নিয়ে চ'ললাম্ !

সীতা । সে কি, উনি যে তখন ব'লেন তোমাদের বাছুরের দলে, আর
নিশ্বেন না !

নিতাই । তা'হলে গোপালনন্দনকেও পাবেন না—বাছুর যে তাঁর
ভক্ত ! সর্বোপনিষদো গাবো দোখা গোপালনন্দনঃ, পার্থঃ
বৎসঃ সুধার্ভোক্তা—

অধৈর্য । নিতাই, তুই গীতা পড়েছিস্ ?

নিতাই । না, লেখাপড়াটা তোমারই একচেটে, পৈতৃক সম্পত্তি!
ছোট্ঠাকরুণ কোথায় গো ?

—বিষ্ণুপ্রিয়া—

- সীতা । শাস্তিপুরের বাড়ীতে গেছে ।
- নিতাই । একদিন দুর্গাগঙ্গার ‘সতীনে’ কোঁদল দেখবার ইচ্ছা ছিল ।
- সীতা । বড়ো শিব সে বিষয়ে খুব চালাক ! ছটীকে এক জায়গায় বড় করেন না ।
- অষ্টেত । আগে ঠকেছি, এখন “ভবতি বিজ্ঞতমঃ ক্রমশো জনঃ” ।
- সীতা । যাই হোক, নিতাই খেতে চেয়েছে—না খাইয়ে ছাড়তে পারি নে ।
- নিতাই । তাইতো চাচা, খাওয়ার কথাটা তো ভুলেই গেছি ! শীগ্গির—শীগ্গির ! আচ্ছা, কি খেতে দেবে বলতো ঠাকুরগ ?
- সীতা । ছটী ভাত খাবে ?
- নিতাই । কি কি রেখেছ বল দেখি ?
- সীতা । মুলোবেগুনের শুকতুনি, মোচার ঝণ্ট, ইচড়ের দালনা, সোনামুগের ডাল, বড়ি ভাজা, চালুতার অম্বল ।
- নিতাই । ষি, ছধ, চিনি—এতো গোসাই বাড়ী আছেই ! উপস্থিত ত্যাগ করা ঠিক নয় । চলে এস চাচা—বাবাঠাকুর, তুমিও ছটো খেয়ে নাও ! তোমার বাড়ীতে আমরা খাব আর তুমি উপোস করবে, এটা বোধ হয় ভাল দেখায় না !

[সকলে বাড়ীর ভিতর গেলেন ।

—দ্বিতীয় অঙ্ক—

দ্বিতীয় দৃশ্য

[নবদ্বীপের পথ। অনেক লোকজন বাতায়নত করিতেছে—প্রায়শঃ
পণ্ডিত ও ছাত্রগণ। তার মধ্যে অষ্টভৈরব শিষ্য
কামদেব ও শঙ্কর ছিলেন।]

দামোদর । ওহে শঙ্কর, নিমাই পণ্ডিতের খবর জান ? আচার্য্যও নাকি
যাতায়াত করুছেন ?

কামদেব । করুছেন বৈকি—শুধু যাতায়াত কেন, তাঁরও বেশ মাখামাখি
ভাব !

শঙ্কর । আচ্ছা, সমস্ত নবদ্বীপ কি পাগল হ'য়ে উঠল ?

ভবত । সমস্ত নবদ্বীপ পাগল হ'তে যাবে কেন ? পাগল যারা হবার
তারাই হ'য়েছে । কি আশ্চর্য্য ! বড় বড় সব ঞায় সাংখ্য
পাতঞ্জলের পণ্ডিত—একটা ছোড়াকে নিয়ে অস্থির !

দামোদর । নিমাইটেও কম পাগল নয় ! অমন চমৎকার বইখানা
লিখে গঙ্গার জলে ফেলে দিলে ?

ভবত । হাঁ, ফেলে দিলে ! তুমিও যেমন ! ওসব গল্প কথা এখন
ভক্তরা রটাচ্ছে । ও আবার ঞায়ের বই কি লিখবে ?
ব্যাকরণ ছাড়া কিছু জানে না । সাধারণ বুদ্ধি আগে একটু
ছিল—হরিনাম করে সেটুকুও লোপ পেয়েছে !

দামোদর । না হে না ; আমি স্বয়ং কাণভট্টের কাছ থেকে শুনেছি ।
কাণভট্ট শতযুখে প্রশংসা করুলে ; বলে—যেমন বুদ্ধি তেমন
সিদ্ধান্ত ! নিজে বলে “আমার দীর্ঘীতি তার কাছে লাগেনা” !

— বিষ্ণুপ্রিয়া—

- তাতেই তো নিমাই বইখানা জলে ফেলে দিয়ে ব'ল্লে— “^১ আমি পাণ্ডিত্যের যশ চাই না।”
- শঙ্কর । ওনেছি নাকি গঙ্গাদাস পণ্ডিতও টলমল ?
- ভরত । বুঝিনে ওসব—ভাই !
- শঙ্কর । তবে আমরা ভাই ন'দে ছেড়ে চ'ল্লাম ।
- ভরত । কেন—কেন ? তোমরা নবদ্বীপের শ্রেষ্ঠ ছাত্র, সর্কবিদ্যা অর্জন ক'রে ব্রহ্মবিদ্যার আলোচনা ক'রুছিলে . আব তোমরা—কেন, তোমাদের বিদ্যা কি আয়ত্ত হ'য়েছে ?
- কামদেব । তা' নয় ভাই, তা' নয়। এক অদ্বৈত আচার্য্য ছাড়া ব্রহ্মবিদ্যাব অধ্যাপক নবদ্বীপে আর কে আছেন ? তিনিই যখন নিমাই পণ্ডিতের দলে ভি'ড়লেন, তখন আর কার কাছে প'ড় বো ?
- ভরত । আচার্য্য কি সত্যিই হরিভক্ত হ'লেন ?
- শঙ্কর । এক রকম হওয়াই । ওদের সঙ্গে মিলে যাত্রা গাইলেন— নাচলেন ! আজ সকালে আমাদের মুখের উপর নিতে এসে ব'ল্লে, তোদের আচার্য্য আমাদের ইয়ার—আমাদের সঙ্গে মদ খায় !
- কামদেব । গুরুনিন্দা শুনতে হ'ল—আমাদের প্রায়শ্চিত্ত ক'রে দেশত্যাগ করা উচিত ! আর সাতটা দিন দেখ বো, তবে আশা নেই ! ঐ যে, নিমাই পণ্ডিতের কীৰ্ত্তনের দল বেরিয়েছে—চলছে শঙ্কর, এখানে আর থাকা নয় ! আগম বাগীশের টোলটা একবার ঘুরে আসা যাক ।

—ষষ্ঠীয় অঙ্ক—

[একদল ছাত্র চলিয়া গেল । তারপর গোপাল, চাপাল ও রামরূপ
প্রবেশ করিল ।]

- গোপাল ও হতচ্ছাড়াদের কথা ছেড়ে দেও খুড়ো—ওরা ম'রেছে !
- বামরূপ : ম'রেছে কি রকম ?
- গোপাল সে মরার বাড়া—আমি এত ক'রে বোঝাবার চেষ্টা ক'রলাম,
ওসব বুজরুকি ; তা' একটা কথার জবাব দিলে না—কানে
আঙ্গুল দিয়ে রইল—হাউ হাউ ক'রে কাঁদতে লাগলো !
- বামরূপ খুব আশ্চর্য্য বটে বাবাজি—জগাই, মাধাই এরকম হ'য়ে
যাবে কে ভেবেছিল বল দেখি !
- গোপাল । দিন দিন দলে পুষ্ট হচ্ছে । জগন্নাথ মিশ্রের বেটা এখন
হ'য়েছেন—শ্রীশচীনন্দন ! ভারে ভারে দই, দুধ, ছানা,
চিনি, উংকুষ্ঠ ফল, কাপড়, গহনা সব আসছে প্রভুর ভোগের
জন্তু—আর প্রভু ফুলের মালা গলায় দিয়ে নন্দহুলাল হ'য়ে
নেচে নেচে বেড়াচ্ছেন !
- বামরূপ । ওঁর বুঝি রাধাভাব ? নেকা !
- গোপাল আর শ্রীবাসটা হ'চ্ছে আসল গোবেচারী—মেয়েমাতুষেরও
অধম ! ওর স্বন্ধে ভার ক'রে অষ্টপ্রহরা হ'চ্ছে—হরিবাসর
হ'চ্ছে—সাতগুটি মিলে ওর বাড়ী ছ'বেলা গিলুছে !
- বামরূপ । বল কি হে !
- গোপাল । জাতজন্ম আর রইলো না খুড়ো—বায়ুনের হেলে মোহল-
মানের সঙ্গে ভাত খায়, বাড়ীর বৌ-বির সামনে টপ্পা খেউড়
পায় ! সখী আর বধু ছাড়া গান নেই ? চালাকি

—যিকুথিরা—

- পেয়েছে বটে ?—আমরা বুঝিনে কিছু, আর এঁরাই হ'লেন ভক্ত !
- রামরূপ । তুমি তো সেদিন শ্রীবাসের বাড়ীর সামনে খুব ঘটা ক'রে কালীপূজা ক'রেছিলে ?
- গোপাল । তা বেটারা এমনি নাস্তিক যে একবার দোর খুললে ?
- রামরূপ । আচ্ছা, বাড়ীর ভিতর কি করে ওরা ?
- গোপাল । স্ত্রীলোক আর মদ্য নিয়ে ফুর্তি করে নিশ্চয়ই । নইলে অত শীগ্গির দল পুষ্ট হয় ! তোমাকে খুড়ো একটা কাজ ক'রতে হবে !
- রামরূপ । কি কাজ ?
- গোপাল । একটীবার ওদের দলে ভিঁড়ে ভিতরের ব্যাপারটা কি খোঁজ নিতে হবে । তুমি ওদের মত বৈষ্ণব সঙ্গে কীর্তনের দলে ঢুকে প'ড়বে !
- রামরূপ । ভয় করে বাবাজি, ঐ নিতাইটে ভারি গোয়ার ! একা পেয়ে শেষ পর্য্যন্ত যদি—
- গোপাল । পাগল আর কি ? ওনুলাম নানারকম মজা আছে ! সখী আছে, কুঞ্জ আগার—দস্তুর মত নকল বুদ্ধাবন !
- রামরূপ । গৌড়দেশের মত এমন মজার দেশ আর কোথাও পাবেনা বাবাজি !
- গোপাল । বুজুকি না ক'রলে ভালমাহুষের এখানে অন্ন হয় না ।
- রামরূপ । অশেষ পণ্ডিতকে নাকি দলে নিয়েছে ?
- গোপাল । তিনি হ'চ্ছেন মহাদেব !

—দ্বিতীয় অঙ্ক—

- রামরূপ । অষ্টৈতকে ভোলালে কি ক'রে ?
- গোপাল । বুড়ো হ'লে ভীমরতি হয় না ? এ তাই । তাইতো তোমায় ব'লছি খুড়ো—একবার স্বচক্ষে দেখে এস । তুমি যদি ঠিকঠাক খবরটা আনতে পার —তখন আমি দেখে নেব ।
- রামরূপ । কি ক'রবে তুমি ?
- গোপাল । দেশছাড়া ক'রবো—চালাকি নাকি ? আমি কাজী—এমন কি, বাদশাকে পর্যন্ত খবর দেব । কিন্তু তার আগে সঠিক খবরটা জানা দরকার ।
- রামরূপ । আচ্ছা, আমি যাব ; কিন্তু লোকজন নিয়ে আশেপাশে থেকে বাবাজি, যদি মারধোর দেয়—আমি চ'চাব !
- গোপাল । খুড়ো, এত ভয় তোমার ? মারে অনেক শালা ! ঐ যে সব গাইতে গাইতে যাচ্ছে । মাঝখানে গৌরনিতাই—গা জ্বালা করে ! কিরকম ভঙ্গিমে ক'বুছে দেখছো ?
- রামরূপ । বাসুঘোষ হ'য়েছে বুঝি মূল গায়েন ?
- গোপাল । আর বল কেন, ঐ শালা হ'ল গাইয়ে ! “যত ছিল উলুবনে সব হ'ল কীর্তুনে ।” তুমি খুড়ো একটা তিলক কেটে নাও, তারপর আস্তে আস্তে ওদের সঙ্গে শ্রীবাসের বাড়িতে— । তোমার রাগ হ'চ্ছে না খুড়ো ?
- রামরূপ । খুব হ'চ্ছে—কিন্তু বাবাজি পিছনে পেকো !

[উত্তরের প্রস্থান ।

— বিষ্ণুপ্রিয়া—

তৃতীয় দৃশ্য

[শ্রীবাসের বাড়ীর অন্তর । শ্রীশ্রীহরিবাসরের আয়োজন—তুলসীমঞ্চ ।
প্রহ্লাদান শুক শ্রীবাস প্রবেশ করিয়া তাঁহার ভ্রাতৃগণ, আত্মীয়গণ
ও ভৃত্যগণকে সম্ভাষণ করণের উপদেশ দিতেছেন ।]

শ্রীবাস । ওহে শ্রীকান্ত, কই হে—ফুলের মালা, চন্দন, অগুরু এসব
কই ? আলোগুলো সব জ্বলে দেও । এখনো ধূপধুনো
গঙ্গাজল দেওয়া হ'ল না ? রোজই এসব আমাকে তদারক
ক'বতে হবে ? প্রভুর আসবার সময় হ'য়ে গেল যে !

(মালিনীর প্রবেশ)

মালিনী । আজ এখানে হরিবাসর ক'রবে ?

শ্রীবাস । কেন, কি হ'য়েছে ?

মালিনী । তুমি তো দেখে এলে । ছেলের অবস্থা তো আমি আদৌ
ভাল বুঝি না । আমি বলি, আজ হরিবাসর থাক ।

শ্রীবাস । ব্রাহ্মণি, তুমি কি ব'লছ ? ছেলের অসুখ দেখে তোমার
মাথা খারাপ হ'য়েছে !

মালিনী । না—না, তুমি দেখলেনা ? বাছা আমার ভাল ক'রে চোখ
চাইতে পারছে না ! আমার বড় ভয় ক'চ্ছে—তুমি বরং
ছেলের কাছে এসে ব'স । হরিসংকীৰ্ত্তন আজ থাক ।

শ্রীবাস । ব্রাহ্মণি, তুমি নিজের চোখে গৌরচন্দ্রকে দেখেছ । এই
নবদ্বীপে তোমার আমার মত ভাগ্যবান কেউ নেই ।
সর্বপ্রথম আমাদেরই কাছে প্রভু আত্মপ্রকাশ ক'রেছেন ।

—দ্বিতীয় অঙ্ক—

সেই গৌরচন্দ্রের হরিসংকীর্ণনে তুমি আজ বাধা দেবে
ছেলে কার ব্রাহ্মণি? আমরা তো গচ্ছিত ধনের
অধিকারী! যার জিনিস তিনি যদি ফিরিয়ে নিতে চান
তুমি আমি কাছে বসে থেকে কি রক্ষা কর্তে পারব!
তুমি জান, আমি কতবার তোমায় বলেছি একবার মাত্র
হরিমন্ডের শক্তিতে আমি অকাল-মৃত্যুর হাত থেকে রক্ষা
পেয়েছি। আমার আজো মনে পড়ে—গতরাত্রির স্বপ্নের
মত! মহাপুরুষ এসে আমার কানে মন্ত্র দিলেন—“হরেনামৈব
কেবলম্”—আমি আচ্ছন্ন আবিষ্টের মত উঠে বসলাম।
সে মহাপুরুষ কে, তাও তোমায় বলেছি—যদি তোমার
ছেলেকে কেউ রক্ষা কর্তে পারেন, তিনি গৌরচন্দ্র!

মালিনী।

তা'হলে হরিবাসর হবে?

শ্রীবাস।

নিশ্চয়ই! যদি রক্ষা পাবার হয়, হরিনামেই রক্ষা পাবে;
আর যদি সত্যই আজ তার জীবনের শেষ দিন হয়, তা'
হলেই বা তার চেয়ে ভাগ্যবান পৃথিবীতে আর কে আছে?
স্বয়ং নরদেহধারী ভগবানের মুখোচ্চারিত হরিনাম শুনতে
শুনতে তার জীবনীলা শেষ হবে।

মালিনী।

ওকথা মুখে এনো না! গৌরহরি যদি সত্যি অবতার হন,
তা'হলে নিশ্চয়ই তিনি আমার বাছাকে রক্ষা করবেন।

শ্রীবাস।

রক্ষা তিনি তাকে নিশ্চয়ই করবেন, তাতে আমার কোন
সন্দেহ নেই। কিন্তু ব্রাহ্মণি, মানুষের পার্থিব জীবন তো
একমাত্র জীবন নয়—তার আধ্যাত্মিক জীবনের কল্যাণ-

—বিষ্ণুপ্রিয়া—

কামনায় আজ যদি তার পার্থিব জীবন শেষ হয়, কখনো
যেন মনে ক'র না গৌরচাঁদের কৃপা হতে আমরা বঞ্চিত !
তুমি যাও, ছেলের কাছে গিয়ে ব'স ।

মালিনী । তুমি এদিকে একটু কান রেখো, যেন একেবারে সংকীর্ণনে
মেতে যেওনা ! অবস্থা খারাপ দেখলে আমি তখনই তোমায়
ডাকতে পাঠাবো ।

শ্রীবাস । ব্রাহ্মণি, তুমি কি মনে কর—আমি সমস্ত সংসারিক সুখ
ছাঃখ, ভয়আশঙ্কা প্রভৃতির অতীত ! আজ তোমার মনে
যে সংশয়, আমার মনেও তাই । আজ যে আমি সংকীর্ণনে
মন দিতে পারবো, এ বিশ্বাস আমারও নেই ! তুমি যাও
মালিনি, ঐ আমার প্রভু আসছেন ।

মালিনী । প্রভু, যদি তুমি সত্যই আমাদের ইষ্ট দেবতা হও—আমাব
একটি মাত্র ছেলে তোমার পায়ের তলায় ফেলে দিলাম, তুমি
ওকে বাঁচাও !

[গৌরচন্দ্র, গদাধর, নিত্যানন্দ, অদ্বৈত, বাহুবোব, মুরারিগুপ্ত প্রভৃতি কীর্তনের দল
সঙ্গে শুভ শুভ স্বাক্ষর ।]

গান ।

রূপ লাগি আঁখি বুঝে

গুণে মন ভোর—

প্রতি অঙ্গ লাগি কাঁদে

প্রতি অঙ্গ মোর ।

—দ্বিতীয় অঙ্ক—

হিয়ার পরশ লাগি

হিয়া ঘোর কান্দে

পরাণ পিরোতি লাগি

থির নাহি বাঞ্জে ।

রূপ দেখি হিয়ার

আরতি নাহি টুটে

বল কি বলিতে পার

যত মনে উঠে ।

হাসিতে খসিয়া পড়ে কত মধু ধার

লহ্ লহ্ কহে কথা পিরোতির সার ।

[কীর্তন .শেষ হইলে গোরচন্দ্র সর্বপ্রথমেই রামরূপের প্রতি দৃষ্টিকোণ
করিতে লাগিলেন : রামরূপ মনে মনে চকল হইয়া উঠিল ।]

নিমাই । তুমি কে ?

রামরূপ । আমি এই নদায়াবাসী প্রভু, আপনার ভক্ত !

নিতাই । গোরচাঁদ, আমার একটি নিবেদন আছে ।

নিমাই । কি নিবেদন ?

নিতাই । এই রক্তটীর সঙ্গে আমি একটু আলাপ ক'রবো ।

নিমাই । কেন শ্রীপাদ ?

নিতাই । দিন দিন আপনার ভক্তসংখ্যা বাড়ছে দেখে আমার বড়
আনন্দ হচ্ছে প্রভু !

—বিষ্ণুপ্রিয়া—

- অষ্টমত । আবার বুঝি ঐ ব্রাহ্মণটীকে জ্বালাবি ? ঠাকুর, আপনি কিছু মনে ক'রবেন না—ও ঐরকম !
- নিতাই । (বামরূপের প্রতি) তারপর প্রভু, কেমন আছেন—আপনার তিনি কেমন আছেন ?
- বামরূপ । তিনি ! তিনি আবার কে ?
- নিতাই । যিনি আপনার বাপস্তু না ক'রে জনগ্রহণ করেন না—যাঁর কুঞ্জ প্রতি সন্ধ্যায় আপনি চণ্ডীপাঠ করেন । তা' সহসা সেই শ্রামা মহিষমর্দিনীর পূজা ছেড়ে এখানে কি মনে করে ?
- বামরূপ । তুমি কি ব'ল্ছো নিতাইদা ! আর প্রভুব সাম্নে ওসব কি কথা ব'ল্ছ ?

[দাসী স্নানান্তিকে শ্রীবাসকে ইসারায় ডাকিল । শ্রীবাস অত্যন্ত উৎকণ্ঠার সহিত অন্তঃপুরে গেলেন ।]

- নিতাই । তোমার তো মাত্র একটি প্রভুই আছেন জানুতেম । যাক্, এসেছ—এসেছ, বেশ ক'রেছ ! তা' এরকম বৌরূপী সঙ্গে এসেছ কেন খুড়ো !
- রামরূপ । আঃ ! কি রঙ্গ কর—ভাল লাগেনা মাইরি !
- নিতাই । পরচুলটী সংগ্রহ ক'রে কোথেকে ?
- (চুল খুলিয়া গইল । সকলে হাসিতে লাগিল ।)
- রামরূপ । তোমাদের ভারি আশ্চর্য—হাস্ছো যে সব, হাস্ছো যে বড় !
- নিতাই । সত্যি, তুমি কেন এসেছ ?

—দ্বিতীয় অঙ্ক—

- রামরূপ । সে কৈফিয়ৎ আমি তোমাকে দেবনা ।
- নিতাই । কিন্তু কৈফিয়ৎ যে দিতে হয় রামরূপ খুড়ো ! নৈলে তো এখানে স্থান হবে না । এ শ্রীহরির সভা, যারা তাঁর ভক্ত—
অস্তবঙ্গ, তাঁরা ছাড়া এখানে আর কেউই স্থান পায় না ।
- রামরূপ । স্থান পায়না—তার মানে ? এই তো আমি এসেছি, কি
ক'রবে—আমায় তাড়িয়ে দেবে ?
- নিতাই । নিশ্চয়ই, তাতে আর কোন সন্দেহ আছে ?
- রামরূপ । মনে রেখো আমি অমনি আসিনি—কাজীর হুকুমে এসেছি ।
- নিতাই । তা' জানি । তা' হলে তোমার কাজী এসে তোমায় বক্ষা
করুক ! ওঠ ।
- রামরূপ । তার মানে ?
- নিতাই । ওঠ—
- রামরূপ । আরে ?
- নিতাই । পথ দেখ না স্রাঙাৎ !
- রামরূপ । কি রকম ?
- নিতাই । এই যে যাবার পথ—ঐ সদর দরজা ।
- রামরূপ । আরে নিতাইদা, তুমি কিনা—
- নিতাই । ই! আমি কিনা—আপনি এখন আস্তে আজ্ঞা করুন
দেখি !
- রামরূপ । নিমাই, তুমি কিছু ব'লছো না !
- নিমাই । তুমি চুরি ক'রে এদের সঙ্গে ঢুকে প'ড়লে কেন ?
- রামরূপ । বেশ ক'রেছি, আমার খুসী ! তোমরা যা ক'রতে পার কর ।

—বিষুপ্রিয়া—

- নিতাই । তাই নাকি ? আচ্ছা । ওঠ, তোমার জন্তে কীর্তন বন্ধ
আছে, ওঠ ।
- বামরূপ । দেখ, আমি এখনো রাগিনি তাই ! রাগলে কিন্তু—
- নিতাই । আমি জানি লঙ্কাকাণ্ড হবে । তা' রাগবার দরকার কি
তোমার ! এমনি, বেশ মানে মানে বিদায় হও না—দাদা !
- রামরূপ । তোমার ভারি বাড় বেড়েছে ! ওঃ, ভারি আমার রেড়ো
বামুন কিনা ? তুই তো শতীক জাতের অন্ন খেয়ে বেড়াস্—
তুই আবার বামুন কিসের ?
- নিতাই । তা' খাই ! মা-লক্ষ্মীর অন্ন যখন যেখানে জোটে, খেয়ে নিই !
এখন তুমি যাবে কি না ?
- রামরূপ । নিমাই, তুমি কিছু ব'ললে না ? তোমারই আঙ্কারা পেয়ে ঐ
রেড়ো ভুতের এত আঙ্গু হ'য়েছে ! আচ্ছা, আমি যাচ্ছি—
কিন্তু এর ফল তোমাদের ভুগ্ তে হবে !
- নিতাই । কি ফল ?
- রামরূপ । আমি কুলীন ব্রাহ্মণের ছেলে, আমি অভিসম্পাত কচ্ছি—

(শ্রীবাসের পুনঃ প্রবেশ)

- শ্রীবাস । আহা-হা, কর কি—কর কি !
- নিমাই । পণ্ডিত, চূপ্ কর । কি ব'লতে চাও ব্রাহ্মণ, কি শাপ দিতে
চাও—দাও ।
- রামরূপ । গুমরে তোমরা আর কেউ চোখে কানে দেখতে পাওনা ।
কিন্তু আমি শাপ দিচ্ছি—এগুমর তোমাদের থাকবেনা !

—দ্বিতীয় অঙ্ক—

শোন বিশ্বস্তর, ন'দের বায়ুন হ'য়ে তুমি যখন ঐ জাত হারাণো
অবধূত দিয়ে ন'দের বায়ুনকে অপমান ক'রিয়েছ, তখন
নিশ্চয়ই জেনো তোমার ন'দের বসতি উঠেছে ! সুখে স্বচ্ছন্দে
সংসার ক'রবে মনে ক'রেছ ? সে গুড়ে বালি প'ড়বে !
কঁদতে কঁদতে তোমাকে ন'দে ছাড়া হ'তে হবে ! আর শুধু
তুমি একা নও—যারা এখানে আছে, তাদের সবাইকে
চোখের জল ফেলতে হবে !

নিমাই । তোমার অভিশাপ ফ'লবে তো ঠাকুর ? ঠিক ফ'লবে ?
বামরূপ । যখন ফ'লবে, তখন বুঝতে পারবে ।

[প্রহান ।

নিমাই । কিন্তু এতো তোমার অভিশাপ নয় ব্রাহ্মণ, এষে আমারই
প্রাণের কামনা !
অশ্বৈত । লক্ষীছাড়া ছোঁড়া ! কি ক'রলি বন্ দেখি ? ব্রাহ্মণ রাগ ক'রে
চ'লে গেল ! অমন ক'রে ওর প্রাণে আঘাত দিতে হয় !
নিতাই । তা' আমার গাল দিলে না কেন ? একের দোষে আরের
দণ্ড—এ কোন্‌দিশে বিচার !
অশ্বৈত । ওরা গ্রামভারি লোক, মাছি মেরে হাত কাল করে না ।
তোমার মত অবধূতকে ওরা গ্রাহ্যই করে না !
নিতাই । তাই তো বাবাঠাকুর, সত্যিই আমি অপরাধী ! আমার
কায়া পাচ্ছে ! আমি এই তোমার পারের ধুলো নিচ্ছি—
কানমলা খাচ্ছি—

—বিষ্ণুপ্রিয়া—

অষ্টৈত । . তা' আমার পায়ের ধুলো নিলে কি হবে ! রামরূপকে ডেকে
আনি—তার পায়ের ধুলো নে ।

নিতাই । তা' বুঝি আর পারিনে—খুব পারি । কিন্তু কেন নেব ?
বেশ ক'রেছি—ও আমায় রেড়োভূত ব'লে কেন ? নিমাই !
ভাই, বলনা সত্যি ওর কথা খাটবে ?

নিমাই । ব্রাহ্মণের বাক্য কখনো মিথ্যা হয় ?

নিতাই । ওঃ, ভারিতো বাগুন—কলির বামুন !

নিমাই । আমরা সবাই তো কলির ব্রাহ্মণ !

নিতাই । সংসারের সুখ তুমি পাবে না ?

নিমাই । আমি তো কোনদিন সংসারের সুখ চাইনি !

নিতাই । কিন্তু তোমার সংসারে তো সুখের অভাব নেই—
তোমার কৌশল্যার মত জননী, সীতার মত বধু
ঘরে !

নিমাই । সীতা আমার ঘরে কেন ? ঐ যে আমাদের সীতাপতি
শ্রীঅষ্টৈত আচার্য্য !

অষ্টৈত । আর উনি যত্নপতি—স্বয়ং । সঙ্গিনী শ্রীশ্রীবিষ্ণুপ্রিয়া !

নিমাই । যাক্ সে কথা ; কিন্তু ভাই, সত্যিই যার জননী কৌশল্যা আর
বধু সীতা—মনে ক'রে দেখ দেখি, তিনিই কি সংসারের সুখ
পেয়েছিলেন !

নিতাই । . তুমি আপনি কাঁদবে, তাঁদের কাঁদাবে ?

নিমাই । যদি পারি—শ্রীপাদ—যদি পারি, এর চেয়ে বড় কামনা
আমার নেই !

—দ্বিতীয় অঙ্ক—

[ঈর্নোরাজ কিছুক্ষণ পরিক্রমণ করিলেন। তারপর যেন কোন হৃদয়ের
বংশীধ্বনি শুনিয়া উত্থনা হইলেন। বৃহৎ বস্ত্র-নক্ষত্র—ঈর্নোরাজ ধ্যান-
মৌন। ভাবাবিষ্ট হইয়া সহসা অধৈত আচার্য্য উঠিলেন।

প্রাক্ণের একদিকে কুলের মালা ও তুলসীপত্র সজিত

ছিল—তাহা আনিয়া ধ্যানমৌন মৌরচন্দ্রের

চরণে কুম্ভাঘা দিলেন।]

- অধৈত । একি, একি ! এ কোন্ রূপে তুমি আমার চোখের সামনে
এসে দাঁড়ালে ! জ্যোতির্শ্ময় সুন্দর স্মৃঠাম দেহ, কোটীকন্দর্পের
লাবণ্য দিয়ে কে তোমায় অভিষেক ক'রেছে ! হে সুন্দর,
পরম সুন্দর ! তুমি কে ?
- নিমাই । তুমি দিবানিশি থাকে ডাক—থাকে দেখতে চাও !
- অধৈত । তুমি সে-ই ?
- নিমাই । হাঁ, আমি সে-ই ?
- অধৈত । তুমি সত্য এসেছ ?
- নিমাই । সত্য এসেছি ।
- অধৈত । কিন্তু আমি যে জ্ঞান বুদ্ধি ভর্কের দ্বারা তোমার এ রূপকে
আয়ত্ত ক'রতে পারছি না !
- নিমাই । আমি জ্ঞান—বুদ্ধি—ভর্কের অতীত !
- অধৈত । এখন তুমি কেন এলে !
- নিমাই । তোমারই ইচ্ছায়—তুমি যে আমার ডেকেছিলে !
- অধৈত । আমি তোমার ডেকেছিলাম, তাই এসেছি ! আমার প্রতি
তোমার এত করুণা—দয়াময় !
- নিমাই । তুমি আমার পরম প্রিয় ।

—বিক্ষুপ্রিয়া—

অধৈত । কিস্ত শাস্ত্রে তো এ সময় তোমার আসবার কথা ছিল না ।
নিমাই । শাস্ত্র আমার অধীন—আমি শাস্ত্রাধীন নই । আমি সর্ব-
শাস্ত্রের অতীত !

অধৈত । তুমি আমার প্রেমতরঙ্গে ভাসিয়ে দাও, আমার অহঙ্কার
ভেঙ্গে দাও—আমার সংশয় দূর কর । তোমার এই অনিন্দ্য-
সুন্দর অপার্থিব মূর্তি আমি চোখ দিয়ে দেখেছি, তোমার
গুণে হরিনাম পীযুষধারা পান ক'রেছি—তবু আবার কেন
তোমায় জীব বোধ হয় ! এ সংশয়ের হাত থেকে আমার
মুক্তি দাও প্রভু !

নিমাই । সংশয় মানুষের ধন—জ্ঞানীর ধন । তুমি জ্ঞানী !

অধৈত । আমি জ্ঞান চাইনা—জ্ঞানের গরিমা চাইনা—আমায়
ভাসিয়ে দাও প্রভু ! একি—একি !

(ঈর্গোরাক ভাষাবেশে অধৈতকে স্পর্শ করিলেন)

অধৈত । আমি বৈকুণ্ঠে, না মোলকে, না বৃন্দাবনে ! আমি
কোথায় ?

মধুরং মধুরং মধুরং বপুরস্ত বিভোঃ,

মধুরং মধুরং বদনং মধুরম্ ।

মধুগন্ধি মুহুশ্চিতমেতদহো

মধুরং মধুরং মধুরং মধুরম্ ॥

নিমাই । (প্রকৃতিস্থ হইয়া) আচার্য্য একি ! আমার পায়ের তলায়
প'ড়ে !

—দ্বিতীয় অঙ্ক—

- অশ্বৈত । আমি আমার ইষ্টদেবতার পূজা ক'রছি !
নিমাই । কি ক'রছেন আপনি ! হিঃ, এতো বড় অন্যায় ! আমার
অপরাধী ক'রবেন না আচার্য্য ! আপনার পায়ে পড়ি । দেখ
পণ্ডিত দেখ—আচার্য্যের আচরণ দেখ ! ও'র কি জ্ঞানবুদ্ধি
লোপ পেয়েছে সব ?
অশ্বৈত । আমার হুঃখ যে এখনো জ্ঞানবুদ্ধি আছে !
নিমাই । কেন, তোমার আবার হ'ল কি ?

(অশ্বৈত একদৃষ্টে গৌরান্দের দিকে চাহিয়া রহিলেন)

- নিমাই । এইরে, বুড়ো বুঝি' ফেপ'লো ! আহা-হা ! আমি যে
বড় রানীর আচনের গেরো থেকে খুলে এনেছি ।
অঞ্চলের নিধি ফিরিয়ে নিয়ে যেতে পারবো তো ভালয়
ভালয় !
অশ্বৈত । ওরে নিমাই, শোন ।

(নিমাই গান ধরিলেন)

- নিমাই । (তখন) অতি অপক্লপ তিমিরে রঙ্গ !
অশ্বৈত । শোনু না ?
নিমাই । তোমার কথা শুন্বো, না গান ধ'রুবো ? ধরো বাস্তু খুঁড়ো—

(নিমাই ও বাস্তুখোব গান ধরিলেন)

—বিষ্ণুপ্রিয়া—

গান ।

(তখন) অতি অপরূপ তিমিরে রঙ্গ,
রাই বাহিরিল করি রঙ্গ ভঙ্গ !

(রাই ধনী বেরুল রে
আমার গজগামিনী বেরুলরে
মদন মোহন মন মোহিনী)

বেরুল রে—

বারণ নাহি মানে !

রাই হেলিয়া ছুলিয়া চলিয়া যায়
নীল নিচোল উড়িছে গায়
গায়ের বসন তিতিছে ঘামে
কেমনে দাঁড়াবে শ্যামের বামে !

(যেতে যেতে ঢ'লে পড়ে)

হংসিনীগামিনী রাই

রাই সমান পদে সমান চলে

(অমনি) সমান পিঠে বেণী দোলে

রাই যাইতে যাইতে পুছে

কেলিকুঞ্জবন নিকুঞ্জ কানন

আর কতদূরে আছে ।

—দ্বিতীয় অঙ্ক—

[কীর্তনের মধ্যে দাসী আসিয়া শ্রীবাসকে পুনরায় ইন্দ্রিত করিল ।
উৎকর্ষিত শ্রীবাস বৃথ কিরাইতেই দেখিলেন ঘরের নিকট মালিনী ;
তাঁহার ছই চোখ দিয়া অশ্রু অশ্রুপাত হইতেছে । তাঁহাকে
দেখিয়াই শ্রীবাসের প্রাণ কাঁদিয়া উঠিল—
শ্রীবাস নিকটে গেলেন ।]

শ্রীবাস । মালিনী—তবে কি ?

মালিনী । তুমি একবার এসে শেষ দেখা দেখে যাও ।

(শ্রীবাস ও মালিনী বাড়ীর ভিতর গেলেন ও কিরিয়া আসিলেন)

শ্রীবাস । যা' হবার হ'য়েছে মালিনী ! স্বরং নারায়ণ আমার
আঙিনায় নৃত্য ক'রুছেন । তাঁর কণ্ঠের মধুর হরিনাম
শুনতে শুনতে—সে ইহলোক ত্যাগ ক'রেছে ! মুক্তি কৈবল্য
গোলক—তাঁর হস্তামলক !

মালিনী । কিন্তু আমার যে মায়ের প্রাণ—আমি যে আর চূপ ক'রে
থাকতে পারছিনে !

শ্রীবাস । আমারও কি উচ্চৈঃস্বরে কাঁদতে ইচ্ছা ক'রুছে না মালিনী !
কিন্তু এখন কেঁদে প্রভুর সমাধির মহা আনন্দ ভেঙ্গে দিয়ো
না ! যদি থাকতে না পার “বৃষ্—বৃষ্” বলে কাঁদ
—তোমার আত্মিক শোক ব্রহ্মধামের আধ্যাত্মিক শোকে
পরিণত কর মালিনী ! তোমার মাকে বাসন কর
মালিনী ! বাগকবালিকা, আত্মীয়স্বজন—যে যেখানে

—বিষ্ণুপ্রিয়া—

আছে, কিছুক্ষণের জন্য শোক দমন করুক। আমি নিজের প্রভুর সঙ্গে মহাসংকীর্ণনে যোগ দিয়ে এ শোক ভুলবো।

(শ্রীবাস উদ্ভবৎ কীর্ণনের প্রার্থনার যোগ দিলেন। বধাসময়ে গান শেষ হইল।)

- নিমাই। পণ্ডিত, তোমার মুখে এ কিসের চিহ্ন ? আনন্দ না বিষাদ !
- শ্রীবাস। তুমি যখন আমার সামনে—আমার আঙিনায়, তখন বিষাদ কেমন ক'রে স্থান পাবে এখানে ! আমার সব ব্যথা যে তোমার পায়ে আশ্বনিবেদন ক'রে ধল হ'য়েছে প্রভু ! আর তো তাদের মালিঙ্গ নেই !
- নিমাই। আমি বুঝতে পারছি। কিন্তু পণ্ডিত, তুমি আমার পূজনীয়—পিতৃভূত্য পিতৃব্য ; অমন কথা তুমি মুখে এনো না !
- শ্রীবাস। তোমার যখন সেই ইচ্ছা, তাই হবে। তুমি আবার কীর্ণন কর—আনন্দের হাট ব'সে যাক শ্রীবাসের এই ক্ষুদ্র আঙিনায় !
- নিমাই। ঐপাদ !
- নিমাই। কি ব'লুছ ?
- নিমাই। আমার প্রাণ কেঁদে উঠছে, আমি যেন কার কান্নার ধ্বনি অকৃতব ক'রছি—আমার প্রাণের জ্বাভে ! আজ আমার মা-খশোদার—মা-দেবকীর হৃৎ মনে প'ড়ছে ! বুঝি আমার কোন্ আপন জন ননীচোরা গোপাল হারিয়েছে ! কে গো, তুমি কে গো ?

— দ্বিতীয় অঙ্ক —

(মালিনী ছুটিয়া আসিয়া গৌরাক্ষৰে দুৰ্জহিতা হইলেন)

মালিনী । বাবা, বাবা !

(গৌরাক্ষৰ তাঁর হাত ধরিয়া তুলিলেন)

নিমাই । একি ! মা জননি, তুমি — তুমি এমন ভাবে ! কি হ'য়েছে মা ?

(অশ্রুসন্ন চোখে নারায়ণী প্রবেশ করিয়া ঈগৌরাক্ষরের হাত ধরিলেন)

নারায়ণী । তুমি এস !

নিমাই । কি হ'য়েছে নারায়ণী ?

নারায়ণী । ভাই আর কথা কইছে না !

নিমাই । তোমার ভাই ?

নারায়ণী । হাঁ, একটু আগে তোমার গান শুন্ছিল — তারপর আর চোখ চেয়ে দেখেছেও না — মুখে কথাও ব'লছে না !

নিমাই । সে কি, তোমার ভাইয়ের কি অসুখ ছিল ?

নারায়ণী । হাঁ, বড় কঠিন অসুখ । তুমি দেখবে এস !

(নারায়ণী নিমাইয়ের হাত ধরিয়া টানিয়া লইয়া গেল)

অধৈত । শ্রীবাস, কি শুনিছি এসব ?

শ্রীবাস । যা' শুন্ছেন সবই সত্য ।

অধৈত । তোমার একমাত্র পুত্র মৃত ?

শ্রীবাস । হাঁ আচার্য্য !

—বিষ্ণুপ্রিয়া—

অধৈত । আর তুমি ধীর, স্থির, সংযত ?
শ্রীবাস । কই প্রভু, আমি তো সংযত হ'তে পারিনি । ব্রাহ্মণীকে
বুঝিয়েছিলাম, কে কার পুত্র-কন্যা ? নিজে বুঝতে পারিনি,
আপনি হয় তো লক্ষ্য করেন নি -- কিন্তু আজকের সংকীর্ণনে
—হরি, হরি, ব'লে আমি যত অশ্রু বিসর্জন ক'রেছি, আর
কোনদিন কোন কারণে তত অশ্রু আমার চোখ দিয়ে
ঝরেনি ।

(গৌরাজ নিত্যানন্দ, মালিনী ও নারাঙ্গণীর পুনঃ প্রবেশ)

নিমাই । পণ্ডিত, তুমি আমার কাছে পুত্রশোক গোপন ক'রেছিলে ?
তোমার মত বন্ধু আমি কোথায় পাব ? এমন বন্ধুকে কেমন
ক'রে ছেড়ে যাব ?

(সকলে গৌরাজের প্রতি চাহিলেন)

মালিনী । বাবা, আমার কি হবে ? আমি শূন্য ঘরে কেমন ক'রে
থাকবো ! আর যে আমার মা ব'লে ডাকবার কেউ রইলো
না !

নিমাই । মা, ওঠ ! তোমার স্বামী আজ ভক্তিডোরে শ্রীনন্দনন্দনকে
বেঁধেছেন । বৈষ্ণবের নিজের কোন স্বত্ত্ব ছুঃখ নেই ।
আমি তোমার চিরদিন মা ব'লে ডাকবো ! আজ তুমি
কঁাদ, আমি তোমার কঁাদতে বারণ করি নে ! মানুষের
কোন ছুঃখইতো নিফল নয় মা !

—বিষ্ণুপ্রিয়া—

নারায়ণী (আশ্বহারা) ।

শিশুকাল হ'তে আন নাহি চিতে

ও পদ করেছি সার

ধনজন মন জীবন মরণ

তুমি যে গলার হার ।

সকলে ।

অনেক সাধের পরাগ বঁধুয়া

নয়নে লুকায়ে ধো'ব ।

নারায়ণী (আশ্বহারা) ।

পিরীতি রসেতে ঢালি তনুমন

দিয়াছি তোমার পায়

তুমি মোর পতি, তুমি মোর গতি

মন আন নাহি চায় ।

তৃতীয় অঙ্ক ।

[শচীদেবীর বাড়ীর প্রাঙ্গণ । প্রাতঃকাল । বিষ্ণুপ্রিয়া ও নিমাই
ঘরের বাহিরে আসিয়া কথাবার্তা করিতেছেন ।]

নিমাই । মহাভাবের কথা শুনলে । এইবার তোমায় ব'লবো কিশোরী-
তষের কথা !

বিষ্ণুপ্রিয়া । কিশোরী-তষ ?

নিমাই । হাঁ, কিশোরী-তষই তো বিস্কন্ধ প্রেমতষ—‘কামগন্ধ নাহি
তায়’ !

বিষ্ণুপ্রিয়া । কথা শুনতে শুনতে কখন ভোর হ'য়েছে জানতেও
পারিনি ।

নিমাই । এইবার তুমি ঘরের কাজকর্ম করগে—আমি আসি !

বিষ্ণুপ্রিয়া । তুমি কোথায় যাবে ?

নিমাই । তোমায় তো ব'লেছি, তিনি আজ কাঞ্চননগরে যাবেন ।
তাঁর সঙ্গে দেখা ক'রে আসবো ।

বিষ্ণুপ্রিয়া । বেশী দেরী হবে না তো ?

নিমাই । না, দেরী কেন হবে !

বিষ্ণুপ্রিয়া । তবু, কতক্ষণ পরে আসবে ?

নিমাই । এত আকুল প্রশ্ন কেন লক্ষী !

—বিষ্ণুপ্রিয়া—

বিষ্ণুপ্রিয়া । একদণ্ড তোমায় চোখের আড়ালে রাখতে ভয় হয় ।
নিমাই । ক্ষুদ্র ভয়, ক্ষুদ্র আশঙ্কা তোমায় ছাড়তে হবে লক্ষ্মী !
এখন আমি আসি ।

[নিমাই চলিয়া গেলেন । বিষ্ণুপ্রিয়া একদৃষ্টে নেউদিকে কিরণকণ চাহিয়া
বহিলেন, পরে ঘরের কাজে মন দিলেন । বাহির হইতে
শ্রীবাস ও নিত্যানন্দ আনিলেন ।]

নিমাই । রসো খুড়ো, আমি খবরটা নিয়ে আসি । ঐ যে বোমা, কাজ-
কর্ম ক'রছেন ।

(নিমাই বাড়ীর ভিতর ঘুরিয়া আনিলেন)

কোথায় বেরিয়েছে, এখন বাড়ী নেই । আমরা ব'ন্দো
না বোমা, তুমি কাজকর্ম করগে ! কি ব'ল্ছিলে
খুড়ো ?

শ্রীবাস । সেদিন প্রভু আমার গুণকথা কেন ব'ল্লেন—“এমন
বন্ধুকে ছেড়ে আমি কেমন ক'রে থাকবো ?” তবে কি
আমাদের ছেড়ে যাওয়ার সম্বল গুর মনে উদয় হ'য়েছে ?

নিমাই । কথাটা তুমি লক্ষ্য ক'রেছ খুড়ো ? তার উপর, ঐ রামরূপটা
কি না পৈতে ছি'ড়ে শাপ দিলে !

শ্রীবাস । এদিকে নব্বীপের সামাজিকেরা সবাই বেন উঠে প'ড়ে লেগে
গেছে !

নিমাই । কেন, কীর্তনবন্ধের অন্য ?

— তৃতীয় অঙ্ক —

- শ্রীবাস । ইঁা, সেইদিন থেকে দিন দিন আমার আশঙ্কার অন্ত নেই
শ্রীপাদ !
- নিতাই । চল, বাবাঠাকুরের কাছে মাই— তাঁকে তো পণ্ডিতরা সবাই
খাতির করে ।
- শ্রীবাস । আগে খাতির ক'র্ত্ত—আমাদের দলে যোগ দেওয়ার পর
থেকে বিক্রম আরম্ভ ক'রেছে !
- নিতাই । মা, স্ত্রী আর আমাদের সবাইকে নিয়ে এমন সংসার
পাতিয়েছে শ্রীবাস খুড়ো ! যে, আজ আমার মনে হ'চ্ছে,
সন্ন্যাস ছেড়ে দিয়ে তোমাদের সঙ্গে এখানে সংসারী
হই ।
- শ্রীবাস । আচ্ছা, চল একবার গঙ্গাদাস পণ্ডিতের সঙ্গে পরামর্শ ক'রে
দেখি ।

[উভয়ের প্রস্থান ।

(কুল ও চন্দন লইয়া সন্ন্যাসী নারায়ণী প্রবেশ করিলেন)

নারায়ণী । কই গো, কোথায় গেলে ?

(বিস্ময়বশত বকের ভিতর ছিলেন, বাহিরে আসিলেন)

বিস্ময় । কে রে, নারায়ণী আমায় ডাক্‌ছিস্ ?

নারায়ণী । এস, এইখানে ব'স । তোমার নাওয়া হ'য়েছে তো ?
নাও ব'স ।

(হাত ধরিয়া বসাইলেন)

—বিষ্ণুপ্রিয়া—

- বিষ্ণুপ্রিয়া । কি ক'রবি তুই ?
- নারায়ণী । (কানে কানে) তোমার পা পূজো ক'রবো—ফুল চন্দন সব এনেছি ।
- বিষ্ণুপ্রিয়া । কেন, তোর হ'ল কি ?
- নারায়ণী । সে অনেক কথা !
- বিষ্ণুপ্রিয়া । হাঁরে, তোদের বাড়ী সমস্ত রাত ধ'রে কি হয় রে ?
- নারায়ণী । তোমার বরের বুঝি বাড়ী আস্তে রোজ রাত পুইয়ে যায় ।
- বিষ্ণুপ্রিয়া । যায়ই তো ।
- নারায়ণী । তাই বুঝি' তোমার রাগ হ'য়েছে !
- বিষ্ণুপ্রিয়া । হবে না ?
- নারায়ণী । রাগ কেন হয় ?
- বিষ্ণুপ্রিয়া । আগে তোর বব হোক—সে বাড়ী আস্তে দেরী ক'রলে তখন তোরও রাগ হবে !
- নারায়ণী । আমার আবার বর হবে কি গো, আমার যে বর আছে ।
- বিষ্ণুপ্রিয়া । দূর পোড়ারমুখি, তুই স্বয়ংবরা হ'য়েছিস্ নাকি ?
- নারায়ণী । হাঁ, হ'য়েছি ।
- বিষ্ণুপ্রিয়া । কে তোর বর ?
- নারায়ণী । ব'লবো না ।
- বিষ্ণুপ্রিয়া । ইসারার ইঙ্গিতে বল ।
- নারায়ণী । না, তাও ব'লবো না ।
- বিষ্ণুপ্রিয়া । কেন, ব'ল'বিনে কেন ?

—তৃতীয় অঙ্ক—

- নারায়ণী । না ।
- বিষ্ণুপ্রিয়া । আমি কিন্তু বুঝতে পেরেছি !
- নারায়ণী । পেরেছ ? তুমি মানুষের মনের কথা বুঝতে পার না কি ?
- বিষ্ণুপ্রিয়া । তোর মনের কথা বুঝেছি ।
- নারায়ণী । তা' হলে আজ থেকে তুমি আমার “মনের কথা” । তোমার সঙ্গে “মনের কথা” পাতালেম্ !
- বিষ্ণুপ্রিয়া । আচ্ছা ভাই “মনের কথা” ! তোর বর দেখা হলে তাকে কি বলে ?
- নারায়ণী । কিছু বলে না, শুধু হাসে ।
- বিষ্ণুপ্রিয়া । তুই বেশ আছিস নারায়ণি !
- নারায়ণী । তুমি কেমন ক'রে জানলে—আমি বেশ আছি !
- বিষ্ণুপ্রিয়া । ভাবে ভঙ্গিতে বুঝতে পাচ্ছি, তুই আমার চেয়ে সুখী । তোর হারাবার ভয় নেই !
- নারায়ণী । তোমার মত বেঁধে রাখবার ছরাকাজ্জাও তো নেই আমার । আমি শুধু দেখতে পেলেই খুসী ।
- বিষ্ণুপ্রিয়া । সেই জন্মই বুঝি এসেছি ?
- নারায়ণী । না—তোমায় দেখতে এসেছি, তোমার পা-পূজো ক'রতে এসেছি । তা'হলে ব'স গো এরোরাণী, ভাগ্যধরী, স্বামী-সোহাগী ! আসনে ব'স ।
- বিষ্ণুপ্রিয়া । আমার পা-পূজো ক'রবি কেন ?
- নারায়ণী । তুমি যে আমার প্রিয়ের প্রিয়, তাইতো তোমায় ভালবাসি !

—বিষ্ণুপ্রিয়া—

গান ।

আমি তোমায় ভালবাসি !
ওগো আমার প্রিয়ের প্রিয়,
চন্দ্র বদন তব কৌমুদী রুচি হাসি ।
সুন্দর তুমি সখী সুন্দরী শিরোমণি
তব যৌবন শোভা জিনি সৌদামিনী
(ওগো) চঞ্চলগতি চরণা রাগারুণ বরণা !

অঙ্গ, সঙ্গ তব রঙ্গ অপাঙ্গ ।

ক্রভঙ্গ সখি, শত অনঙ্গনাশী ।

নারায়ণী । আমি চ'ল্লাম ভাই, তোমার খাতুড়ী আর মাসখাতুড়ী
আসছেন ।

বিষ্ণুপ্রিয়া । তুই রোজ একবার ক'রে আসবি আমার কাছে ?

নারায়ণী । হ'ঁ, আসবো—তোমার মনের কথা ওন্বো, আমার মনের
কথা তোমায় বলবো ।

(শচী ও সৰ্বজয়ার প্রবেশ)

শচী । বউমা, অর্ধেক এখানে খেতে চেয়েছেন । তুমি কিছু র'খবে,
আমি কিছু র'খবো, তোমার মাসীও কিছু র'খবে । -তুমি
একটু রান্নাঘরের দিকে যাও যা !

—তৃতীয় অঙ্ক—

বিষ্ণুপ্রিয়া । আচার্য্য আমার হাতে থাকেন তো মা ?

শচী । তোমারই হাতে থাকবার জন্ত তাঁর আগ্রহ বেশী !

(বিষ্ণুপ্রিয়া চলিয়া গেলেন)

শচী । নারানি, তোর জেঠাই-মা কেমন আছে রে ?

নারায়ণী । তোমার ছেলে গিয়ে মা বলে ডাকে, তাই আজকাল আর কাঁদে না ।

শচী । তাকে বলিস্, তোমার সহি ডেকেছে ।

নারায়ণী । জেঠাই-মা বুঝি তোমার সহি ? বারে ! তোমার বৌএর সঙ্গে আমি যে “মনের কথা” পাতিয়েছি ।

[নারায়ণীর অস্থান ।

শচী । তাই নাকি ? তা' বেশ হ'য়েছে !...মেয়েটা যেন কেমন নেলাফেপা !

সর্বজয়া । সেই ছেলেটা ম'রে যাওয়ার পর থেকে কি রকম যেন পাগল পাগল ভাব ! ছেলেটা-অস্ত্র প্রাণ ছিল !

শচী । সেদিন ওর মা কত কাঁদলে ! বলে, দিদি ! বরাতে যে কি আছে ! ঐ পাগল মেয়ে, ওকে কে বিয়ে ক'রবে ?

সর্বজয়া । তাতো বটেই, মার প্রাণে কি শাস্তি আছে !...কি কথা ব'লবে ব'লুছিলে দিদি ?

শচী । বলি বোন, বলি । সেইজন্তই তো বৌমাকে পাঠিয়েছিলাম । ক'দিন বেশ ছিল ! সংকীর্ণনে মেতে ছিল, তারপর

—বিষ্ণুপ্রিয়া—

- জগাই মাধাইএর ব্যাপার নিয়ে খুব উত্তেজনায় ছিল—আবার
যেন একটু অণ্ড রকম ভাব দেখছি !
- সর্বজয়া । অণ্ড রকম ভাব আবার কি দেখলে ?
- শচী । সেদিন এক সন্ন্যাসী এসেছিল, তাকে কত বন্দ ক'রে
খাওয়ালে দাওয়ালে .
- সর্বজয়া । তাতে আর দোষ কি ?
- শচী । শুধু সে জন্ম নয়, তারপর অনেকক্ষণ ধ'রে গোপনে কি কথা
ব'লে । আমার অবস্থা জানিস্ তো জয়া, পোড়া গরু
সিঁদুরে মেঘ দেখে ডরাই ! আমি শুধু ভাবছি, সন্ন্যাসীর সঙ্গে
অত কি কথা !
- সর্বজয়া । তুমি দিদি, বড্ড বেশী ভাব ।
- শচী । জয়া, তুই তো আজ আমায় নতুন দেখ'ছিসনে । তুষের
আঙনে তিল তিল ক'রে পুড়ে, তবেই না আজ মনের এই
অবস্থা হ'য়েছে !
- সর্বজয়া । সংসারে থাকতে গেলে পোড় তো সবাইকেই খেতে হয় দিদি !
- শচী । আচ্ছা, চন্দ্রশেখর কি বলে ?
- সর্বজয়া । কি জানি দিদি, ওদের কারো কথা আমি বুঝতে পারিনে !
ও যেমন শ্রীবাস পণ্ডিত, তেমনি নিতাই—তেমনি অষ্টৈত
বুড়ো আর তেমনি তোমার ভগ্নীপতি !
- শচী । সবাই মিলে আমার মাথাটা খেলে ! আমার বিশ্বরূপ
আর তোমার লোকনাথ—অষ্টৈতই তো এদের ঘরবাসী
হ'তে দিল না !

—তৃতীয় অঙ্ক—

- সর্বজয়া । তোমার ভগ্নীপতিও ঐ দলে । কি জানি দিদি, বুঝিনে কিছু !
আর কিছু অণু ভাব এর মধ্যে দেখেছ ?
- শচী । ক'দিন মাঝে মাঝে অণুমনস্ক অবস্থায় “অক্রুর, এসেছ
তুমি ?” এই কথাটা ব'লতো ; তারই কয়েকদিন পরে ঐ
সন্নিসীটে এল । তারপর থেকে আর ওসব কথা বলে না ।
- সর্বজয়া । সন্নিসীর নাম কি জান ?
- শচী । শুনেছি, কেশব ভারতী ।
- সর্বজয়া । কেশব ভারতী !
- শচী । নাম শুনেছ ?
- সর্বজয়া । হাঁ, তোমার ভগ্নীপতি জানেন । কাঞ্চননগরে থাকেন
শুনেছি ।
- শচী । আচ্ছা, যদি নারায়ণের অবতারই হবে, তবে আর সংসারে
থাকতে দোষ কি ? ভজন-সাধন—এসব তো আর নারায়ণের
দরকার হয় না ?
- সর্বজয়া । মাঝে মাঝে যে সব কথা বলে, তাতে তো আর মানুষ ব'লে
মনে হয় না ! নৈলে, অমন অমন সব পণ্ডিত—তারাই বা
এমন ছেলেমানুষি ক'রবে কেন ?
- শচী । আমি তো ভগবান চাইনি জয়া, আমি চাই ছেলে !
সাধারণ সংসারী মানুষ—মাকে দেখবে, স্ত্রীকে দেখবে,
সংসার-ধর্ম ক'রবে !
- সর্বজয়া । চেয়েছ কি না চেয়েছ, তাই বা কেমন ক'রে জানবে ?
ভগবান যদি এসেই থাকেন—তিনি কি অমনিই এসেছেন

—বিষ্ণুপ্রিয়া—

তুমি মনে কর দিদি ! নিশ্চয়ই পূর্বজন্মে ঐ কামনা
ক'রেছিলে !

শচী । ছেলে যদি আমার ভগবানই হয়, তা' হ'লে ভগবানের
মা হবার মত শক্তি তো আমার থাকা চাই ? কিন্তু আমি
যে সাধারণ মেয়েমানুষের মতই দুর্বল !

(নিমাইয়ের প্রবেশ)

নিমাই । মা, তুমি ভেবোনা—আমি তোমার অনুমতি না নিয়ে
যাব না ।

শচী । নিমাই !

নিমাই । হঁ। মা, আমি সত্যি কথা ব'লছি—তুমি যখন অনুমতি দেবে
তখন আমি যাব, তার আগে যাব না ।

শচী । হঁ। নিমাই, তুই কি ব'লছিস্ ? তোর কথা শুনে যে আমার
বুক কেঁপে ওঠে ! জয়া শুনলে ?

নিমাই । মাসীমা ! তোমায় আজ র'াধ্তে হবে, জান তো ? শোন,
আমি তোমাদের রান্না ভাগ ক'রে দিই । মা তুমি মোচার
ঘণ্ট আর শাক, মাসীমা তুমি নারিকেল-কুমড়ী—

সর্বজয়া । আর বোমা ? ঐ দেখ, বেটা শুনবার জন্য লুকিয়ে এসে
দাঁড়িয়েছে !

নিমাই । ঔকে তো আর ছোটখাট অন্ন র'াধ্তে দেওয়া যায় না,
উনি হ'লেন বিষ্ণুপ্রিয়া ! সুতরাং উনি পরম অন্ন র'াধুন ।
কি বল মাসীমা, মা-মাসীর চেয়ে বোয়ের সম্মান

—তৃতীয় অঙ্ক—

একটু বেশী করাই দরকার ? মা, তুমি কথা ক'ছ
না যে ?

শচী । তুমি যে কি ব'ললে বাবা—আমি তাই ভাবছি !

নিমাই । কি ব'ললাম আমি ?

শচী । আমার অনুমতি না নিয়ে—

নিমাই । ঠিকই তো, তোমার অনুমতি না নিয়ে কোথাও যাব না ।

শচী । তবে কি তোমার কোথাও যাওয়ার ইচ্ছে আছে ?

নিমাই । যদি কখনো কোথাও যাই !

শচী । কোথায় তুমি যাবে ?

নিমাই । তা' কি ক'রে ব'লবো !

সর্বজয়া । আহা দিদি, তুমিও তো কম পাগল নও ! পুরুষমানুষ বাড়ীর
বার হবে না ? তা' ব'লছে তো, যখন যেখানে যাবে তোমার
ব'লে যাবে ।

নিমাই । যাও মা, তুমি নেয়ে এস । মাসীমা, মাকে দেখো ।

সর্বজয়া । চল দিদি, গঙ্গায় ডুবটা দিয়ে আসি ।

[শচী ও সর্বজয়ার প্রস্থান ।

নিমাই । লক্ষ্মী !

(বিহুপ্রিয়ায় প্রবেশ)

বিহুপ্রিয়া । আমায় ডাকলে ?

নিমাই । হাঁ, এস—আমার কাছে এস ।

-বিষ্ণুপ্রিয়া—

বিষ্ণুপ্রিয়া । আমায় কিছু ব'লবে ?

নিমাই । প্রাণে বড় আঘাত পেয়েছি লক্ষ্মী !

বিষ্ণুপ্রিয়া । কি আঘাত ?

নিমাই । নবদ্বীপের পণ্ডিতেরা আমায় ভণ্ড বলে ! বলে, আমি অশাস্ত্রীয় - অসামাজিক আচরণ ক'রছি !

বিষ্ণুপ্রিয়া । তোমার কোন্ আচরণ তাঁদের কাছে অসামাজিক ?

নিমাই । তা' জানি নে ; তবে শুনে এলাম, রাজার কাছে নালিশ ক'রবার মন্ত্রণা চ'লছে আমার বিরুদ্ধে—আমার সম্প্রদায়ের বিরুদ্ধে ।

বিষ্ণুপ্রিয়া । কেমন ক'রে বাইরের অসংখ্য লোক এসে তোমায় আমার কাছ থেকে দূরে নিয়ে যাচ্ছে—আমি বুঝতেও পারিনে !

নিমাই । কিন্তু আমার অন্তর যে তোমারই কাছে পড়ে আছে ! তাই তো বাইরের আঘাত খেয়ে ছুটে এসেছি লক্ষ্মী, তোমারই প্রাণের দ্বারে !

বিষ্ণুপ্রিয়া । তুমি যদি আমার কাছে ব'সে হরিকথা কইতে !

নিমাই । তাও তো পারছি নে লক্ষ্মী ! সব ছেড়ে দিয়ে যদি তোমায় ধ'রতে পার্তেম ! আমার বুঝি একুল ওকুল হ'কুল যায় !

বিষ্ণুপ্রিয়া । আমি কি ক'রবো—আমি কত ছোট ! এই ছোট সংসারের ভিতর—ছোটখাট গৃহকণ্ঠের মাঝে যদি কোন দিন তোমায় একা পেতাম !

—তৃতীয় অঙ্ক—

(নিত্যানন্দ ও অশ্বত্থের প্রবেশ)

নিতাই । বাবাঠাকুর ! শীগ গির এস, এগিয়ে এস—যুগলমূর্ত্তি দেখ্বে
এস !

অশ্বত্থ । কই—কই ?

বিষ্ণুপ্রিয়া । ওমা, কি লজ্জা ! (ঘোমটা দিলেন)

নিতাই । বোমা, যেওনা—শোন, কথা আছে ।

অশ্বত্থ । কৈ নিতাই, আমার ভাগ্যে তো যুগলরূপ দেখা হ'ল না !

নিতাই । তুমি বাবাঠাকুর, আজন্ম চিরকাল জ্ঞানচর্চা ক'রে এলে—
আর আজ দেখ্বে ব'লেই অমনি যুগল দেখ্বে ? কিছুদিন
আমাদের সংসঙ্গে রসচর্চা কর, তবে তো হবে । বোমা,
এই বুড়োটীকে তোমার হাতে সমর্পণ ক'র'ম - তুমি এ'কে
দেখো । উনি গৌরান্দ-অবতারের গুহ্য রসতত্ত্ব জানতে চান ।
তুমি না জানালে সে তো কেউ জানতে পারে না ! মৌন
রইলে মা লক্ষ্মী ! বেশ, বেশ—তা' হ'লেই হ'ল ! মৌনং
সম্মতিলক্ষণম্ ।

নিমাই । একি আচার্য্য, আপনি এসেছেন ! আস্থন আস্থন—আমার
পরম সৌভাগ্য ! লক্ষ্মী, এস আমরা আচার্য্যের পারের
ধুলো নিই । (উভয়ের তথাকরণ)

নিমাই । এবার যাও—আসন, পাশ্চ, অর্ধা নিয়ে এস ।

অশ্বত্থ । আজ আমি তোমার সঙ্গে ঝগড়া ক'রব ।

নিমাই । আমার সঙ্গে ?

-বিষ্ণুপ্রিয়া-

অশ্বৈত । হাঁ, তোমার সঙ্গে । নিতাই, শ্রীবাস, মুরারি, গদাধর - এদের কথা ছেড়ে দাও, আমি জানি এদের তুমি চিরদিন ভালবাস । কিন্তু, আমি কি জগাই-মাধাইএর চেয়েও বেশী পাপী !

নিমাই । আচার্য্য, আপনি আমায় অন্ডায় দোষ দিচ্ছেন ! আমি ধর্ম্ম জানি নে, তত্ত্ব জানি নে, শাস্ত্র জানি নে, পাপপুণ্য জানি নে—আমি শ্রীহরির সেবক ! আমি শুধু হরিনাম গান করি !

নিতাই । আর তুমি বল, নাচনগাওন আবার ধর্ম্মটা কিসের ?

অশ্বৈত । আমি কি আপনি বলি নাকি ? কে ওকথা আমার মুখ দিয়ে বার ক'রেছিল !

নিতাই । তোমার মত গুমুরে আর পৃথিবীতে আছে ! গৌরাজই তো বারবার তোমার কাছে গেছেন, তুমি একবার এসেছিলে গৌরচন্দ্রের কাছে ? হুক কথা বল বাবাঠাকুর, শুধু শুধু রাগ ক'রলেই তো হয় না ! এই আজ এসেছ—এরই মধ্যে মনটা কত নরম হ'য়েছে দেখ'ছো ? তারপর মায়ের হাতের অন্ন খাও, বৌমার হাতের পরমায় খাও—একেবারে চিন্তাশুদ্ধি ! রাগ ক'রো না বাবা, তোমার মনের পাঁচটা একবার ভেবে দেখ দেখি ! তুমি কিনা বারেন্দ্র ব্রাহ্মণ হ'য়ে বৈদিকের বাড়ী খাব, এই অভিমানে মহাপ্রসাদ পেতে এলে না ! বলি, আমিও তো সদব্রাহ্মণ—আমি কেন তোমাদের পাঁচদোরে খেয়ে বেড়াই ? তোমার ঐ পাঁচোরা বারেন্দ্র-বুড়িটা একটু সরল ক'রতে হবে বাবা !

—তৃতীয় অঙ্ক—

নিমাই । আহা-হা, কি ব'ল্ছো আচার্য্যকে !

নিতাই । আমি সত্যি কথা ব'লেছি কিনা উনি মনে মনে বুঝে দেখুন ।
এম ভাই, আমরা একটু রান্নাঘরে মায়ের কাছে যাই ।
আচার্য্য একটু বোমার সঙ্গে কথা কইবেন । বোমা, এই
নাবালক বৃদ্ধটিকে তোমার হাতে সমর্পণ ক'রুনাম—তুমি
এঁকে একটু জ্ঞান দাও । (অষ্টমের প্রতি) একবার ভাল
ক'বে মা ব'লে ডাক দেখি ? রাতদিন কেবল ছোটরাণী
বড়রাণী । কতদিন মা-নাম মুখ দিয়ে বেরোয়নি, বোধকরি
মা বলা ভুলেই গেছ !

[উত্তরের প্রস্থান ।

অষ্টম । নিতাই কড়াকথা বলে বটে, কিন্তু বড় হুক কথা বলে !
দেখেছো বোমা, ওর কথায় রাগ হয় না !

বিষ্ণুপ্রিয়া । না—তা' হয় না ।

অষ্টম । আঁতে ঘা' দিয়ে গালাগালি দেয় বটে, কিন্তু বেশ মিষ্টি
ভাষায় !

বিষ্ণুপ্রিয়া । তা'হলে বনুন, ওঁর গাল আপনার বেশ ভাল লাগে !

অষ্টম । আর শুধুই কি গাল ? মাঝে মাঝে বেশ হুঁএক ঘা চড়-
চাপড়ও চলে ! তোমার কর্তাটাও কম মন ।

বিষ্ণুপ্রিয়া । বলেন কি ! আপনাকে ? আপনি জ্ঞানবুদ্ধ দেশপূজ্য
আচার্য্য !

—বিষ্ণুপ্রিয়া—

অধৈত । তবু তো আমার কিছু হ'ল না মা ! জগাই-মাধাই পর্য্যন্ত গৌর-নিত্যানন্দের প্রেমপরশ পেল—আর আমি যে আচার্য্য সেই আচার্য্য !

বিষ্ণুপ্রিয়া । আচার্য্য, আপনার এদশা কেন ?

অধৈত । আমি সবার চেয়ে বয়সে বড়, আর খানকতক পুঁথি প'ড়েছি ব'লে ! আমি তরুর মত সহিষ্ণু হ'তে পেরেছি, কিন্তু কৈ—এখনো তো তৃণের মত নীচ হ'তে পারি নি মা ! তাই তো নিতাই হাল ছেড়ে দিয়ে তোমার হাতে আমায় সঁপে দিয়েছে ।

বিষ্ণুপ্রিয়া । আচ্ছা, আপনারা কি সবাই পাগল হ'য়েছেন ? কি ব'লছেন এ সব ?

অধৈত । আমি আর কৈ পাগল হ'লাম মা ! পাগল হ'তে পারলে তো বেঁচে যেতাম !

বিষ্ণুপ্রিয়া । আমার খাতুড়ী কিন্তু আপনার নামেই সব চেয়ে দোষ দেন ।

অধৈত । কেন—কেন, আমি কি ক'রেছি ?

বিষ্ণুপ্রিয়া । আপনি নিজেকে পাগল হননি' বটে, কিন্তু পাগল ক'রেছেন আপনি !

অধৈত । সে কি মা, আমি নিরীহ বৃদ্ধ ব্রাহ্মণ !

বিষ্ণুপ্রিয়া । আমার খাতুড়ী বলেন, আপনি আমার ভাসুরকে গৃহত্যাগী ক'রেছেন—আবার আমার স্বামীকে ঘরছাড়া ক'রবার চেষ্টায় আছেন !

অধৈত । তোমার ভাসুর বিশ্বরূপ ? তাকে গৃহত্যাগী সন্ন্যাসী ক'রেছি

— তৃতীয় অঙ্ক —

আমি ? সে চ'লে যাওয়ায় আমি অন্নজল ছেড়েছিলাম—
তা' জান ?

বিষ্ণুপ্রিয়া । আমি তো নিজে কিছু জানি নে—তা'র যা' ধারণা, তাই
আমি আপনাকে শোনাচ্ছি ; তবে আমার স্বামীর মাথা
যে আপনি খারাপ ক'রছেন, তাতে আগার একবিন্দুও
সংশয় নেই !

অধৈত । সে কি গো !

বিষ্ণুপ্রিয়া । ওপাড়ার শ্রীবাস পণ্ডিত আর আপনি, এই দুই বৃদ্ধ
ব্রাহ্মণ ।

অধৈত । কেমন ক'রে বল ? শুধু তো দোষ দিলেই হয় না—প্রমাণ
চাই !

বিষ্ণুপ্রিয়া । শ্রীবাস পণ্ডিত ঝুঁকে বিষ্ণুখাটে বসিয়ে বাতাস ক'রতে
লাগলেন, বাড়ীর সবাইকে ডেকে ব'ল্লেন—এই আমার
ইষ্টদেব । তারপর পূজো, আরতি—কিছুই বাকী রইলো
না !

অধৈত । আর আমি ? আমি তো ওসব কিছুই করিনি !

বিষ্ণুপ্রিয়া । করেন নি ? আমার অজানা কিছুই নেই জানবেন ।
আপনি ত কম নন ! দেখা হ'তেই আপনি “তৎ স্বমসি”
ব'লে হুঙ্কার ক'রে উঠলেন । তারপর আর একদিন চন্দন
তুলসী গঙ্গাজল মিশে নারায়ণ পূজোর মন্ত্র প'ড়ে পা-পূজো
ক'রলেন । এর পরেও যদি সংসারসুখে তা'র মন না যায়,
তার জন্ত কে দায়ী আচার্য্য ?

—বিষ্ণুপ্রিয়া—

অধৈত । বারে—এতো বেশ উল্টো চাপ !

বিষ্ণুপ্রিয়া । আমি আপনাকে স্পষ্ট কথা বলে দিচ্ছি, যা' করেছেন—
ক'রেছেন ; আর ওরকম ক'রবেন না । আমি স্বামী নিয়ে
সংসারধর্ম ক'রতে চাই ।

অধৈত । তিনি যদি সংসার না করেন ?

বিষ্ণুপ্রিয়া । তা'হলে বুঝবো, আপনারাই তাঁকে সংসার ক'রতে দিলেন
না—বিশেষ আপনি । আপনি বসুন আচার্য্য, আমার এখনও
অনেক গৃহকাজ বাকী আছে । আমার মিনতি আচার্য্য,
আমার স্বামীকে আপনারা এমনভাবে আমার কাছ থেকে
ছাড়িয়ে নেবেন না !

[বিষ্ণুপ্রিয়ার প্রস্থান ।

(নিত্যানন্দের প্রবেশ)

অধৈত । বেশ লোকের কাছে পাঠিয়েছিলে গৌরান্দ্রপ্রেমের রসতত্ত্ব
বুঝতে !

নিতাই । বকুনি খেয়েছ তো ? তাতে আর হ'য়েছে কি !

অধৈত । না—হয়নি' কিছু ; তবে ভাবছি, মা লক্ষ্মী যা ব'ললেন—
তা' সত্যি না মিথ্যে !

নিতাই । পরে ভেবোএখন, আপাততঃ আহারাদি ক'রবে এস !
মা . অন্নপূর্ণা তোমার জন্য অন্নব্যঞ্জন সাজিয়ে নিয়ে ব'সে
আছেন ।

[উত্তরের প্রস্থান ।

—তৃতীয় অঙ্ক—

(গঙ্গাদাস পণ্ডিত ও শ্রীবাস প্রবেশ করিলেন)

গঙ্গাদাস । কৈ গো—কোথায় সব ?

শ্রীবাস । বোধহয় বাড়ীর ভিতর আহাৰাদি ক'রছেন । এস আমরা একটু অপেক্ষা করি । কিন্তু তুমি ঠিক জান ?

গঙ্গাদাস । জানি বৈ কি ! নব্বীপের ব্রাহ্মণ-পণ্ডিতরা নিমাইকেই দোষ দিচ্ছে !

শ্রীবাস । নিমাইয়ের দোষ কি ?

গঙ্গাদাস । তাঁরা ব'লছেন, চীৎকার ক'রে সঙ্কীৰ্তনের দরকার কি ? সহরময় রাষ্ট্র, রাজা সৈন্ত পাঠাচ্ছেন — বৈষ্ণবদের ধ'রে নিয়ে যাবে ।

শ্রীবাস । যাক্, সে তো পরের কথা ; আপাততঃ সঙ্কীৰ্তন বন্ধ ?

গঙ্গাদাস । হাঁ, বন্ধ ।

শ্রীবাস । কিন্তু চাঁদ মিঞা তো ওরকম খামখেয়ালী ছিল না !

গঙ্গাদাস । এ তোমার ঐ গোপাল-চাপালের দলের কাজ । জগাইমাধাই ভক্ত হওয়ায় ওদেরই তো সব চেয়ে অসুবিধা হ'য়েছে কি না ?

শ্রীবাস । নিজেরা অত্যাচার ক'রে খুসী হ'লনা, শেষ পর্যন্ত ভিন্নধর্মীর সাহায্য নিচ্ছে !

গঙ্গাদাস । তারা ব'লবে, রাজার সাহায্য নিচ্ছি ।

শ্রীবাস । তুমি কি বল, এ অত্যাচার সহ করা উচিত ?

গঙ্গাদাস । উচিত তো নয়, কিন্তু ক'রবে কি ? যদি সৈন্ত আসে ? হরিনাম ক'রতে গিয়ে একটা দাদাহাজামা বাধাবে ?

—বিষ্ণুপ্রিয়া—

- শ্রীবাস । দেখি, এঁরা আমুন—কি বলেন । ঐ যে সব আসছেন ।
(অধৈত, নিমাই ও মিত্যানন্দের প্রবেশ)
- অধৈত । জগজ্জননীর হস্তের রন্ধন—তার উপর চর্ক্য চোম্ব-লেহ-পেয়
আহার !
- গঙ্গাদাস । কি আশ্চর্য্য ! আচার্য্য কি মিশ্রগৃহে আহার ক'রেন
নাকি ? আপনার বরেন্দ্রভূমির কোণীতে বৈদিক অন্ন সহ
হবে তো ?
- অধৈত । কে—গঙ্গাদাস নাকি ? এই যে, শ্রীবাসও আছ ! আমার
জাত নিয়ে টানাটানি, আর তোমরা বুঝি' সাক্ষী হবার জন্ত
হাজির !
- গঙ্গাদাস । আজে না, সে জন্ত আসিনি । শোন নিমাই, নবদ্বীপের হিন্দু-
অধিবাসীরা অভিযোগ ক'রেছে—উচ্চকণ্ঠে নগরসংকীর্ণন
নিষেধ ।
- নিমাই । নগরসংকীর্ণন নিষেধ !
- গঙ্গাদাস । হাঁ নিমাই !
- নিমাই । নবদ্বীপের সামাজিকেরা কি বলেন ?
- শ্রীবাস । তাঁদের অভিযোগের ফলেই তো এই নিষেধাজ্ঞা ।
- নিমাই । তা'হলে নবদ্বীপে হরিণাম গোপ হোক !
- নিমাই । না, এরা আমায় নবদ্বীপে বাস ক'রতে দেবে না । শোন
শ্রীপাদ ! তুমি এই মুহূর্ত্তে বামুদেব, মুরারি, নরহরি প্রভৃতি
সবাইকে সংবাদ দাও, তাঁরা যেন নবদ্বীপে যেখানে বসত খোল,

— তৃতীয় অঙ্ক —

করতাল, কীর্তনীয়া আছে—সবাইকে সঙ্গে নিয়ে অতি সঘর
এইখানে আসেন। আজ নবদ্বীপে মহা হরিসংকীৰ্তন—
হরিনামের উন্নত প্লাবন! আপনারা প্রস্তুত হোন। আমি
মা আব বিষ্ণুপ্রিয়াকে প্রবোধ দিয়ে আসি।

[সকলের প্রস্থান।]

(শচীদেবীর প্রবেশ)

শচী। হাঁ নিমাই, শুন্ছি নাকি নবাব সৈন্য পাঠিয়েছে! কেন
বাবা, তুমি এমন হুঃসাহসের কাজ ক'রতে যাচ্ছ?

নিমাই। মা, আমি তো কোন হুঃসাহসের কাজ ক'রছি নে। আমি
রোজ যেমন নগরকীর্তনে বার হই, আজও তেমনই যাব;
তবে আজ কাজীর বাড়ীতে।

শচী। তবে ওরা যে ব'লুলে—ফৌজ পল্টন আসছে?

নিমাই। যার যা' অস্ত্র মা! ওদের অস্ত্র ওরা যোগাড় রাখবে।
আমার অস্ত্র আমার রসনায়—নামসংকীৰ্তনে। তুমি
ভেবোনা মা, কোন ভয় নেই।

শচী। তোমার জ্ঞান তো নয় বাবা, সঙ্গে এক দঙ্গল গোয়ারগোবিন্দ
লোক—কি জানি, একটা গুগোল যদি বাধিয়ে বসে!

নিমাই। কোন ভয় নেই মা, তুমি আশীর্বাদ কর।

শচী। হরি তোমায় রক্ষা করুন।

[শচীদেবীর প্রস্থান।]

—বিষ্ণুপ্রিয়া—

(নিমাই গমনোদ্ভাত, হাসিতে হাসিতে বিষ্ণুপ্রিয়ার প্রবেশ)

বিষ্ণুপ্রিয়া । শোন—শোন, বড় মজা হয়েছে ! আচার্য্য আজ—

নিমাই । শুনবার সময় নেই এখন ।

বিষ্ণুপ্রিয়া । কেন, কি হ'য়েছে ?

নিমাই । ঐ—শুন্তে পাচ্ছনা ?

(নেপথ্যে খোল-করতাল বাজিয়া উঠিল)

বিষ্ণুপ্রিয়া । পাষণ্ডদলনে চ'লেছ ? আর কটা পাষণ্ড আছে নবমীপে ? সব-
কটীকে একদিনে উদ্ধার ক'রে দাও, আমি বাঁচি ! আজকের
পাষণ্ডটা কে ?

নিমাই । চাঁদ কাজী নগরসংকীৰ্ত্তন বন্ধ ক'রবার নিষেধাজ্ঞা প্রচার
ক'রেছে ।

বিষ্ণুপ্রিয়া । তবে সে তো আমার পরম মিত্র ! এমন দিন কি কখনো
আসবে, যখন নগরসংকীৰ্ত্তন থাকবে না, হরিবাসর
থাকবে না, পাতকীউদ্ধার থাকবে না—কোন কাজ
থাকবে না !

নিমাই । শুধু তুমি আর আমি—এই কি তোমার কামনা ! কি
দেখ ছো ওদিকে ?

বিষ্ণুপ্রিয়া । ঐ দেখ, কত লোক ! কাতারে কাতারে অসংখ্য লোক
আসছে, তোমার হরিসংকীৰ্ত্তনে যোগ দেবার জন্য । কি
আশ্চর্য্য, এ যে লোকে-লোকারণ্য !

নিমাই । তা'হলে আমি আসি লক্ষী, আর দেবী ক'রবো না ।

—তৃতীয় অঙ্ক—

বিকুপ্রিয়া । এস, আমি তোমায় বীরবেশে সাজিয়ে দেব ।

নিমাই । বাইরে কীৰ্ত্তনীয়ারা অসহিষ্ণু হবে ।

বিকুপ্রিয়া । না—হবে না , এস আমার সঙ্গে ।

[বিকুপ্রিয়া নিমাইকে ভিতরে লইয়া গেলেন । কীৰ্ত্তনের দল আসিল ; খোল-করতাল-বাদ্য ও নৃত্যগীত । পরে সুসজ্জিত নিমাই আসিলেন । উদ্ভূত দল চলিল ।]

গানের ধূয়া

যব্ হরি আয়ব গোকুলপুর্ ।

ঘরে ঘরে নগরে বাজব জয় তুর্ ॥

[সংকীৰ্ত্তনের দল চলিয়া গেলে বিকুপ্রিয়া আত্মহারা হইয়া সেই দিকে চাহিয়া রহিলেন এবং আপনার অজ্ঞাতমারে সঙ্গীতের তালে তালে তাঁহার সর্ব দেহ ও মন নাচিতে লাগিল । কিছুকণ নৃত্যের পর তাঁহার দেহ হইতে শ্বেদ, কন্ম, পূলক ও অশ্রু নির্গত হইল । তাষাবিষ্টের মত তাঁহার দেহ অবশ হইয়া আসিল ।]



চতুর্থ অঙ্ক ।

[শচীদেবীর বাড়ী । বাড়ীর ভিতর হইতে মিত্রানন্দ ও বাহির হইতে
অশ্বৈত প্রবেশ করিলেন ।]

- নিতাই । এস—এস, বাবাঠাকুর এস !
অশ্বৈত । ভালই হ'ল নিতাই, যাবার আগে তোমার সঙ্গে দেখা হ'ল ।
নিতাই । তুমি আবার যাবে কোথায় ?
অশ্বৈত । আমি শান্তিপুরে যাচ্ছি ।
নিতাই । এত তাড়াতাড়ি শান্তিপুরে যাবে কেন ?
অশ্বৈত । আমায় সাধনা ক'রতে হবে নিতাই !
নিতাই । কি সাধনা ?
অশ্বৈত । তুমি আমায় যে মন্ত্র দিয়েছ, সেই মন্ত্রসাধনা ।
নিতাই । আমি আবার তোমায় কি মন্ত্র দিলাম !
অশ্বৈত । তুমি দিয়েছ, মন্ত্রও আমি পেয়েছি । তবে এখন সাধনা
আবশ্যক । তোমার কাছে যা' মন্ত্র, আমার কাছে যে তা'
জন্ম-জন্মান্তরের সাধনা ।
নিতাই । কেমন ক'রে পেলো ?
অশ্বৈত । সেদিন তোমার সঙ্গে নগরকীর্তনে ।
নিতাই । কোন্ দিন, যেদিন কাজীর বাড়ী কীর্তন হয় ?

—চতুর্থ অঙ্ক—

- অষ্টেত । ঠা নিতাই ।
- নিতাই । সেদিন যে ঠাকুর দর্পহারীরূপে দেখা দিয়েছিলেন ।
- অষ্টেত । দর্পহারী !
- নিতাই । নিশ্চয়ই ! নৈলে তোমার ওবিষ্ণার দর্প অষ্টেত আচার্য্য,
আর কেউ হরণ করুতে পারতো ! আর বিষ্ণা ও ব্রহ্মের
স্বরূপ ছাত্রদের পড়াবে ?
- অষ্টেত । কাজীর কি হ'লো ?
- নিতাই । সে তো তুমি নিজের চোখেই দেখে এলে ।
- অষ্টেত । না, আমি কিছুই দেখিনি । সেদিন আমাতে আমি
ছিলাম না ।
- নিতাই । এখন কি ভাবছ ?
- অষ্টেত । এখন ভাবছি নিতাই, ততঃ কিম্ ! এর পর কে তাকে এই
ক্ষুদ্র নবধীপে বেঁধে রাখবে ?
- নিতাই । না—না—না বাবাঠাকুর, ওই প্রশ্নটা ছাড় । ওই প্রশ্নটা
তুমি করো না ; ও আমি চিন্তা করুতে পারি নে ! কেন,
তোমরা কি বহুমান নিয়ে থাকতে পার না ? ভবিষ্যতের
কথা কি না ভাব লেই নয় !
- অষ্টেত । তোমার মত যে শ্রোতে ভাসতে পারি নি নিতাই ! থাক
ভবিষ্যতের কথা । তারপর, কি বললেন চাঁদ মিশ্রাকে
গৌরহরি ?
- নিতাই । তুমি তো সঙ্গে ছিলে—তোমার কিছুই মনে নেই ?
- অষ্টেত । না ।

—বিষ্ণুপ্রিয়া—

নিতাই । আরো তুমি বল, তুমি বেদান্তবাদী ! এইবার তোমার
চালাকি ধ'রেছি বাবাঠাকুর ! তুমি নাচ ভাল, কেবল মাঝে
মাঝে এলোপাকে তেহাই মার !

অষ্টেত তারপর কি হ'ল চাঁদ মিঞার ?

নিতাই । জগাইমাধায়ের যা হ'য়েছিল । আশ্চর্য্য ব্যাপার বাবা-
ঠাকুর ! আমরা জান্তেম্ নবদ্বীপ আমাদের বিরোধী ।
কথাটা যে মিথ্যা, তাও নয় ; কিন্তু কি ক'রে যে সম্ভব হ'ল,
—সেদিনকার সেই শোভাযাত্রার অন্ততঃ একলক্ষ লোক যোগ
দিয়েছিল । প্রত্যেকের হাতে একটা ক'রে অনন্ত মশাল ।
সেই লক্ষ কণ্ঠের হরিধ্বনি শুনে, কাজী মনে ক'রেছিল, তার
বাড়ী পুড়িয়ে দিয়ে তাকে মেরে ফেলবে । যারা সঙ্গে
গিয়েছিল, তাদের অনেকেরই ঐ রকম ধারণা ছিল ।

অষ্টেত । গৌরচরিত্রের বৈশিষ্ট্য তারা কেমন ক'রে জানবে ? তারা
তো আর তোর মত গৌরানন্দময় নয় !

নিতাই । ঠাকুর সবাইকে ডেকে ব'লেন, তোমরা বাড়ীর বাইরে
দাঁড়িয়ে হরিধ্বনি কর, আমি চাঁদ মিঞার সঙ্গে দেখা ক'রে
আসি । আমরা কয়জন ঠাকুরের সঙ্গে ভিতরে গিয়েছিলাম ।

অষ্টেত । গৌরানন্দ কি ব'লেন চাঁদ মিঞাকে ?

নিতাই । ব'লেন—কাজী সাহেব, আমরা আপনার বাড়ীতে অভ্যাগত,
আর আপনি এখানে লুকিয়ে ব'সে আছেন ? কাজী তো
লজ্জায় অধোবদন ! তবে কাজীও খুব বুদ্ধিমান, তখনই
গৌরানন্দের সঙ্গে সম্পর্ক পাজিয়ে ফেলেন—ব'লে, তোমার

—চতুর্থ অঙ্ক—

মাতামহ নীলাধর চক্রবর্তী, গ্রামসম্পর্কে আমার চাচা হ'তেন। সেই সম্পর্কে আমি তোমার মামা-।

অষ্টেত । কাজী নাকি যে সব পাইক-বরকন্দাজ পাঠিয়েছিল সংকীর্্তন ভেঙ্গে দিতে, তারা সব সংকীর্্তনের কাছে এসেই হরি হরি বলে নাচতে আরম্ভ ক'রেছিল ?

নিতাই । নিশ্চয়ই, তাতেই কাজী বুঝতে পারলে, এ ঈশ্বরনির্দিষ্ট ব্যাপার! এতে মানুষের বাধা দেওয়া কর্তব্য নয়। তবে কাজীকেও খুব ভাল লোক ব'লতে হবে। সে চুপি চুপি সব কথা ব'ললে,—আমার কি দোষ বল ? তোমাদের হিঁহুরা এসে যদি বলে চোঁচিয়ে হরিনাম করা শাস্ত্রে নিষিদ্ধ। তুমি যদি এদের শাসন না কর, আমরা নবাবের কাছে নালিশ ক'রবো !

অষ্টেত । সে তো সত্যি কথা। সে বেচারী কি ক'রবে বল ?

নিতাই । আজ কিন্তু চাঁদ মিঞা পরম ভক্ত! তুমি কি আজই শান্তিপুর যাচ্ছ ?

অষ্টেত । হাঁ নিতাই। ছেলেরা বিশেষ ক'রে অহুরোধ ক'রছে! কিন্তু গোরচাঁদ কোথায়, একবার দেখা না ক'রে তো যেতে পারি নে ?

নিতাই । ঐ যে আসছে।

(নিমাই প্রবেশ করিলেন)

নিমাই । আচার্য্য কি সত্যই যাবেন ?

—বিষ্ণুপ্রিয়া—

- অষ্টেত । হাঁ বাবা, এখনো সংসার আছে—স্ত্রীপুত্র আছে !
- নিতাই । সাংখ্য-বেদান্তও আছে ।
- অষ্টেত । তাও আছে বৈকি । কারও হাত তো এড়াবার উপায় নেই একেবারে ! তা বাবাজি, যাবার আগে একবার যুগলরূপটা ?
- নিমাই । হিঃ ! আচার্য্য, আপনি যদি ঐ রকম কথা বলেন, তা'হলে আমি গঙ্গায় ডুবে আত্মহত্যা করবো !
- অষ্টেত । তুমি আমাকেই বারবার ভোলাতে চাও । তবে বাবা, ম'রবার আগে তোমরা ছ'জন একবার আমার দেখা দিও ।
- নিমাই । আপনার শান্তিপুরের বাড়ীটা আমার ভাল লাগে । আমরা শীগ গির একবার যাব ।
- নিতাই । আচ্ছা বাবাঠাকুর, তা'হলে যাওয়ার আগে একটু পায়ের ধুলো ।

(ছইজন পায়ের ধূলা লইলেন)

- অষ্টেত । যাক্, কৃষ্ণের ইচ্ছা । আমি আর বাধা দেবো না ।
- নিতাই । ঠিক বলেছ বাবাঠাকুর, কৃষ্ণের ইচ্ছা । তুমি আমাদের থাকের নও । আমি ছুল ক'রেছিলাম । রসতত্ত্ব তোমার জন্ম নয়, তুমি বাৎসর্গ্য রসের অধিকারী—বসুদেব, নন্দ, দশরথের মত ।

[অষ্টেতের প্রস্থান ।

—চতুর্থ অঙ্ক—

- নিতাই । তোমার সঙ্গে আমার কথা আছে নিমাই !
- নিমাই । কি কথা ভাই !
- নিতাই । তুমি বোমাকে বাপের বাড়ী পাঠিয়ে দিলে কেন ? তিনি তো যেতে চাননি ।
- নিমাই । তোমায় সত্যি কথা ব'লবো ?
- নিতাই । সত্যি কথাই তো শুনতে চাচ্ছি । যে বোমা তোমার ঋণিক বিরহ সহিতে পারেন না, তাঁকে তুমি জোর ক'রে বাপের বাড়ী পাঠিয়েছ ।
- নিমাই । কিন্তু বিরহ যে সহিতেই হবে শ্রীপাদ ! আমি নিজে প্রস্তুত হ'চ্ছি, বিষ্ণুপ্রিয়াকেও প্রস্তুত ক'রুছি—যা' অবশ্যস্তাবী তার ষষ্ঠ ।
- নিতাই । অবশ্যস্তাবী কি ?
- নিমাই । বিরহ । বিরহ ব্যতীত মিলন পূর্ণাঙ্গ হয়না । মহাবিরহেই শ্রীরাধিকা । সতীবিরহে যোগীশ্বর মহাদেব । বিষ্ণুপ্রিয়াকে আমি এতো ভালবাসি যে, ক্ষুদ্র মিলন দিয়ে আর তাঁকে বাধা সম্ভব হবে না !
- নিতাই । তোমার কথা বুঝতে পারছি না ।
- নিমাই । বুঝতে পারুছ না ব'লোনা ! বল, বুঝতে চাও না ।
- নিতাই । তবে তাই—বুঝতে চাই না !
- নিমাই । সে ব্রাহ্মণ ঠিকই ব'লেছিল শ্রীপাদ ! সংসারস্থ আবার ভাগ্যে নেই ।
- নিতাই । তুমি সে ব্রাহ্মণের নাম আমার কাছে ক'রো না । আমি তার নাম সহিতে পারি না । তার যা ঋমতা তা' তো

—বিষ্ণুপ্রিয়া—

- ক'রেছে। তারই ফলে চাঁদকাজী আজ আমাদের বন্ধু!
আর সে কি ক'রবে ?
- নিমাই । সে কথা নয় শ্রীপাদ, তবে আমায় যেতে হবে ! তোমাদের
নিয়ে, মাকে বিষ্ণুপ্রিয়াকে নিয়ে আমার এ নদীয়ার বাস
—এ বড় সুখের, বড় আনন্দের ! তবু আমাকে এ সুখ
ছাড়তে হবে !
- নিতাই । কেন ছাড়তে হবে ? ঐ হতভাগাটার কথায় ?
- নিমাই । তোমরা আমায় ভালবাস ; তাই সব কথা শুনেও শোন না ।
তুমি জান, কতলোক আমায় ঈর্ষ্যা ক'রে—আমায় ভণ্ড বলে ।
আমি যদি সুখে স্বচ্ছন্দে সংসার করি, তাদের প্রাণ তো
কখনই গ'লবে না !
- নিতাই । পাষাণের প্রাণ তুমি কি ক'রে গলাবে ?
- নিমাই । জগাই-মাধাইএর প্রাণ তুমি কি ক'রে গ'লিয়ে-
ছিলে ?
- নিতাই । শ্রীগোবিন্দের রূপায় !
- নিমাই । রক্ষের ইচ্ছায় আমি পৃথিবীতে এসেছি—রক্ষের ইচ্ছায়
হরিনামপ্রচার । কিন্তু হরিনামের বীজ তুমি কোথায়
বপন ক'রবে—চারিদিক উষর মরুপ্রান্তর ! সমস্ত নদীয়া-
বাসীর চোখের জলে এ মরুভূমিকে উর্ধ্ব ক'রতে হবে ।
আমি কাঁদবো, তুমি কাঁদবে—মা-বিষ্ণুপ্রিয়া সবাই কাঁদবে !
সেই বিপুল অশ্রুপ্লাবনে নবদ্বীপের মালিন্য যখন কেটে
যাবে—

—চতুর্থ অঙ্ক—

(শচী ও বিষ্ণুপ্রিয়ার প্রবেশ)

শচী । নিমাই !

নিমাই । কি মা !

শচী । কি কথা ব'লুছিলে ?

নিমাই । আমি ব'ছিলাম, কৃষ্ণ যাকে কৃপা করেন, সে আপনি কাঁদে —
যারা তার প্রিয়জন তাদেরও কাঁদায় !

শচী । কেন বাবা ?

নিমাই । কৃষ্ণের ইচ্ছা !

শচী । এই দেখ বাবা, বোমা আপনি এসেছেন ।

নিমাই । বেশ হ'য়েছে মা ! ওঁরা নৈলে কি সংসার মানায় ?
এ'কদিন বাড়ী যেন একেবারে অন্ধকার হ'য়েছিল !
(বিষ্ণুপ্রিয়ার প্রতি) বোমা, বাপের বাড়ী থেকে কি খাবার
এনেছ, একবার বার কর তো বাছা !

শচী । তা' তুমি আমার মাকে ঠকাতে পারবে না, ওকথা ব'লে ।
চি'ড়ে, নারকেলের নাড়ু, চন্দ্রপুলি, ক্ষীরের ছাঁচ, বেহান
মেয়ের সঙ্গে পাঠিয়েছেন ।

নিমাই । শগুঁড়বাড়ী গেলে রোজ এই সব খাওয়ায় মা ?

শচী । শগুঁড়ী থাকলে খাওয়ায় বৈকি !

নিমাই । তুমি যে লোভ দেখালে মা, তাতে আমার একটা বিয়ে
ক'রতে ইচ্ছে হ'চ্ছে । ভাল একটা শগুঁড়ী পাইতো
বিয়ে করি ।

নিমাই । শগুঁড়ী বিয়ে ক'রবে কি গো !

—বিষ্ণুপ্রিয়া—

নিতাই ওই হ'ল—যে বাড়ীতে শাকুড়ী আছে, সেই বাড়ীর মেয়ে ।
বোমা, ছ'খান ক্ষীরের ছাঁচ, চারটে নাড়ু, ছ'খানা চন্দ্রপুলি
এনে দাও তো মা ! আমি হাতে ক'রে খাবো আর পাড়ায়
পাড়ায় বেড়াব ।

(বিষ্ণুপ্রিয়ার ঘরের মধ্যে গমন)

শচী । সে কি !

নিতাই । তোমরা মায়ের-পোয়ে তারে কথা কও না । আমি এক-
জায়গায় ব'সে যদি লক্ষ্মী ছেনেটীর মত খেতে না পারি !
মাঝে মাঝে আমার বালক হ'তে সাধ যায় ।

শচী । তা' বাপু, তুমি তো বালকই আছ !

নিতাই সে তো তোমার চোখে ! বাইরের আর পাঁচজন সে
আবদারে যে কান দেয় না মা ! এই যে, দেখি
বোমা !

(বিষ্ণুপ্রিয়া খাবার আনিলেন—নিতাই খাবার লইলেন)

নিতাই । আমার ওবাড়ীর মায়ের মাছে গিয়ে, আমি এই খেতে খেতে
আবার খাবার আদায় ক'রুবো ।

শচী । চেয়ে না খেলে বুঝি' তোমার পেট ভরে না নিতাই !

নিতাই । ঠিক ব'লেছ মা ! ভিক্ষে মাগার অভ্যাস আর ঘুচ'লো না !

[নিতারের প্রস্থান ।

—চতুর্থ অঙ্ক—

শচী । বৌমা, তুমি তোমার ওবাড়ীর মাসীমার সঙ্গে দেখা ক'রে এস । আর তাকে ব'লো সন্ধ্যের পর আমার সঙ্গে দেখা ক'রতে, বেশী দেরী ক'রো না যেন !

[বিহুপ্রিয়ার প্রস্থান ।

[নিমাই অনেকক্ষণ চঞ্চল হইয়া পবিত্রমণ করিলেন, পবে হির হইয়া একস্থানে দাঁড়াইলেন ।]

শচী । কি ভাব্ছ বাবা ?

নিমাই । অনেক কথা মা ! আমার বড় ছুঃখ !

শচী । তোমার কি ছুঃখ ?

নিমাই । তুমি আমায় অনুমতি দাও, আমি বৃন্দাবন যাব ।

শচী । তোমার মধুর হরিসংকীর্ণনে এই নবদ্বীপই তো বৃন্দাবন হ'য়েছে । তবে তোমার বৃন্দাবন যাবার কি প্রয়োজন বাবা ?

নিমাই । নবদ্বীপ বৃন্দাবন হ'য়েছে এমন কথা ব'লো না মা ! আমি শুনেছি, বৃন্দাবনের পশুপক্ষীও কৃষ্ণনাম ছাড়া অন্য নাম জানে না । আর নবদ্বীপে এমন নরনারী এখনো অসংখ্য আছে, যারা কৃষ্ণনাম শুনলে কানে আঙ্গুল দেয় ! আমি বৃন্দাবনে যাব ।

শচী । বাবা ! এই বুড়ো বয়সে আমার বুকে তুমি শেলাঘাত ক'রবে !

নিমাই । মা ! তুমি যদি কাঁদ, আমার যাওয়া হবে না । তুমি স্বচ্ছন্দ মনে যদি অনুমতি দাও, তবেই আমি যেতে পারি ।

—বিষ্ণুপ্রিয়া—

- শচী । বাবা, তুমি কি আমায় এমনি পাষণী ব'লে মনে কর !
আমি স্বচ্ছন্দ মনে তোমায় বিদায় দেব !
- নিমাই । তোমার মত স্নেহময়ী মা আর কারোও নেই, তাকি আমি
জানি নে ? আমার মনের অবস্থা শুনলে তুমি আমায়
দয়া ক'রবে । মা, রাত্রিদিন আমি কানের কাছে শ্রামের
বাশরীধ্বনি শুনছি—তিনি আমায় ডাকছেন । এ ডাক
যে শুনেছে, সে তো আর ঘরে থাকে না মা !
- শচী । বাবা, আমি যে বড় আশা ক'রেছিলাম ছেলে বৌ নিয়ে
সংসারী হব ! আমার স্বামীর ভিটেয় তোমাদের হৃ'জনকে
রাজা-রাজ্যেশ্বরী দেখ বো !
- নিমাই । আমরা তো কম সাধ ছিল না ! তোমার মত মাকে,
বিষ্ণুপ্রিয়ার মত স্ত্রীকে—নিতাই, শ্রীবাস, অষ্টৈতের মত
বন্ধুগণকে ছেড়ে যাওয়া কি মুখের কথা মা ?
- শচী । তবে কেন যেতে চাও ?
- নিমাই । কৃষ্ণের ইচ্ছা । কামনা আমারও কম নেই মা ! তবে
মাছুষের সহস্র কামনার চেয়ে যে শ্রীনন্দনন্দনের ইচ্ছা বড় !

অশরীরী সঙ্গীতবাণী

অন্ধুর তপন তাপে যদি জারব

কি করব বারিদ মেহে ।

ইহ নব যৌবন বিরহে গোঁয়ায়ব

কি করব সো পিয়া লেহে ।

—চতুর্থ অঙ্ক—

হরি, হরি, কো ইহ দৈব ছুরাশা !
সিন্ধু নিকটে যদি, কণ্ঠ শুকায়ব
কো দূর করব পিপাসা ।
চন্দন তরু যব, সৌরভ ছোড়ব
শশধর বরিখব আগি,—
চিস্তামণি যব, নিজগুণ ছোড়ব
কিএ মোর করম অভাগী !
শ্রাবণ মাহ ঘন, বিন্দু না বরিখিব
সুরতরু বাঁঝ কি ছন্দে
গিরিধর সেবি, ঠাম নাহি পাওব
বিদ্যাপতি রছ ধন্ধে ।

(গান শেষ হইবার পূর্বেই নিমাই ভাবাবিষ্ট, শচীমাতার মোহাবেশ)

- শচী । কে তুমি, আমার নিমাইকে আচ্ছন্ন ক'রে দাঁড়ালে ?
নিমাই । আমি শ্রীকৃষ্ণচৈতন্য—আমারই মধ্য দিয়ে কৃষ্ণকে জানা
যায় ।
শচী । তুমি কি জন্ম এনেছ ?
নিমাই । হরিনামপ্রচারের জন্ম ।
শচী । কি নিমিত্ত ?
নিমাই । কলিযুগে হরিনাম জীবের একমাত্র আশ্রয় ।

— বিষ্ণুপ্রিয়া—

- শচী । তুমি সংসারে থাকবে না ?
নিমাই । আমি তো সংসারের নই । বিপুল কৃষ্ণচৈতন্যকে সংসারে
বাঁধা যায় না ।
- শচী । নিমাই আর তুমি কি অভিন্ন ?
নিমাই । নিমাই আমার জীবরূপ ।
- শচী । আমার কাছে তুমি কি চাও ?
নিমাই । নিমাইয়ের জন্ম সন্ন্যাসের অনুমতি-ভিক্ষা ।
- শচী । আমি অনুমতি না দিলে ?
নিমাই । নিমাইয়ের যাওয়া হবে না ।
- শচী । আমি যে বড় অভাগিনী !
নিমাই । না—তুমি ভাগ্যবতী ।
- শচী । আমায় কি ব'লতে হবে ?
নিমাই । তুমি বল—“নিমাই, আমি মনের সুখে অনুমতি দিচ্ছি” ।
- শচী । নিমাই, আমি মনের সুখে অনুমতি দিচ্ছি । কিন্তু বিষ্ণুপ্রিয়ার
কি হবে ?
- নিমাই । যিনি বিষ্ণুপ্রিয়া, তাঁর জন্ম তোমার ভাবনা কি ?
শচী । (নিদ্রোথিতের মত) নিমাই, নিমাই !
নিমাই । (সহজ অবস্থায়) কেন মা !
শচী । আমি তদ্রাবস্থায় তোমায় কিছু ব'লেছি ?
নিমাই । তুমি আমায় বৃন্দাবনে যাবার অনুমতি দিয়েছ । মা, তোমার
রূপায় আমার মনোবাঞ্ছা পূর্ণ হবে !
- শচী । আমি অনুমতি দিয়েছি ?

—চতুর্থ অঙ্ক—

নিমাই । স্বচ্ছন্দ মনে অমুখতি দিয়েছ ।

শচী । কি ক'রে এ অসম্ভব কথা আমার মুখ দিয়ে বেরুলো !
এ কোন্ দেবতার ছলনা !

নিমাই । দেবতার ছলনা নয় মা, কৃষ্ণের ইচ্ছা ।

শচী । কেন কৃষ্ণ, কেন তুমি আমার মুখ দিয়ে অমন কথা বার
ক'রে নিলে ? আমি অমুখতি না দিলে নিমাই তো কখনো
ষেতে পারতো না । মা হ'য়ে আমি একি ক'রলাম !
নিমাই—নিমাই ! তুমি কোথায় ? আমি যে আর তোমায়
দেখতে পাচ্ছি নে !

নিমাই । মা, তুমি কি পাগল হ'লে ? কি ব'ল্ছো ? এই তো আমি
তোমার সামনে দাঁড়িয়ে !

শচী । কিছুক্ষণ আগে তুমি ছিলে না । তোমার মতন—কিন্তু সে তো
তুমি নও ! বোমা, বোমা !

(বিষ্ণুপ্রিয়া প্রবেশ)

বিষ্ণুপ্রিয়া । কেন মা !

শচী । এদিকে এস । নিমাইয়ের হাত জোর ক'রে ধর । ধর—
আমি তোমায় ব'ল্ছি । লক্ষ্য ক'রো না মা ! যদি ওকে
সংসারে রাখতে চাও, জোর ক'রে ধ'রে রাখ । আমি
পারবো না মা, আমার ষারা হবে না !

বিষ্ণুপ্রিয়া । মা, তুমি অমন ক'রো না । তুমি অমন ক'রলে আমার
প্রাণে আতঙ্ক হয় ! বাপের বাড়ী আমি পাক্তে পারলেম
না । কত লোকে কত কথা বলে !

—বিষ্ণুপ্রিয়া—

শচী । কি কথা বলে, কারা বলে ?

বিষ্ণুপ্রিয়া । সবাই ব'লছে, চারিদিকে কানাঘুষো চ'লছে—উনি নাকি তোমার আর আমার বুকে শেলাঘাত ক'রবেন ! তাইতো মা, আমি চলে এলাম ।

শচী । আমি তোমার হাতে আমার ছেলেকে স'ঙ্গে দিলাম । তুমি মা, আমার নিমাইকে ঘরবাসী কর । আমি কাউকে রাখতে পারিনি । যাকে আঁচলে বাঁধতে গেছি—সেই আমার আঁচল ছিঁড়ে পালিয়েছে । আমি আর বাঁধতে যাব না । তুমি পার ভাল ; না পার, আমি আর কি ক'রবো । আজ আমার একে একে অনেক কথাই মনে প'ড়ছে । বোমা ! তোমায় আমি কি ব'লবো, সংসারে কেউ যেন সস্তান গর্ভে না ধরে !

(সর্বজয়ার প্রবেশ)

সর্বজয়া । দিদি, ওকি ক'রছ ! নিমাইকে বোমাকে ধ'রে অমন ক'রে কাঁদছে কেন ?

নিমাই । মাসীমা এসেছ ? মাকে সঙ্গে ক'রে একটু বেড়িয়ে আন-না তোমাদের ওখার থেকে ?

সর্বজয়া । কি হ'য়েছে নিমাই ?

নিমাই । আমি ব'লেছি বৃন্দাবন যাব । তাতে কি হ'য়েছে মাসীমা ! লোকে বিদেশ যায় না ? তা' ছাড়া আমি কিছু এখনি যাচ্ছি নে । লোকে এক দেশ থেকে আর এক দেশে যে কত কাজে যায় !

— চতুর্থ অঙ্ক —

সর্বজয়া । তা'তো বটেই ।

নিমাই । লোকে বাণিজ্য ক'রতে, টাকা রোজগার ক'রতে দেশ-বিদেশ যায় ; আর আমি যদি ধর্মের জন্ত যাই, তবে সেইই কি সব চেয়ে দোষের হ'ল মাসীমা ?

সর্বজয়া । তা' কেন হবে বাবা ? এস দিনি, আমার সঙ্গে ।

শচী । চল্‌ জয়া ।

[শচী ও সর্বজয়ার প্রস্থান ।

বিষ্ণুপ্রিয়া । মাকে কি ব'লেছিলে ?

নিমাই । বৃন্দাবনে যাবার জন্ত মায়ের অহুমতি চেয়েছিলাম ।

বিষ্ণুপ্রিয়া । বৃন্দাবন কেন যেতে চাও ?

নিমাই । বৈষ্ণব মাত্রই তো বৃন্দাবন ভালবাসে । বৃন্দাবন যে বৈষ্ণবের সর্বস্ব লক্ষ্মী !

বিষ্ণুপ্রিয়া । তুমি সত্যি যাবে বৃন্দাবনে ?

নিমাই । আমার বড় যাবার ইচ্ছা ! কিন্তু মা আমায় তোমার হাতে স'পে দিয়েছেন, তুমি মত না দিলে কেমন ক'রে যাব !

বিষ্ণুপ্রিয়া । কেন—এখানে তোমার এত ভক্ত, এত কীর্তন ! প্রতিদিন নতুন নতুন পায়ঞ্জলন ক'রছো, এখানে তোমার অভাব কি ?

নিমাই । বৃন্দাবনে রাখাক্ষর এখন নাই, অথচ বৃন্দাবনের প্রতি অণু-পরমাণু রাখাক্ষর ! এই মহাবিরহ আর মহামিলন

—বিষ্ণুপ্রিয়া—

একসঙ্গে কেমন ক'রে সম্ভব হ'য়েছে, তাই দেখতে সাধ হয়—
শুধু ধ্যানে নয়, প্রত্যক্ষ ।

বিষ্ণুপ্রিয়া । লোকে যা ব'লছে তা'হলে তা সত্য ?

নিমাই । লোকে কি ব'লছে ?

বিষ্ণুপ্রিয়া । সে আমি যুধ দিয়ে ব'লতে পারবো না ! তোমার দাদা
যা হ'য়েছিলেন, তুমিও নাকি—

নিমাই ! আমাকে সত্যই যেতে হবে । আমার না হারালে কেউ
আমায় সম্পূর্ণভাবে পার না । তোমায় আমার মিলন
এখনো অপূর্ণ লক্ষ্য ! নিজের জীবনে এ সত্য তুমি একদিন
বুঝবে ।

বিষ্ণুপ্রিয়া । আমার জন্মই তো গৃহত্যাগ ! তা' আমি জানি । কিন্তু
তার দরকার কি ? তুমি সংসারে থাক, আমি বাপের
বাড়ীতেই থাকবো । কখনো তোমার চোখের সামনে
আসবো না ।

নিমাই । তোমার কথা সত্য নয় । যদি কখনো গৃহত্যাগ ক'রতে
পারি—হেনো, সে বৈরাগ্যে নয়—পরম অমুরাগে ! আজ
আমি তোমার ঠিক বোধাতে পারবো না ।

বিষ্ণুপ্রিয়া । আমি বুঝতে চাইনে—কখনো বুঝব না ।

নিমাই । ষাক্, মা তো তোমার হাতে আমার স'পে দিয়েছেন । এখন
আমি কি ক'রবো বল ?

বিষ্ণুপ্রিয়া । এইখানে ব'স ।

নিমাই । তারপর, কি ক'রতে হবে !

—চতুর্থ অঙ্ক—

বিষ্ণুপ্রিয়া । আমার নতরবন্দী থাকতে হবে ।

নিমাই । তাই থাকবো ।

বিষ্ণুপ্রিয়া । যখন যেখানে যাবে, যা' ক'রবে—আমার অশ্রুযতি নিতে হবে ।

নিমাই । কোথাও যাব না, কিছুই ক'রবো না । শুধু রাতদিন তোমার সামনে ব'সে ব'সে ঐ চাঁদমুখ দেখবো ।

বিষ্ণুপ্রিয়া । এত সুখ কি সহ হ'বে ! রাতের পর রাত আমার বিরহে কাটলো—তারপর একেবারে অষ্টপ্রহর মিলন !

নিমাই । তুমি যখন ব'লেছ চোখে চোখে আমায় রাখতে চাও, তখন আমি চোখে চোখেই থাকবো । আমি তোমায় কত ভালবাসি, একবার তোমায় দেখাব !

বিষ্ণুপ্রিয়া । তোমায় আর ভালবাসা দেখাতে হ'বে না । আমি এমনিই খুসী আছি ।

নিমাই । না, তোমার সঙ্গে আমি নিবিড় প্রেম ক'রবো । পূর্ণিমার রাত্রে যখন সমস্ত নবদ্বীপ ঘুমন্ত, তখন তোমায় নিয়ে গঙ্গা-তীরে বেড়াব । প্রতি সন্ধ্যায় ফুলের মালা গাঁথবো ; তোমার গলায় পরাব, খোপায় পরাব—তোমায় ফুলরাশী সাজাব ! তারপর চাঁদের দিকে মুখ ফিরিয়ে একদৃষ্টে ঐ মুখের দিকে চেয়ে থাকবো । আর মাঝে মাঝে একবার—

বিষ্ণুপ্রিয়া । যাও !

নিমাই । “যাও” কি ব'লতে আছে ! ব'লতে হয় “এস” ।

—বিষ্ণুপ্রিয়া—

বিষ্ণুপ্রিয়া । হিঃ, তুমি কি যে বল ? ঐ কথা ছাড়া মুখে আর কথা
নেই !

নিমাই । ও কথা শুনে তুমি কষ্ট পাও ?

বিষ্ণুপ্রিয়া । তাকি তুমি জান না ?

নিমাই । তবে ও কথা আর ব'লবো না, তোমার মনে কষ্ট দেব
না—আর কষ্ট ব'লে কাঁদবো না । আজ থেকে 'বিষ্ণুপ্রিয়া'-
নাম জপ ক'রবো ।

বিষ্ণুপ্রিয়া । আর অতোয় কাজ নেই—ঢের হ'য়েছে !

নিমাই । না, তুমি দেখে নিও । বিষ্ণুপ্রিয়াকে জানাই কি সহজ কথা !
কত জন্মজন্ম সাধনা ক'রলে তবে তোমার জানা যায় ।
তুমিই কি আমার কম কাঁদিয়েছ, কম কাঁদাবে !

বিষ্ণুপ্রিয়া । অবাক ক'রলে ! আমি আবার তোমায় কবে কাঁদালেম ?

নিমাই । আমি যে এতদিন ধ'রে এত কেঁদেছি, সে কি সবই শ্রীহরিক
জন্ম ! তোমার সাধনার চোখের জল পড়েনি ? তোমার
সাধনা ক'রেছিলাম ব'লেই তো তোমার হাতে মা আমাকে
সংপে দিতে পেরেছেন । যখন রাখা ব'লে কেঁদেছি, সে
কার প্রেম স্বরণ ক'রে লক্ষী ! কে আমার সমস্ত
চৈতন্যকে রাখায় ক'রে তুলেছিল ! তুমিও কম নও
ভেনো ?

বিষ্ণুপ্রিয়া । বেশ লোক তো যা হোক !

নিমাই । আমার সাক্ষী আছে—শুধু কথা কই না ।

বিষ্ণুপ্রিয়া । থাক, সাক্ষী ডাকতে হবেনা আর !

—চতুর্থ অঙ্ক—

(নিত্যানন্দের প্রবেশ)

নিমাই । ঐ দেখ, না ডাক্তেই সাকী হাজির ।

বিষ্ণুপ্রিয়া । আঃ, চুপ্ করনা !

নিমাই । কেন চুপ্ করবো ? তুমি কাঁদাতে পার আর আমি বলতে পারি নে ?

বিষ্ণুপ্রিয়া । একেই বলে আকাশে আঁকি দিয়ে ঝগড়া বাধানো !

নিমাই । আচ্ছা শ্রীপাদ, তুমিই বল না ?

নিতাই । কি বলবো ?

নিমাই । আমি রাখা রাখা বলে বত কেঁদেছি, তার সব কাগাই কি রাখারক্ষের জন্ত, বিষ্ণুপ্রিয়ার জন্ত এক বিস্মৃও নয় ?

বিষ্ণুপ্রিয়া । তাই কি আমি বলছি !

নিমাই । কাঁদতে আমায় কে শেখালে ? কে আমার মনের বাধা ঘুচিয়ে দিলে ? তুমি তো সব জান শ্রীপাদ !

নিতাই । জানি বৈকি !

গান

(এবার) কঠিন বাঁধনে হরি প'ড়েছ বাঁধা ।

চতুরে চতুরে প্রেম

নয় এ গোয়ালিনী রাখা ।

—বিষ্ণুপ্রিয়া—

মথুরায় হেসেছিলে

কুবুজারে ম'য়ে বামে,

শত বরষ রাই আমার

কেঁদেছিলেন ব্রজধামে !

রাধার সে ধার শুধুতে গোরার

এবার সারা জনম কাঁদা ।

বিষ্ণুপ্রিয়ার নয়নে ভাই,

রাই বিরহের তব্বসাধা ।

পঞ্চম অঙ্ক

[ঈর্গোরাক বিষ্ণুপ্রিয়া'র শরন কক্ষ । ঈর্গোরাক ও বিষ্ণুপ্রিয়া । ঈর্গোরাক
বিষ্ণুপ্রিয়াকে কুলের অলঙ্কারে সাজাইতেছেন ।]

বিষ্ণুপ্রিয়া । আজ যে বড় আদর ?

নিমাই । আমি তো তোমায় ব'লেছিলাম, তোমায় কত ভালবাসি !
তুমি বিশ্বাস করনি ।

বিষ্ণুপ্রিয়া । বিশ্বাস কেন ক'রবো না ?

নিমাই । তুমি ভেবেছিলে—আমি ভালবাসতে জানি নে !

বিষ্ণুপ্রিয়া । ও কথা আমি কোন দিন ভাবিনি, তবে আগেকার কথা
মনে ক'রতে গেলেও আমার গ্রাণে ভয় হয় । রাতের পর
রাত তুমি হরিনাম সংকীর্ণনে কাটিয়ে দেছ । সকালে যখন
বাড়ীতে এলে—আধ-তন্দ্রা আধ-জাগরণ.!

নিমাই । তা'হলে তোমার হাতের গুণ আছে ব'লতে হবে । যে দিন
থেকে মা তোমার হাতে স'পে দিলেন, তারপর থেকে
আমি তোমারই একান্ত !

বিষ্ণুপ্রিয়া । তবে সন্দেহ হয়—সেই তুমি কেমন ক'রে এমন হ'লে !
মাঝে মাঝে ভয়ও কর ।

নিমাই । মা আজকাল খুব খুসী ?

বিষ্ণুপ্রিয়া । খুব খুসী ! তবু ভয় কারও ঘোচেনি ।

—বিষ্ণুপ্রিয়া—

নিমাই । কিসের ভয় ?

বিষ্ণুপ্রিয়া । কিসের ভয়, সে কি তুমি জাননা ?

নিমাই । লক্ষ্মী, আজ আমার একটি কথা রাখবে ?

বিষ্ণুপ্রিয়া । কি কথা ?

নিমাই । যদি রাখ তো বলি ।

বিষ্ণুপ্রিয়া । রাখবো - বল ।

নিমাই । একটা গান গাইতে হবে ।

বিষ্ণুপ্রিয়া । আমি কুলবধু, আমি কি ক'রে গান গাইব ?

নিমাই । আমি কি আর তোমায় জ্বোরে গাইতে ব'লছি ! এই আমার কোলের কাছ'টিতে ব'সে, আন্তে আন্তে—ওধু আমারই জন্ম ।

বিষ্ণুপ্রিয়া । আচ্ছা গাইব ।

নিমাই । এমন ভাবে গাওয়া চাই—আমি যেন সে সুর কখনো না ভুলি । আর এই কুলের গহনাগুলিকে রোজ জল দিয়ে তাড়া রাখ'বার চেষ্টা ক'রবে ।

বিষ্ণুপ্রিয়া । কেন ?

নিমাই । আমি অনেক যত্নে একুস সংগ্রহ ক'রেছি, চয়ন ক'রেছি—মালা গেঁথেছি । এ আমার অন্তরের অমুরাগ, যেন শুকিয়ে না যায় !

বিষ্ণুপ্রিয়া । তুমি এ সব কথা কেন ব'লছ ?

নিমাই । মাহুকের ক্ষুদ্র ভালবাসাকে অমর করা যায় কি না আমি তাই ভাবছি লক্ষ্মী ! তুমি গাও ।

—পঞ্চম অঙ্ক—

বিষ্ণুপ্রিয়া'র গান ।

তোমার রূপে মন ম'জেছে
নয়ন ভোরে তোমায় দেখি !

তবু দেখার সাধ মিটেনা
পলক জানে আমার আঁখি ।

(বঁধুহে) ধরা দিতে এত কেন ভয়,
বুকের মাঝে রেখে তোমায়
পাইনি মনে হয় ;

(আমি) কেমন ক'রে রাখ'বো ধ'রে
নীল আকাশের উদাস পাখী !

নিমাই । এ গান তুমি কেন গাইলে !

বিষ্ণুপ্রিয়া । তোমার ভাল লাগলো না ?

নিমাই । গান শুনে আমার কান্না আসছে ! এ যে আমারই অন্তরের
গান । “আমি কেমন ক'রে রাখ'বো ধ'রে নীল আকাশের
উদাস পাখী !” আমি ভেবেছিলাম আজকের রাতে শুধু
আনন্দ ক'রবো ! তুমি কান্নার সুর কেন গাইলে
লক্ষ্মী !

বিষ্ণুপ্রিয়া । অত বিচার ক'রে গাইনি । মনে এল—গাইলেম ।

নিমাই । তোমায় বড় সুন্দর দেখাচ্ছে আজ, কেন বল দেখি ?

—বিষ্ণুপ্রিয়া—

বিষ্ণুপ্রিয়া । তুমি সাজিয়ে দিয়েছ ব'লে । নিজের হাতের রচনা
সবাইয়ের ভাল লাগে ।

নিমাই । তুমি ব'লতে চাও—তুমি আমার হাতের রচনা ?

বিষ্ণুপ্রিয়া । আজ আমি একেবারেই তোমারই হাতের রচনা ! বালিকা-
কালে কি ছিলাম মনে নেই । তারপর, যেদিন গঙ্গার ঘাটে
প্রথম তোমায় দেখি—

নিমাই । সে দিন থেকেই আমায় ভালবেসেছ ?

বিষ্ণুপ্রিয়া । তাকে ভালবাসা ব'লে কি না জানি না । তবে রোজ
গঙ্গামৃত্তিকা দিয়ে শিবলিঙ্গ তৈরী ক'রে আমি পূজা
ক'রতাম—এই কামনায় যে, তোমার সঙ্গে আমার বিয়ে
হোক !

নিমাই । তারপর, বিয়ে যখন হ'য়ে গেল ?

বিষ্ণুপ্রিয়া । প্রথম দিনকতক খুব আনন্দ হ'য়েছিল ।

নিমাই । তবে সুনশ্যার রাতে কথা কওনি যে বড় ?

বিষ্ণুপ্রিয়া । তখন একে ছেলেমানুষ, তার উপর নতুন বিয়ের লজ্জা !

নিমাই । তারপর যখন আবিষ্কার ক'রলে আমি পাগল, তখন তোমার
কি মনে হ'য়েছিল ?

বিষ্ণুপ্রিয়া । আমি তোমার পাগল ভাবিনি । তবে তোমার কান্না
দেখলে আমারও কান্না পেত । কিন্তু যখন থেকে পাঁচজনে
মিলে তোমায় দেবতা ক'রে তুললে, তখনি সত্যি ভয় হ'ল ;
ভাদের উপর রাগও হ'ল !

নিমাই । ভয় কেন ?

—পঞ্চম অঙ্ক—

বিষ্ণুপ্রিয়া । ভেবেছিলাম, তুমি দেবতা হ'লে আমি আর তোমার নাগাল পাব না ।

নিমাই । কিন্তু নারী তো স্বামীকেই দেবতা ব'লে মানে ।

বিষ্ণুপ্রিয়া । সে যে তার নিজেরই হাতের তৈরী দেবতা । আমি আমার প্রিয়কে ভালবাসার জোরে দেবতা ক'রতে পারি । সে দেবতা একান্ত আমারই । সেই দেবতা ছাড়া আর কোন দেবতাকে নারী তো বুঝতে পারে না । 'পতিই নারীর সর্বস্ব—একমাত্র দেবতা ।

নিমাই । আজ আর আমার প্রতি তোমার কোন অভিযোগ নেই লক্ষ্মী !

বিষ্ণুপ্রিয়া । অভিযোগ আমি তো কোন দিনই ক'রিনি ।

নিমাই । মুখে অভিযোগ করনি সত্য, কিন্তু মনে তোমার নিশ্চয় সংশয় ছিল—হয় তো বা আমি তোমায় ভালবাসিনে !

বিষ্ণুপ্রিয়া । মুখ ফুটে না ব'লেও অন্তরের ভালবাসা অন্তর দিয়েই বোঝা যায় । তুমি তো আমায় উপেক্ষা করনি কোন দিন । আজ আমি অনুভব ক'রছি, আমার নারীজন্ম সার্থক ! আমি তোমায় ভালবেসেছি, তুমিও আমায় ভালবেসেছ । তুমি পরম পণ্ডিত, পরম জ্ঞানী, পরম ভক্ত—হয় তো বা তুমি স্বয়ং নারায়ণ ! তবু তুমি এই নারীকে ভালবেসেছ । তুমি আমায় লক্ষ্মী ব'লে ডাক, আমি কখনো কখনো মনে করি—আমিই সেই বৈকুণ্ঠবাসিনী । এখন তুমি রাখা রাখা ব'লে কাঁদলে আমি মনে করি, তুমি আমার জন্য কাঁদছ ।

—বিষ্ণুপ্রিয়া—

- নিমাই । তোমার কথা সত্য । তুমি যেমন তোমার প্রিয়কে দেবতা ক'রেছ, আমিও তেমনি আমার দেবতাকে আমার প্রিয়ের মধ্যেই দেখেছি লক্ষ্মী ! মুখের দিকে চেয়ে কি দেখেছো ?
- বিষ্ণুপ্রিয়া । তোমাকেই দেখছি—আর ভাবছি তোমাকে এত কাছে পেয়েও তো তোমায় ধরা যায় না ! তুমি যেন সেই নীল আকাশের উদাস পাখী !
- নিমাই । আমাদের কথা আজ বারবার কেবলই গস্তীর রহস্যপূর্ণ হ'য়ে উঠছে ! কিন্তু আমি তো এসব আলোচনা ক'রতে চাইনে, আমি তোমায় নিয়ে আজ আনন্দ ক'রতে চাই ।
- বিষ্ণুপ্রিয়া । অনেক রাত হ'য়েছে ; ঘুমবেনা তুমি ?
- নিমাই । অতি আনন্দে চোখে আমার ঘুম নেই ।
- বিষ্ণুপ্রিয়া । এত আনন্দ কেন আজ !
- নিমাই । আমার ভালবাসা তুমি বুঝতে পেরেছ, তাতেই আমার আনন্দ ।
- বিষ্ণুপ্রিয়া । কিন্তু আমার যে বড় ঘুম পেয়েছে । আমি আর চোখ চাইতে পাচ্ছি না ।
- নিমাই । বেশতো, তুমি এইখানে—আমার কোলে মাথা রেখে ঘুমোও । তাঁদের আলোয় আমি তোমার ঘুমন্ত মুখের শোভা দেখি ।
- বিষ্ণুপ্রিয়া । কিন্তু তুমি যেন বেশীক্ষণ জেগে থেকে না—তোমার অসুখ ক'রবে । (শয়ন করিলেন) তোমার কোল আর এই তাঁদের আলো—আমার মনে হ'চ্ছে, এ বুঝি সত্যি নয় ! আমি যেন কোন্ রূপকথার রাজকন্যা, তুমি সোনার কাঠি দিয়ে আমায়

—পঞ্চম অঙ্ক—

বাঁচিয়েছিলে, এই ঘুমের ভিতর দিয়ে আমি বুঝি আবার
কোন মৃত্যুলোকে গিয়ে পৌঁছাব !
নিমাই । লক্ষ্মী, কথা ব'লতে ব'লতেই ঘুমিয়ে প'ড়লে ! কিন্তু, কিন্তু,
কিন্তু—আজ যে আমার কেবলই তোমার সঙ্গে কথা ব'লতে
ইচ্ছে ক'রছে । (বিষ্ণুপ্রিয়ার রূপে ডুবিলেন) তখন
দিনের পর দিন, রাতের পর রাত চ'লে গেছে—ভুলেও
তোমার মুখের পানে চাইনি, তোমার সঙ্গে কথা কইনি ।
আজ কেন দেখার সাধ মেটেনা—কথা কওয়ার সাধ মেটেনা !
আজ স্বীকার ক'রছি প্রিয়ে, আমি শুধু তোমাকেই
ভালবেসেছি—বহুবার, বহুরূপে ! তুমি কখনো রাধা,
কখনো কৃষ্ণ, কখনো লক্ষ্মী, কখনো বিষ্ণুপ্রিয়া হ'য়ে আমার
সামনে দাঁড়িয়েছ ! তোমার মুখচক্রে প্রতি আমার লুক
লোচন-চকোর আজ পলকহারা হ'য়ে চেয়ে আছে ।
পৃথিবীর সমস্ত লোককে ডেকে আমার ব'লতে ইচ্ছা
ক'রছে—আমি ভালবাসি—ভালবাসি ! (কৃষ্ণের সঙ্কেত
বাঁশী শুনিলেন) একি—কে বাঁশী বাজায় ! তুমি—তুমি ?
তুমি কে আমায় ডাকছ বাঁশীতে ?

অশরীরী সঙ্গীত বাণী

শ্যামের বাঁশরী ওই বাজে,
ওই বাজে—ওই বাজে !

—বিষ্ণুপ্রিয়া—

কত রঞ্জে, কত ধ্বনি,
কত রাগ রাগিনী,
রাই ধনী কানে শুনি
চকিতে চমকি উঠে
স্বপনের মাঝে ।

বাঁশী বাজে—বাজে—বাজে ।
ডাকে আয়—আয়—আয়
ওই যে দাঁড়িয়ে শ্যামরায় !
কুঞ্জ ছয়ারে ফিরে চায়,
সঘনে ডাকিছে রামধিকায় ।
গৃহকোণে আনমনে
অভিসার সাজে
রাই সাজে বাঁশী বাজে ।

নিম্নাট । শ্রীরাধিকার মত সর্ব্ব স্ব ত্যাগ ক'রে আমাকেও যেতে হবে !
তাই কি শ্যাম, এই বাঁশরী-ধ্বনি ? থাকুন বিষ্ণুপ্রিয়া, কাঁছন
শচীমাতা, ভাসুন নয়নাশ্রনীরে নববীপের প্রিয় বঙ্গগণ ।
হরি আমায় সঙ্কেত ক'রেছেন—আর তো আমার ঘরে থাকা
চলে না । বুঝি এমনই অবস্থায় রাই আমার বেঁদে ব'লে
ছিলেন—

“গোকুল নগর মাঝে আর কত নারী আছে
তাঁহে কেন না পড়ল বাধা ;

নিরমল কুল খানি যতনে রেখেছি আমি
বাঁশী কেন বলে রাধা রাধা !”

অশরীরী সদীত-বাণী

রাই সাজে, বাঁশী বাজে !

মেঘ যামিনী অতি ঘন আঁধিয়ার
ঐছে সময়ে ধনী করু অভিসার ॥

ঝলকত দামিনী দশদিশ আপি
নীল বসনে ধনী সব তনু বাঁপি,
বারি বরিখত ঝর ঝর, ধরতর মেহ,

পাওল সুবদনী সঙ্কেত গেহ ॥

নিমাই । এমনি ক’রেই কি তুমি কৃষ্ণকে কিনেছিলে, রাসরসেশ্বরী ?
প্রিয়ে, আমি যাই । আমি শ্রামের বাঁশী শুনেছি, দূর অভি-
সারে আমি চ’লেছি । জানি না, আমার সে মানসবৃন্দাবন
কোথায়, কত দূরে—বাইরে কি অন্তরে ! তুমি আমায় কমা
ক’রো প্রিয়তমে, বুঝি কৃষ্ণের ইচ্ছায় তুমি ষুমিয়েছ ! তুমি

—বিষ্ণুপ্রিয়া—

জেগে থাকলে শ্রাম বোধ হয় আমার ডাক্তে সাহসী হ'তেন না। মা, তোমার কাছেও তো বিদায় নেবার সময় নেই— অস্তুরে বাহিরে ঘন ঘন বাঁশরীনিঃস্বন! আমি জানি— তুমি কাঁদবে, জ্ঞান হারাবে, খুলায় লোটাবে; বিষ্ণুপ্রিয়া হাহাকারে মূর্ছা যাবে! তাই কাঁদ, বিরহ-অশ্রুধারে নবদ্বীপ ভেসে যাক! শ্রীপাদ, শ্রীবাস, অষ্টেত, গদাধর, নরহরি, হরিদাস, জগাই, মাধাই, বাসুদেব, মুরারি, ঈশান, চন্দ্রশেখর—তোমরা আমার মাকে দেখো, আমার প্রিয়াকে দেখো। সবাইকে বুঝিয়ে ব'লো, আমি শ্রামের বাঁশী শুনেছি—কুলহারাণো বাঁশী! নবদ্বীপ—প্রিয়তম জন্মভূমি, তোমায় নমস্কার! ভাগিরথি—ত্রিতাপনাশিনী মা আমার, তোমায় নমস্কার! প্রিয়তমে, এই শেষ তোমার মুখের পানে চাওয়া! আমার শেষ আলিঙ্গন—শেষ চুম্বন তোমার অঙ্গে রেখে গেলাম। তুমি আমায় ক্ষমা ক'রো! কৃষ্ণ কৃষ্ণ কৃষ্ণ কৃষ্ণ, রাখা রাখা রাখা রাখা রাখা! জয় গোপীজনবল্লভ, গোপীজনবল্লভ, গোপীজনবল্লভ!

[নিঃস্বয়ণ ।

বিষ্ণুপ্রিয়া । (স্বপ্নে) ছিঃ—ছিঃ—ছিঃ, তুমি আমায় অমন ক'রে লজ্জা দিয়ে না। চারিদিকে গুরুজন—তারি মাঝে তুমি আমায় চুম্বন ক'রলে! ওই দেখ মা, ভাস্কর, শ্রীবাস পণ্ডিত, অষ্টেত আচার্য—সবাই তোমার নিলজ্জতাব দেখে হাসছে। একি, একি!

—পঞ্চম অঙ্ক—

তোমার একি বেশ ! কোথায় তোমার মাথার শোভা সেই
কুঞ্চিত কেশকলাপ ? তোমার পরিধান গৈরিক বসন—
তোমায় দেখে সবাই কাঁদছে কেন ? শোন, শোন—একি,
আমি কি স্বপ্ন দেখছি ! স্বপ্ন—নিশ্চয় স্বপ্ন, কিন্তু দারুণ
দুঃস্বপ্ন ! দুর্গা দুর্গা দুর্গা ! শোন শোন—আমার কথা শোন !
আমি বড় দুঃস্বপ্ন দেখেছি । আমার সঙ্গে দু'টো কথা কও !
তুমিও ঘুমিয়েছ বুঝি ! কই, কই—কোথায় তুমি ? বিছানায়
নেই তো ! দোর খুলে বুঝি বাইরে গেছ ? (উঠিলেন ও বাহিরে
গেলেন) কি হ'ল—কোথায় গেলে ! তুমি কি আমার ছলনা
ক'রবার জন্ত লুকিয়ে আছ ? আমি—আমি—আমার বড়
শঙ্কা হ'চ্ছে, আমার বুক কাঁপছে ! তুমি এস, আর আমায় ভয়
দেখিও না । কি করি, কোথায় খুঁজি ! তবে কি, তবে কি—
না, তাও কি সম্ভব ? সম্ভব নয়ই বা কেন । মাকে ডাকি—
মা, মা, মা !

শচী । (অন্তরাল হইতে) বোমা, বোমা—কি হ'য়েছে !
বিষ্ণুপ্রিয়া মা, তুমি একবার এদিকে এস !

(শচীদেবীর প্রবেশ)

শচী । বোমা, তুমি—তুমি—একলা ! আমার নিমাই ?
বিষ্ণুপ্রিয়া । আমি তো কিছু জানিনে মা, ঘুমিয়ে প'ড়েছিলাম ; ঘুম থেকে
উঠে দেখি—আমার পাশে নেই, ঘরের দোর খোলা !

—বিষ্ণুপ্রিয়া—

শচী । কি—কি ব'লে । নিমাই' ঘরে নেই ! তবে—তবে কি হবে ?

বিষ্ণুপ্রিয়া । সেইজন্যই তো তোমায় ডাকছি মা, তুমি একবার ডেকে দেখ । আমি যে জোরে কথা কহিতে পারিনে মা !

শচী । হাঁ—তাইতো, চল মা । তুই আমার সঙ্গে আয়—আমরা ছ'জনে খোঁজ করি । কি জানি কোথায় গেল ! আমি জোরে ডাকব—তাহ'লে, তাহ'লে ওনুতে পাবে নিশ্চয়ই ! নিমাই, নিমাই, নিমাই ! তুই আমার সঙ্গে আয়, আমি রাস্তায় গিয়ে আরও জোরে ডাকব—নিমাই, নিমাই, নিমাই !

[উত্তরের প্রহান ।

(ছুইদিক হইতে নিত্যানন্দ ও শ্রীবাসের প্রবেশ)

শ্রীবাস । কেও—শ্রীপাদ ?

নিতাই । পণ্ডিত, তুমি—তুমিও ওনুতে পেয়েছ ?

শ্রীবাস । হাঁ ওনেছি, ঐ শোন আবার !

নিতাই । একি মর্ষভেদী 'নিমাই' 'নিমাই' আহ্বান ! নিদ্রাচ্ছন্ন নবদ্বীপ কি নিমায়ের নাম উচ্চারণ ক'রে হাহাকার ক'রুছে ! বুঝতে পেরেছ কি, এ হাহাকার किसের ?

শ্রীবাস । বুঝেছি শ্রীপাদ, সর্বনাশ হ'য়েছে ! আমি যা' ভেবেছি তাই হ'য়েছে । দেখতে পাচ্ছনা—শূন্য শব্দা ?

—পঞ্চম অঙ্ক—

নিতাই । ও কার ক্রন্দন ?

শ্রীবাস । মা জননী । নিশ্চয়ই তিনি বোমার সঙ্গে রাত্তায় পাগলের মত ‘নিমাই’ ‘নিমাই’ ক’রে ডাকছেন !

নিতাই । শয্যা শূণ্য, গৃহ শূণ্য—বাড়ীতে জনপ্রাণী নেই ! নিশ্চয়ই প্রভু আমাদের কাঁকি দিয়েছেন ! কাল রাত্রে একসঙ্গে অনেকক্ষণ কথাবার্তা ক’য়েছি—বোমার নাম উল্লেখ ক’রে কত রসিকতা ক’রলেন । এমন প্রফুল্ল তাঁকে আর কখনো দেখিনি ।

শ্রীবাস । কিন্তু শ্রীপাদ, আর তো এখানে কিংকর্তব্যবিমূঢ়ের মত আমাদের চুপ ক’রে দাঁড়িয়ে থাকা উচিত হয় না । চল আমরা মাকে ফিরিয়ে আনি ।

নিতাই । চল যাই । কিন্তু তাঁর সঙ্গে দেখা ক’রে তাঁকে কি ব’লবো—
কি কথায় প্রবোধ দেব ?

[উত্তরের প্রস্থান ।

[এবদল লোক প্রবেশ করিল ও চলিয়া গেল । একজন পুরুষ
ও দু জন স্ত্রীলোকের প্রবেশ ।]

প্রথম । ওঃ, এমন সর্বনাশ কি মানুষের হয় ! ওরা বাড়ীতে ফিরিয়ে আনতে পারলে না বুঝি ?

দ্বিতীয় । না, এই তো আমি নিজের চোখে দেখে এলাম । শাওড়া-
বো পাগলের মত ছুটে গেছে গঙ্গার ধার পর্য্যন্ত । বোকে ব’লছে—আমি ‘নিমাই’ ব’লে ডাকি । বোমা, তুমিও ডাক—

—বিষ্ণুপ্রিয়া—

বা-ধুসী তাই ব'লে ডাক । আমার কথা যদি না আসে,
তোমার কথা আসবে । কথা শুনে আমারই ছ'চোখ
ফেটে জল এল মা ! আমি আর থাকতে পারলেম না ।

প্রথম । সর্বজয়া জানতে পেরেছে ?

দ্বিতীয়া । তা' আর পারেনি ! এইবার বুঝি নিয়ে আসছে । ওগো,
তুমি একটু এগিয়ে দেখনা একবার !

পুরুষ । নিতাইদা যখন গেছে, ধ'রে ত আনবেই ।

দ্বিতীয়া । আহা, ছুঁড়ীর কি বরাত গা ! দুধের মেয়ে !

(শচী ও বিষ্ণুপ্রিয়া সহ নিত্যানন্দ, শ্রীধাস ও অন্তান্ত সকলের প্রবেশ)

শচী । ওরে, তোরা আর আমায় ঘরে নিয়ে যাস্নে—ঘর আমার
ভেঙ্গে গেছে ! আর তো আমি চার চালের নীচে মাথা
গলাতে পারবো না । মা, তোমার হাতে হাতে স'পে
দিলাম, তবু রাখতে পারলে না মা !

নিতাই । মা, তোমার পায়ে পড়ি মা ! আমার কথা রাখ—ঘরে
এস ।

শচী । নিমাই—নিমাই ! ও বাবা, আমি কি ক'রে ঘরে যাব ! ওঘরে
যে আমার রাবণের চিতে জলুছে ! ওই ঘর থেকে বার
ক'রে, একে একে আটটা সোনার পদ্ম আমি যে গঙ্গার জলে
ভাসিয়ে দিয়েছি !

বিষ্ণুপ্রিয়া । ও মা, মা !

—পঞ্চম অঙ্ক—

নিতাই । বোমা, তুমি যদি একটু স্থির না হও তো তোমার শাস্ত্রীকে
বাচাবে কি করে ? মা, মা !

শচী । কে—কে, তুই কে ? এখনো আমার মা মা বলে ডাক্‌ছিস্ ?

নিতাই । আমার চিন্তে পাচ্ছ না মা, আমিও যে তোমার ছেলে !
নিমাই নিতাই—আমরা ছুইভাই । কোথায় যাবে ? তুমি
স্থির হও মা, আমি নিজে সমস্ত দেশ খুঁজে তাকে বার
ক'রবো ।

শচী । তুমি কি নিতাই আমার কান্না শুনতে
পেয়েছিলে বুঝি ?

নিতাই । তোমার কান্না তো আমি একা শুনি নি মা ! ন'দের সমস্ত
লোক আজ তোমার কান্না শুনতে পেয়েছে । এই দেশ না
মা—সবাই তোমার বাড়ীর উঠানে দাঁড়িয়ে । ঐ যে
নরহরি, বামুঘোষ, মুরারি—ঐ ওখানে এককোণে দাঁড়িয়ে
গদাধর কাঁদছে ! ঐ শ্রীবাস, হরিদাস, বিজয়, পুণ্ডরীক—
ঐ দেখ মা, উঠানের মাঝখানে জগাই মাধাই ধুলোয় গড়াগড়ি
দিয়ে কাঁদছে । কালই সকালে শান্তিপু্রে অশ্রুত খবর
পাবেন । এত ভক্তের চোখে ধুলো দিয়ে নে কোথায়
পালাবে ? তার সাধ্য কি ? আমি নিজে ন'দের সমস্ত
লোক সঙ্গে নিয়ে দেশ-দেশান্তরে ঘুরে বেড়াব । তুমি কি
মনে কর, সে লুকিয়ে থাকতে পারবে ? তাকে ধরা দিতেই
হবে !

শচী । তাকে ধ'রতে পারবে নিতাই ?

—বিষ্ণুপ্রিয়া—

নিতাই । নিশ্চয় ধ'রুতে পারবো । কিন্তু তার আগে তুমি স্থির হও । তোমায় স্থির না ক'রে তো কোথাও যেতে পারছি না মা !

শচী । আমার জন্ত ভেবো না, আমি স্থির থাকব । তুমি যাও বাবা, তাকে খুঁজে বার ক'রো ।

নিতাই । এদের সবাইকে নিয়ে আমি যাচ্ছি । বোমা, তুমি রইলে—মাকে দেখো ! মা, যদি তোমার হারানিধিকে ফিরিয়ে আনতে পারি, তবেই নবদ্বীপে দিব্বো । যদি তাকে খুঁজে না পাই, আমি অন্নজল ত্যাগ ক'রবো । আর হরি ব'লে ডাকবো না—গোরানাম আর মুখেও আনবো না !

দ্বিতীয় দৃশ্য

[কাটোয়াল পথ । জনৈক গ্রামবাসী ও দিত্যানন্দ]

নিতাই । ওসো, শোন—শোন ! গৌরবর্ণ এক ব্রাহ্মণের ছেলেকে এই পথে যেতে দেখেছ ? মুখে তার সদাই হরি হরি ধ্বনি—নয়ন-জলে চাঁদবদন ভেসে যাচ্ছে !

—পঞ্চম অঙ্ক—

লোকটা গৌরাজের রূপ দেখিয়া পাগল হইয়াছে । সে নিত্যানন্দের
কথার উত্তর দিল গানে]

গান ।

আমি দেখেছিরে তায়
গৌর বরণ সন্ন্যাসী এক এসেছে হেথায় ।
(তার) হরি ব'ল'তে নয়ন ঝরে
আপনি কেঁদে কাঁদায় পরে
রূপে ভুবন পাগল করে
আপন মনে গায়
বলে—“কোথায় শ্যামরায় ?”
হেরিয়ে গগন-ঘেরা!
নব জলধর,
মেঘেরে ডাকিয়ে বলে
“হে মুরলীধর !
দেখা যদি নাহি দিবে
কেন গো বাজালে বাঁশী,
তুমি কি জান না নাথ
আমি চরণের দাসা !”

—বিষুপ্রিয়া—

(কথা) বলিতে বলিতে কাঁদে
ধূলিতে মুরছা যায়—
কুঞ্চিত চারুকেশ
মাথায় নাহিক তার,
মুণ্ডিত মস্তক—
অঙ্গে কোপীন সার !
পথে শত নরনারী
সে বেশ দেখিতে নারি
কাঁদিয়া লুটায় !

নিভাই । এ নিশ্চয়ই আমার প্রাণের গোরা ! ব'লতে পার ভাই,
কোথায় তার দেখা পাব ?

লোক । এই বে গঙ্গার ধারে—তুমি আমার সঙ্গে এস ।

[উত্তরের প্রবাহ ।

তৃতীয় দৃশ্য

[অশ্বত্থের বাড়ী । অশ্বত্থ ও সীতা]

- অশ্বত্থ । ব্রাহ্মণি, নবদ্বীপ থেকে আর কোন খবর আসেনি ?
- সীতা । খবর কে পাঠাবে বল ? ছেলেরা নবদ্বীপে গিয়েছিল । নবদ্বীপে পুরুষ মানুষ কেউ ঘরে নেই । সবাই গোরা-টাঁদের খোঁজে ঘর ছেড়ে দেশ দেশান্তরে বেরিয়ে পড়েছে !
- অশ্বত্থ । মা আর বোমার খবর নিয়েছিল ?
- সীতা । শচী-বিষ্ণুপ্রিয়া আর ওঠেনি ; আজ তিন দিন ধরাসনে পড়ে আছে—স্নান করেনি, খায়নি । গুন্লাম, বৈষ্ণব আর অবৈষ্ণবে আজ আর কোন প্রভেদ নেই—হা গোরা, হা হা গোরা বলে সবাই কাঁদছে !
- অশ্বত্থ । আমি বুঝতে পেরেছি এইবার ; পাষণ্ডদলনের জগুই সে ঘর ছেড়েছে। নইলে তার গৃহত্যাগের কি দরকার ছিল ! শত অনুন্নয়, শত আবেদন, অজস্র অশ্রুবর্ষণ, অষ্টপ্রহর হরিনাম সংকীর্্তন যা' করতে পারেনি—আজ তাই সম্ভব হয়েছে । শচী-বিষ্ণুপ্রিয়ার দিকে তাকিয়ে আজ তারা বুঝবে, কি রক্ত নবদ্বীপ হারিয়েছে ! এতদিন তাদের গৌরাজকে পাওয়া হয় নি—আজ যথার্থ পাবে ।
- সীতা । গুন্লাম, আমরা এখান থেকে যে কাপড় পাঠিয়েছিলাম—যাবার সময় বাবার পরণে সেই কাপড় ছিল ।

—বিকুপ্রিয়া—

অশ্বৈত । ব্রাহ্মণি, সে আমায় বাপের মতনই শ্রদ্ধা ক'রত । আজ তোমায় ব'লছি—কতবার তাকে দেখেছি, শঙ্খ-চক্র গদা-পদ্মধারী—একেবারে আমার ইষ্টমূর্তি ! প্রথম যেদিন দেখা হয়, আমি মুচ্ছা গিয়েছিলাম ! কিন্তু পারতপক্ষে আমায় পায়ে হাত দিতে দেয়নি । বৌমাটীও তাই—সেবার আমায় কত তিরস্কার ক'রলেন । এই তো নরলীলা ব্রাহ্মণি—আর লীলা কাকে বলে !

সীতা । আমার ইচ্ছে হ'চ্ছে, যেখানে আছে—একবার ছুটে গিয়ে চাঁদ-মুখ দেখে আসি !

অশ্বৈত । দেখ গৃহিণি, সবাই তার খোঁজে গেল—জরায় জর্জরিত হ'য়ে আমিই কেবল ঘরের কোণে ব'সে রইলাম । আমি ভগবানের কাছে নিজের জন্ম কখনো কিছু চাইনি—কোনও কামনার দ্বারা আমার পূজাকে কলুষিত ক'রিনি কোনদিন । আজ যদি ভগবান আমার সামনে দাঁড়িয়ে আমায় বর চাইতে বলেন, আমি বলি—“প্রভু, অস্তুতঃ একটা দিনের জন্ম আমায় যুবকের শক্তি দাও—আমি প্রাণগৌরাজের অশেষণে যাব ।”

সীতা । আজ তিন দিন তুমি পূজা-আহিক কিছুই ক'রনি ।

অশ্বৈত । কিন্তু সে ব'লেছিল, আর একবার আসবে ! মৃত্যুর পূর্বে অস্তুতঃ আর একটীবার তাকে দেখা চাই । আচ্ছা, চল-না ব্রাহ্মণি, তুমি আর আমি ! আর তো হাঁটতে পারবো না ! বুক ভেঙেছে, হাঁটু ভেঙেছে—না, হাঁটা আর চলে না !

—পঞ্চম অঙ্ক—

আমরা দু'জন যদি নৌকো ক'রে নবদ্বীপে যাই—শচী-
বিষ্ণুপ্রিয়াকে দেখে আসি! আহা! বিশ্বরূপ যখন ঘর
ছেড়ে চ'লে যায়, তখন আমি নবদ্বীপে।

সীতা। সেই অবধিই তুই বোন এক রকম জ্যান্তে মরা।

অষ্টমত। তাই চল, একবার দেখে আসি। গৌরহারা নবদ্বীপের মূর্তি
কেমন হ'য়েছে তাও একবার দেখা দরকার। আমি
তোমায় ব'লছি ব্রাহ্মণি, তুমি দেখে নিও—এইবার নবদ্বীপ
গৌবাঙ্গময় দ্বিতীয় বৃন্দাবন! চল, আমরা এখনই রওনা
হই।

(নেপথ্যে নিত্যানন্দ)

নিতাই। বাবাঠাকুর, বাবাঠাকুর!

অষ্টমত। বাইরে কে আমায় ডাকলে না ব্রাহ্মণি, বাবাঠাকুর
ব'লে?

সীতা। তোমায় ওনামে তো নিতাই ছাড়া আর কেউ
ডাকে না!

অষ্টমত। কে রে, নিতাই নাকি—এসেছি তুই!

[নিত্যানন্দ গৌরাককে লইয়া প্রবেশ করিলেন]

নিতাই। একা আসিনি বাবাঠাকুর, তুমি যার অশ্রু কাঁদছে তাকেও
সঙ্গে এনেছি।

—বিষ্ণুপ্রিয়া—

- অশ্বৈত । সে এসেছে ? কই দেখি, দেখি একবার মুখখানা - দেখি ।
ত্রাঙ্কণি, দেখে দেখে —নতুন রূপ নতুন বেশ !
- নিতাই । তোমার সামনে দাঁড়িয়ে কে বল দেখি ?
- নিমাই । আমি জানি ।
- অশ্বৈত । তাহ'লে আমার ভোলনি দয়াময় !
- নিমাই । তোমার কাছেই সকলের আগে আসতে হ'ল । তুমি
ডাকলে ব'লে বোধ হয় বৃন্দাবন যাওয়া হ'ল না !
- অশ্বৈত । তোমায় না দেখে যদি ম'রতাম, তবেই কি তুমি
খুসী হ'তে ?
- নিতাই । তুমি অশ্বৈত—লীলাসহচর ; তুমি ম'রবে কি গো
বাবাঠাকুর !
- সীতা । কিন্তু বাবা, একটা কথা—বুড়ো মায়ের বুকে শেলাঘাত
কেন ক'রলে ?
- নিমাই । মা, আমি নরাধম । আমি তাঁর সন্তানের যোগ্য নই ।
সংসারের সমস্ত মায়ের কাছেই আমি ক্ষমা চাইছি । মা,
তোমরা সবাই আমায় ক্ষমা কর—আশীর্বাদ কর, যেন
মাতৃকোপানলে না পড়ি ! শ্রীপাদ, আমার প্রাণ মায়ের
অনু কঁদে উঠছে । আমার তো আর নব্বীপে যাবার
উপায় নেই । তুমি আমার মাকে এখানে নিয়ে এস—
আমি তাঁর পায়ে ক্ষমা চাইব । আমি বুঝেছি—তাঁর মনে
কষ্ট দিয়েছি ব'লে কৃষ্ণ আমায় কৃপা করেন নি, আমার
বৃন্দাবন-দর্শন হ'ল না ।

—পঞ্চম অঙ্ক—

অষ্টেত । যাও নিতাই, এই দণ্ডে যাও—মাকে আমার নিয়ে এস ।
ব'লো, আমরা সবাই তাঁর সন্তান । দয়া ক'রে অধমের
ঘরে ঘেন পায়ের ধুলো দেন । আমার দেহ অশক্ত, নইলে
আমিই যেতাম ।

নিতাই । আর আমার বোমা ?

নিমাই । তাঁর কথা আর ব'লো না—তাঁর নাম আর গুনিয়ে না
শ্রীপাদ ! আমি যে সন্ন্যাসী !

(নিতাই কিছু দূর গিয়া ফিরিয়া চাহিলেন, পরে সঙ্কটে সীতাদেবীকে ডাকিলেন)

নিতাই । মা অন্নপূর্ণা, একটা যে নিবেদন আছে মা !

সীতা । কি নিবেদন বাবা ?

নিতাই । শুভু তো আমার একা আসেন নি ! নবীন সন্ন্যাসী শ্রীকৃষ্ণ-
চৈতন্যকে দর্শন ক'রবার জন্ত শত শত উৎসুক ভক্ত তোমার
ঘরের বাইরে । প্রসাদের ব্যবস্থা ক'রতে হবে যে মা
অন্নপূর্ণা !

সীতা । বেশ তো—ব্যবস্থা হবে ।

(নিতাই চলিয়া গেলেন)

অষ্টেত । (নিমাইয়ের হাত ধরিয়া) আজ আমার সে দিনকার সেই
গান মনে প'ড়ছে—

ষব্ হরি আওব গোকুলপুর

ঘরে ঘরে নগরে বাজব জয়তুরু ।

(সীতা ও অষ্টেত ঈর্গোবাককে ধরিয়া বাড়ীর মধ্যে লইয়া গেলেন)

—বিকুপ্রিয়া—

চতুর্থ দৃশ্য

[বনদীপ—ঈশান । গৃহান্তান্তরে ধূলিণব্যার শচীমাতা ও বিকুপ্রিয়া ।
নিতাই প্রবেশ করিলেন]

নিতাই । মা, মা !

শচী । কে নিমাই, ঘরে এলি বাপ !

নিতাই । মা, চেয়ে দেখ—আমি নিমাই নই, আমি তোমার অধম
সন্তান নিতাই ।

শচী । নিতাই, ফিরে এসেছ এতদিনে ? ঐ দেখ নিতাই, আমার
সোনার কমল ধুলোয় গড়াগড়ি যায় !

নিতাই । মা, তোমার হারানিধি ফিরে পেয়েছি ।

শচী । আনতে পেয়েছ তাকে ! সে কোথায়—কত দূরে ?

নিতাই । শান্তিপু্রে—অধৈতের বাড়ীতে । আমি তোমায় নিতে
এসেছি মা ।

শচী । বাড়ী এল না ?

নিতাই । সন্ন্যাসীর যে বাড়ীতে আসতে নেই মা !

শচী । তাহলে বাবা আমার সন্ন্যাসী হ'য়েছে ?

নিতাই । হাঁ, মা !

শচী । সন্ন্যাসীর বেশ ধ'রেছে ?

নিতাই । হাঁ, মা !

শচী । মাথায় সে কোকড়ান চুল আর নেই ?—মাথা মুড়িয়েছে ?
দেহে অল্প বেশভূষা নেই ?—কৌপীন প'রেছে ?

—পঞ্চম অঙ্ক—

- নিতাই । হাঁ জননি ! তুমি আমার সঙ্গে চল ।
- শচী । না নিতাই, আমি যাব না । আমার বিখরুপ সন্ন্যাসী হ'য়েছিল—এর মুখ দেখে সে হুঃখ ভুলেছিলাম । আজ নিমাইয়ের গায়ে গৈরিক কোপীন দেখলে, আমার একসঙ্গে ছই শোক উথলে উঠবে ! তুমি যাও নিতাই, সে যদি মাকে ছেড়ে থাকতে পারে, আমিও তাকে ছেড়ে থাকতে পারুবো ।
- নিতাই । তুমি তো জ্ঞান—সন্ন্যাসীর মা বলে ডাকতে নেই । কিন্তু নিমাইয়ের মা মা বলে কত কালা ! আমার ছুটি হাত ধ'রে বল্লে—শ্রীপাদ, তুমি দয়া ক'রে আমার মাকে নিয়ে এস ।
- শচী । আমার নাম ক'রে কাঁদলে ? নিষ্টুর আমায় আজও ভোলেনি ?
- নিতাই । তোমায় ভুলবে ?—তাও কি সম্ভব মা ! চল মা আমার সঙ্গে ; তোমার নিমাই তোমায় ডেকেছে ।
- শচী । তবে চল বোমা, ওঠ ; নিমাই ডেকেছে ।
- নিতাই । মা, তোমায় যে একা বেতে হবে !
- শচী । কেন ?—বোমা ? বোমা যাবে না ?
- নিতাই । মাগো, সন্ন্যাসীর যে নারীমুখ দেখা নিষেধ ! যদি চারিচক্রে মিলন হয়, আমার গোর গুণমণি যে স্বধন্দে পতিত হবে মা !
- শচী । তাহ'লে আমার যাওয়া হবে না নিতাই ! আমারই মত হুঃখী অভাগিনী—ওকে ফেলে আমি কোথাও বেতে পারুবো

—বিষ্ণুপ্রিয়া—

না। আমি তোমায় বলছি নিতাই, আমার গর্ভের সন্তান থেকে ঐ পটের মেয়ে আজ আমার বেশী আপন্য।

বিষ্ণুপ্রিয়া। (এতক্ষণ স্থির হইয়া গুনিতেছিলেন) মা, তুমি যাও—আমি যাব না। আমার যাওয়ার আবশ্যক হবে না। আমি বিরহের ভিতর দিয়েই তাঁকে পাব। সংসারে বিরহই তাঁর সাধনা ছিল—আজ আমারও সাধনা বিরহ! তুমি অভিমান ক'রো না মা—আমার একবিন্দু অভিমান নেই। আমি জানি, তিনি আমায় ভালবাসেন। আমি জানি, বৈরাগ্যে নয়—প্রেমেই তিনি আমায় ত্যাগ ক'রেছেন! তুমি যাও মা, সে চাঁদমুখ দেখে এস। তিনি কুশলে আছেন জানলেই আমি সুখী হব।

নিতাই। বোমা, তুমি আমার মা হবারই যোগ্য বটে! যদি কখনো গৌরাক্ষকে জগৎ বুঝতে পারে—বিষ্ণুপ্রিয়াকেও বুঝবে। এস মা!

[বিষ্ণুপ্রিয়া শচীর পদধূলি লইলেন। শচী চিবুক ও মস্তক স্পর্শ করিয়া

আশীর্ব্বাদ করিলেন। শচী ও নিতাই ধীরে ধীরে চলিয়া গেলেন।

বিষ্ণুপ্রিয়া অনেকক্ষণ একা দাঁড়াইয়া রহিলেন। শুক কুলের

মালা ঐগৌরাক্ষের পরিভ্রাজ্য শয্যার ছড়ানো ছিল।

সেইখানে স্বামীর পাহুকা-ছখানি ষড়্বে রাখিলেন।

কুলের ভূষায় উহাকে নাজাইলেন।

তখন ধীরে ধীরে মারামণী

প্রবেশ করিলেন]

বিষ্ণুপ্রিয়া । কে ?—নারায়ণী ?

নারায়ণী । হাঁ আমি । তুমি বুঝি' যাওনি ?

বিষ্ণুপ্রিয়া । না ।

নারায়ণী । নবদ্বীপের সবাই গেছে—ওধু তোমার আর আমার সেখানে স্থান নেই !

বিষ্ণুপ্রিয়া । (মূহ হাসিয়া) স্থান কেন থাকবে না ?

নারায়ণী । তিনি যে সন্ন্যাসী !

বিষ্ণুপ্রিয়া । কে বলে তিনি সন্ন্যাসী ? আমি জানি, তিনি সন্ন্যাসী নন ! তিনি বিরহী, কৃষ্ণবিরহী—বিষ্ণুপ্রিয়াবিরহী । আজ আমি আমার সমস্ত অন্তঃকরণ দিয়ে অনুভব ক'রছি, আমার বিরহ আশ্রয় ক'রেই তাঁর কৃষ্ণবিরহের ক্ষুরণ হ'চ্ছে !

(নারায়ণী বিষ্ণুপ্রিয়ার চরণবন্দনা করিলেন)

নারায়ণী । সেইজন্যই তো তোমার পা-পূজা করি—তুমি ভাগ্যবতী ! আমার যে একুল ওকুল ছকুল গেছে—আমি যে গৌর-কলঙ্কিনী !

বিষ্ণুপ্রিয়া । তোমার এত প্রেম—তুমি কেন কলঙ্কিনী হবে ! প্রেম কি কলঙ্কের বস্তু ?

নারায়ণী । সংসারের লোকের কাছে । ব'লেছি তো—তুমি ভাগ্যবতী ! তুমি গৌরব্দের সহধর্মিণী, তুমি তাঁকে পেয়েছ । তোমার সংসার আছে, ধর্ম আছে । আমার তো কেউ নেই—কিছু নেই ! আমার গৌরাচাঁদ ন'দে ছেড়ে চলে গেছে । যবে

—বিষ্ণুপ্রিয়া—

বাইরে কোথাও তো আর আমার ঠাই নেই ! গোরা
নাম ছাড়া আর আমার সম্বল কিছু নেই !

বিষ্ণুপ্রিয়া । তুই আমার কাছে থাকবি ?

নারায়ণী । কি করবো তোমার কাছে ?

বিষ্ণুপ্রিয়া । তাঁর নাম—তাঁর গুণগান আশায় শোনাবি । তুই কাঁদবি,
আমি কাঁদব !

নারায়ণী । কিন্তু আমার দুঃখ আর তোমার দুঃখ তো এক নয় ।
আমি কলঙ্কিনী ! তুমি কি আমায় রাখতে পারবে ?

গান

দেখিলে কলঙ্কীর মুখ কলঙ্ক হইবে,

এজন্য মুখ আর দেখিতে না হবে ।

তুমি আপন ঘরে থাক ধরম লইয়া,

এদেশে না রব মুই যাইব চলিয়া ।

গোরা-মাণিকের মালা গাঁথি নিব গলে,

গোরা-গুণযশ কাণে পরিব কুণ্ডলে ।

গোরা-অনুরাগ রাস্তা বসন পরিয়া,

দেশে দেশে ভরমিব যোগিনী হইয়া ॥

—পঞ্চম অঙ্ক—

বিকুপ্রিয়া । নারায়ণি ! তুই যে কলঙ্কের গান গাইলি, সেতো সহজ কলঙ্ক
নয়—শ্রীরাধিকা। এই কলঙ্কসাগরে ডুবেছিলেন। সংসারের
সমস্ত ধর্মের চেয়ে এ কলঙ্ক যে অনেক বড়। আমি তোকে
ছাড়বো না—তুই আমার কামার সহচরী।

(বিকুপ্রিয়া দেবী নারায়ণীর হাত ধরিয়া ধীরে ধীরে ঘরের বাহিরে লইয়া গেলেন)



ক্রোড়াক

[শান্তিপুর । অষ্টমের বাড়ীর সম্মুখ—প্রান্তর । লোকারণ্য—দলে দলে লোক আসা যাওয়া করিতেছে ।]

প্রথম পুরুষ । বাড়ীর ভিতর গিয়েছিলে ?

দ্বিতীয় পুরুষ । ভয়ানক ভিঁড়—যাবার উপায় নেই ! শুনেছি, একটু পরে প্রভু এসে সবাইকে দেখা দেবেন ।

তৃতীয় পুরুষ । ঠুর বাড়ী থেকে নাকি মা-ঠাক্করণ এসেছেন ?

অনেক প্রোড়া । তা' আর আসবে না গা—মার প্রাণ তো ? অমন ছেলে মার সঙ্গিনী হয়, সে কেমন ক'রে প্রাণ ধ'রে ঘরে থাকবে !

[একদল লোক বাজিয়া উঠিল—“গৌরপ্রসাদকে একবার হরি হরি বল” ; সঙ্গে সঙ্গে খোল-করতাল বাজিয়া উঠিল ।]

প্রথম পুরুষ । ঐ আসছেন—ঐ আসছেন !

প্রোড়া । কই বাবা, কই সে চাঁদমুখ ? আহা, বাছা আমার ! আহা, ঐ বুঝি শচীমা !

অনেক সুবতি । আর বৌ ?—বৌ কোথায় ? শুনেছি অমন সুন্দরী হই না !

প্রোড়া । সঙ্গিনী হ'য়েছে, আর কি বোয়ের মুখ চাইবে ? তার এ অগের মত হ'য়ে গেল !

—ক্রোড়াক—

শুবতি । কি সুন্দর চোখের চাউনি ! বুঝি' কিছু ব'লবেন ।
তোমরা একটু চুপ ক'রনা গা ।

[সেদিন নবদ্বীপে আর লোক ছিলনা । নিত্যানন্দ, শ্রীবাস, জগাই, মাধাই,
শ্রীমদৈত, শচীমা, বাগিনা, সর্বজন্য প্রভৃতি বেষ্টিত
হইয়া নিমাই প্রবেশ করিলেন ।]

নিমাই । মা—মা, তুমি আমায় কমা কর । তোমার কমা না
পেলে সন্ন্যাস গ্রহণ ক'রেও তো আমি কৃষ্ণকে পাব না !

শচী । বাবা, আমি আশীর্বাদ ক'বুছি—তোমার সন্ন্যাসজীবন
সার্থক হোক ! যেমন ক'রে হোক, আমার দিন কেটে
যাবে ।

নিমাই (নিত্যানন্দের প্রতি) শ্রীপাদ, এইবার তোমার ক্ষেত্র
প্রস্তুত । তুমি মহামন্ত্র প্রচার কর !

[শ্রীগোবিন্দ শচীমাতাকে প্রণাম করিয়া তাঁহার আশীর্বাদ লইয়া ধীরে
ধীরে চলিয়া গেলেন । শচীমাতা আর একবার বৃচ্ছাপন্ন
হইলেন । নিত্যানন্দ তাঁহাকে ধরিয়া তুলিলেন ।]

নিত্যানন্দ । মা ওঠ, এইবার ঘরে চল ; বাড়ীতে বোমা একা
আছেন ।

শচী । বাবা, আমি কেমন ক'রে ঘরে ফিরে যাব !

নিত্যানন্দ । মা, তুমি কি ভুলে যাক ? কৃষ্ণ ব'লেছিলেন—“বৃন্দাবনং
পরিত্যজ্য পাদযেকং ন গচ্ছামি” । তোমার গৌরাদ আর
মুহূর্তের জন্যও নবদ্বীপ ছাড়া নয় । তোমার অন্তরে

—বিষ্ণুপ্রিয়া—

গৌরান্দ, বিষ্ণুপ্রিয়ার অন্তরে গৌরান্দ—নবম্বীপের প্রতি
নরনারীর হৃদয়ে গৌরান্দ !

সমবেত-সঙ্গীত

ন'দে এবার হ'ল বৃন্দাবন !
ঘর ছেড়ে গিয়েছে চ'লে শ্রীগৌরান্দ প্রাণধন ।
পশুপাখী নরনারী
সবাই ফেলে আঁখিবারি
(আবার) অন্ধ হ'ল শচীমাতা
যশোমতী ব্রজে যেমন ।
বিষ্ণুপ্রিয়া নারী ঘরে,
রূপে ভুবন আলো করে,
তবু গৌরা ক্ষীণের তরে,
ত্যাগ্য করে আপন জন ।
কেঁদে কবি কহে বাণী,
মরম-ভাঙা এই কাহিনী,
অমুরাগে যোগী গৌরা—
এরস জানে রসিক সৃজন ॥

অবনিষ্কা

পরিশিষ্ট

[তৃতীয় অঙ্কের শেষে এই পরিবর্তিত অংশ অভিনয় হয় ।]

(গঙ্গাদাস পণ্ডিত ও শ্রীবাস)

গঙ্গাদাস । কই গো—কোথায় সব ?

শ্রীবাস । বোধ হয় আহালাদি ক'রুতে বাড়ীর ভিতর গেছেন । এস
আমরা একটু অপেক্ষা করি । আচ্ছা, তুমি ঠিক জান ?

গঙ্গাদাস । জানি বৈকি । সামাজিকদের মধ্যে প্রবল উত্তেজনা চ'লেছে
—উচ্চকণ্ঠে হরিসংকীৰ্ত্তন তাঁরা সহ ক'রবেন না ।

শ্রীবাস । কেন, তাঁদের আপত্তি কিসের ?

গঙ্গাদাস । রামরূপ আর গোপাল-চাপাল এই কাণ্ডটা ঘটিয়েছে ।
জগাই-মাধাই ভক্ত হওয়ায় ওদেরই তো অসুবিধা হ'য়েছে
সব চেয়ে বেশী !

শ্রীবাস । তাহ'লে হরিনাম বন্ধ হবে নবদ্বীপে ? যিনি নামপ্রচারের
জন্ম ধরাতলে এসেছেন, তাঁকেই হরিনাম প্রচার ক'রুতে
দেবে না ? তুমি কি বল, এ আমাদের সহ করা উচিত ?

গঙ্গাদাস । উচিত তো নয়—কিন্তু ক'রবে কি ? হরিনাম ক'রুতে গিয়ে
শেষ পর্য্যন্ত কি একটা দাদাহাদামা বাধিয়ে ব'সবে ?

শ্রীবাস । শোন গঙ্গাদাস, আমি জানি—হরিনাম মহামন্ত্র ; আমি
জানি—তুণের মত নীচ আর তরুর মত সহিষ্ণু হয়ে হরিনাম
কীৰ্ত্তন ক'রুতে হয় । কিন্তু হরিনামকীৰ্ত্তনই যেখানে
নিষেধ, সেখানকার বিধান কি—তাতে আমি জানি নে !

—বিষ্ণুপ্রিয়া—

গঙ্গাদাস । পাণ্ডিত্যের অভিমানকে যারা বড় বলে মনে করে, বসকে তারা চিরদিনই অশ্রদ্ধা করেছে। আমিও তো ঐ দলেই ছিলাম শ্রীবাস ! তবে আজ আমি নিশ্চয়ই জানি, ওরা পারবে না—পারবে না, বাধা দিতে পারবে না—যতই চেষ্টা করুক ! পাণ্ডিত্যের গণ্ডী কতটুকু ? তার বাইরে যে নিদ্রিত জন-নারায়ণ রয়েছেন—তার অন্তর যে স্পর্শ করে নিমাইয়ের মধুর কর্ণের মধুর হরিনাম !

শ্রীবাস ! এই যে সব আসছেন—এই দিকে !

(অধৈত, নিত্যানন্দ ও নিমাই প্রবেশ করিলেন)

অধৈত । জগজ্জননীর হস্তের রন্ধন—তার উপর চর্ক্য-চোষ্য-লেছ-পেয়—আহার !

গঙ্গাদাস । কি আশ্চর্য্য, আচার্য্য মহাশয় মিশ্রগৃহে অন্নাহার কর্বলেন নাকি ? আপনার বরেন্দ্র-ভূমির কোলীন্যে বৈদিক অন্ন সহ হবে তো ?

অধৈত । কে, গঙ্গাদাস নাকি ? এই যে শ্রীবাসও এসেছে। আমার জাত নিয়ে টানাটানি—আর তোমরা বুঝি সাক্ষী হ'তে হাবির হ'লে ?

গঙ্গাদাস । আস্তে না, সেছন্ড আসিনি—অল্প কথা আছে। শোন নিমাই, নবদ্বীপের পণ্ডিতসমাজ উচ্চকণ্ঠে নগরসংকীর্ণনের বিরোধী। তোমার নগরসংকীর্ণন বন্ধের জন্য যদি প্রয়োজন হয়, তাঁরা রাজার সাহায্য নেবেন।

—পরিশিষ্ট—

নিমাই । (অনেকক্ষণ চুপ করিয়া রহিলেন) তাঁরা কি ক'রতে বলেন ?

গঙ্গাদাস । নিভূতে হরিসাধনা তুমি ক'রতে চাও, ক'রতে পার ; তাতে তাঁদের আপত্তি নেই—কিন্তু উচ্চকণ্ঠে নামকীর্তন ক'রতে পাবে না ।

নিভাই । তাহ'লে নবদ্বীপে হরিনাম লোপ হোক !

নিমাই । না—এরা আমায় নবদ্বীপে বাস ক'রতে দেবে না । নাম-কীর্তন বৈষ্ণবের স্বধর্ম । আমি সব পারি কিন্তু আমার স্বধর্ম থেকে আমি নিচ্যুত হ'তে পারি নে । আমি যতদিন নবদ্বীপে থাকবো, প্রতিদিন নগরসংকীর্তন আমায় ক'রতে হবে । আমি কাউকে আঘাত দিতে চাইনে ; কিন্তু যে ধর্ম আমার আত্মবিকাশ, আত্মপ্রতিষ্ঠা—কোন বাধার ভয়ে সে ধর্ম আমি ত্যাগ ক'রবো না । শ্রীপাদ ।

নিভাই । কেন, নিমাই ?

নিমাই । তুমি যাও—এই মুহূর্তে । এই নবদ্বীপনগরে যেখানে বৃত্ত খোল-করতাল—কীর্তনীয়া আছেন, সবাইকে খবর দাও । তাঁরা যেন অবিলম্বে এইখানে সমবেত হন । আজ নবদ্বীপে মহা-হরিসংকীর্তন—হরিনামের উন্নত প্লাবন ! ধূর্জটির জটাজাল ছিন্ন ক'রে ভাগীরথী যেমন একদিন সমগ্র আর্য্যাবর্তকে ভাসিয়েছিলেন—ঠিক তেমনি ক'রে শ্রীপাদ, মহানামের মহা বন্যায় আমি নিজে ভাসতে চাই—নবদ্বীপকে ভাসাতে চাই । যাও শ্রীপাদ !

[নিমাই ব্যতীত সকলের প্রস্থান ।

—বিষ্ণুপ্রিয়া—

(শচীমাতার প্রবেশ)

শচী । বাবা নিমাই, একি শুনছি ?

নিমাই । কি শুনছো মা ?

শচী । সমগ্র নবদ্বীপ নাকি তোমার বিরোধী, তাঁরা নাকি কীৰ্ত্তন বন্ধ ক'রতে চান ?

নিমাই । কিছু আশ্চর্য্য নয় মা !

শচী । তবে তুমি এত লোক নিয়ে কীৰ্ত্তনে যাচ্ছ কেন বাবা ? যদি দাঙ্গাহাঙ্গামা হয় !

নিমাই । না মা, তুমি ভয় ক'রো না মা । কিছু ভাবনা নেই । আজ বৈষ্ণবের আত্মপ্রতিষ্ঠা !

শচী । তোমার জ্ঞান তো নয় বাবা, সঙ্গে একদঙ্গল গোঁয়ার-গোবিন্দ লোক !

নিমাই । তুমি আশীৰ্ব্বাদ কর মা, তোমার আশীৰ্ব্বাদে কোন অমঙ্গল হবে না । যারা বৈষ্ণব—তাঁরা নিজের ধর্ম্ম গ্রহণ ক'রবে, যারা বৈষ্ণব নয়—তাঁরা আমার সঙ্গ ছাড়বে । আজ আমার জীবনের শ্রেষ্ঠ দিন । আমি আসি মা !

শচী ! হরি তোমায় রক্ষা করুন ।

(শচীমাতার প্রস্থান এবং বিষ্ণুপ্রিয়া-দেবীর প্রবেশ)

পরিচয়

প্রয়োগশিল্পী

স্বরশিল্পী

মঞ্চশিল্পী

ঐ সহকারী

হারমোনিয়ম-বাদক

নৃত্যশিক্ষক

বংশীবাদক

সঙ্গতি ও খোলবাদক

বেহালাবাদক

স্মারক

চিত্রশিল্পী

মঞ্চসজ্জাকর

শ্রীশিবিরকুমার ভাঙ্গড়া

শ্রীকৃষ্ণচন্দ্র দে (অঙ্কগায়ক)

শ্রীসত্যেন্দ্র সেন

শ্রীমণিমোহন চট্টোপাধ্যায়

শ্রীকালিদাস ভট্টাচার্য্য

শ্রীব্রজবল্লভ পাল

শ্রীশৈলেন্দ্রনাথ রায়চৌধুরী

{ শ্রীশশাঙ্কশেখর চতুর্বেদী

{ শ্রীঅনাদিনাথ মুখোপাধ্যায়

{ শ্রীললিতমোহন বসাক,

{ কুমার কনক নারায়ণ ও শ্রীনরেন্দ্রনাথ দাস

{ শ্রীমণিমোহন চট্টোপাধ্যায়

{ শ্রীবিমলচন্দ্র ঘোষ

শ্রীরমেন্দ্রনাথ চট্টোপাধ্যায়

শ্রীভূতনাথ দাস

প্রথম রজনীর অভিনেতৃবর্গ

পুরুষ

শ্রীগোরাঙ্গ	শ্রীশিশিরকুমার ভাট্টা
নিত্যানন্দ	শ্রীনৃপেশনাথ রায়
অম্বিত আচার্য্য	শ্রীযোগেশচন্দ্র চৌধুরী
শ্রীবাস	শ্রীনীতলচন্দ্র পাল
গঙ্গাদাস	শ্রীঅমলেন্দু লাহিড়ী (এমেচার)
কামদেব নাগর	শ্রীশৈলেন্দ্র চৌধুরী
শঙ্কর	শ্রীকুমুমকুমার গোস্বামী
রামরূপ	শ্রীকান্তিকচন্দ্র দে
গোপাল-চাপাল	শ্রীমণীন্দ্রনাথ চট্টোপাধ্যায়
হরিদাস	কুমার কনক নারায়ণ
যুকুন্দ	শ্রীগোর্ধবিহারী ঘোষাল
সঞ্জয়	শ্রীমাণিকলাল বন্দ্যোপাধ্যায়
তৃতীয় ছাত্র	শ্রীপ্রফুল্লকুমার দাস
চতুর্থ ছাত্র	শ্রীভূপেন্দ্রকুমার চক্রবর্তী
দামোদর	শ্রীমোহিতমোহন ভট্ট
ভরত	শ্রীকালিদাস বন্দ্যোপাধ্যায়
জনৈক পাগল	শ্রীকৃষ্ণচন্দ্র দে (অঙ্কগায়ক)
সেবক	শ্রীরবীন্দ্রমোহন রায়
কৃত্যবয়	শ্রীতারকনাথ দে ও শ্রীকৃষ্ণচন্দ্র দাস

କୀର୍ତ୍ତନୀସାଗର

ବାସୁଦେବ (ମୂଳଗାୟନ)
ସୁରାରି, ଗଦାଧର, ନରହରି,
ଚନ୍ଦ୍ରଶେଖର, ବିଜୟ, ପୁଣ୍ଡରୀକ,
ଜଗାହି, ଯାଧାହି ପ୍ରଭୃତି
ଭକ୍ତଗଣ

ଶ୍ରୀକୃଷ୍ଣଚନ୍ଦ୍ର ଦେ (ଅଧ୍ୟାୟକ)
ଶ୍ରୀହରେନ୍ଦ୍ରମୋହନ ରାୟ
ଶ୍ରୀକାଶୀନାଥ ଭଟ୍ଟାଚାର୍ଯ୍ୟ
ଶ୍ରୀଶଶାଂକ୍ତଶେଖର ଚତୁର୍ବେଦୀ
ଶ୍ରୀବ୍ରଜବଲ୍ଲଭ ପାଲ
ଶ୍ରୀଅନାଦିନାଥ ଯୁଥୋପାଧ୍ୟାୟ
ଶ୍ରୀସଂକ୍ଷେପ୍ର ପ୍ରାମାଣିକ
ଶ୍ରୀବିଜୟକୂମାର ଯଦୁମଦାର
ଶ୍ରୀସତୀଜନାଥ ଦାମ
ଶ୍ରୀତାରକନାଥ ଦେ
ଶ୍ରୀଧୀରେନ୍ଦ୍ରନାଥ ପାଢ଼
ଶ୍ରୀକୃଷ୍ଣଚନ୍ଦ୍ର ଦାମ
ଶ୍ରୀକୃଷ୍ଣଧନ ଯୁଥୋପାଧ୍ୟାୟ

ଶ୍ରୀଶ୍ରୀବିଷ୍ଣୁପ୍ରିୟା
ଶ୍ରୀଶ୍ରୀମାତା
ଶ୍ରୀମାରାଗୀ
ଶ୍ରୀମାଗିନୀ
ଶ୍ରୀମର୍ଦ୍ଦିନୀ
ଶ୍ରୀମଦୀତ ବାଗୀ
ଶ୍ରୀମପରିଚାରିକା

ଶ୍ରୀ

ଶ୍ରୀମତୀ ପ୍ରଭାବତୀ
ଶ୍ରୀମତୀ କଳାବତୀ
ଶ୍ରୀମତୀ ମରୟୁବାଳା
ଶ୍ରୀମତୀ ରାଜଲକ୍ଷ୍ମୀ (୧୩୧)
ଶ୍ରୀମତୀ ଯାଗିକିସାଳା
ଶ୍ରୀମତୀ କମଳାବାଳା (୧୩୨)

শ্রীশ্রীগৌরচন্দ্রিকায় নট ও নটীগণ

কুমার কনক নারায়ণ

শ্রীব্রজবল্লভ পাল

শ্রীঅনাদি নাথ মুখোপাধ্যায়

শ্রীঘণ্টেশ্বর প্রামাণিক

শ্রীমতী রাজলক্ষ্মী (২নং)

শ্রীমতী চাক্ৰবালী

শ্রীমতী কমলাবালী (১নং)

শ্রীমতী স্নেহলতা

B1194

